

S T E N O G R A M

**9. Hitne sjednice Skupštine Kantona Sarajevo
održane 28.09.2017. godine sa početkom rada u 10,00 sati**

Predsjedateljica:

Otvaram Hitnu sjednicu Skupštine Kantona Sarajevo. Sve vas srdačno pozdravljam, članove Vlade, goste, kao i predstavnike medija koji prate današnji rad ove Skupštine.

Nadam se da će cijenjeni gledaoci i svi mediji koji prate današnji rad ovog zasjedanja sa pažnjom pratiti i ovaj rad, a nama želim ugodnu atmosferu i uspješan rad.

Prema evidenciji Skupštine, sjednici prisustvuje 29 zastupnika, što je sasvim dovoljno za rad današnje Skupštine i odlučivanje.

Izostanak sa ove sjednice opravdali su: Selma Filipović, Izudin Bajrović.

Još jedna informacija da je Kolegij Skupštine Kantona Sarajevo na sjednici održanoj 19.09.2017. godine donio Odluku o državnoj himni tako da ćemo ovu Skupštinu početi sa intoniranjem himne.

/INTONIRANJE DRŽAVNE HIMNE/

Predsjedateljica:

Prijedlog Dnevnog reda 9. Hitne sjednice Skupštine Kantona Sarajevo slijedi. Imamo samo jednu tačku, a to je:

1. Izvještaj o vodosnabdijevanju Kantona Sarajevo sa predloženim mjerama za rješavanje problema vodosnabdijevanja.

Molim zastupnike da se izjasne o Predloženom dnevnom redu.

Tko je za? Otvaram glasanje. Zatvaram glasanje.

ZA JE GLASALO 27 ZASTUPNIKA, PROTIV NIŠTA I SUZDRŽANO NIŠTA.

Zatvaram glasanje. Dok se malo naviknem.

KONSTATUJEM DA JE SKUPŠTINA USVOJILA DNEVNI RED.

Prelazimo na realizaciju ove tačke.

AD – 1.

IZVJEŠTAJ O VODOSNABDIJEVANJU KANTONA SARAJEVO SA PREDLOŽENIM MJERAMA ZA RJEŠAVANJE PROBLEMA VODOSNABDIJEVANJA

Izvještaj ste dobili uz poziv za sjednicu.

Molim predstavnika Predlagača da podnese uvodne napomene. Uvaženi ministre Hasanspahiću hoćete li izaći ovdje ili ćete s mjesta? Izvolite. Uvaženi ministar Senad Hasanspahić.

Ministar Senad Hasanspahić: UVODNO IZLAGANJE

Predsjedateljica:

Hvala lijepo uvaženi ministre uvaženi ministre Hasanspahić. Za riječ se javio uvaženi premijer Konaković. Izvolite.

Premijer Elmedin Konaković:

Poštovana predsjedavajuća, dopredsjedavajući, poštovana sekretaru, cijenjeni zastupnice, zastupnici u Skupštini Kantona Sarajevo, poštovani ministri u Vladi Kantona Sarajevo, cijenjeni gosti, članovi Skupštine JP VIK, poštovani mediji, gledaoci TVSA sve vas srdačno pozdravljam i želim vam uspješan rad na današnjoj hitnoj sjednici. Praksa jeste da uvijek neko od uvodničara po resorima iznese svoj dio, ja se najčešće nadovežem na to, danas imam još jednu moralnu ljudsku obavezu jer sam ja taj koji je dobio povjerenje Skupštine jednoglasno da procese unutar samog preduzeća promijenim i da imenujem ljude za koje sam vam rekao da ja garantujem lično da nema politike, nema stranaka, na tome vam se ljudski i kao premijer još jednom zahvaljujem. Dužan sam prije svega izvijestiti vas o procesima koji su se od tog dana dešavali u VIK. A onda ću dati svoj osvrt na cjelokupno stanje u ovom preduzeću i na posljedice takvog stanja u preduzeću VIK a koje su teme današnje sjednice. Od julske sjednice koja je bila zadnja održana u Kantonu Sarajevo, prije godišnjih odmora, imenovana je Skupština JKP VIK koja je održala tri svoje sjednice. Tu su sva tri člana Skupštine u Sali, ukoliko za njih eventualno budete imali pitanja, oni također mogu odgovarati na postavljena pitanja. Ne mogu reći sporost, ali procedure koje kažu da se Skupština zakazuje 15 dana prije svog održavanja, onda se kaže u izuzetnim slučajevima osam, oni su s pravnom apsektu morali poštovati, zbog toga su za mjesec dana održali tri sjednice, što vjerovatno ni jedan organ Skupštine u JKP koji su malo sporiji i tromiji ne radi brže a mi bi smo da sve ide brže. Danas je Skupština konstituirajuća NO jer i tamo postoje procedure. Ova Skupština je u međuvremenu smijenila NO u JP VIK zbog neprihvaćenog izvještaja i zbog niza drugih nepravilnosti koje su uočene u radu NO u mandatu u kojem je imenovana i ova Vlada. Dakle, promijenjen je NO i tamo su imenovana tri nova čovjeka. Njihova imena mogli ste saznati iz medija. Oni se zovu Rasim Mezit, Senad Smajlović i Damir Saračević. Dakle to su ljudi koje sam također, kao što sam vama rekao, lično ja predložio nakon velikog broja konsultacija sa ljudima iz struke. I za svakog od njih mogu odgovoriti profesionalno, lično da li su to ljudi stručni za obavljanje ove funkcije i naravno odbijam bilo kakvu insinuaciju, i to svi oni mogu reći da bilo ko od njih pripada nekom užem krugu mojih prijatelja. Ti ljudi, njih šest, ja sam jednog duži period znao. Ovih pet, ne znam ni jednog duže od dva mjeseca. Zbog svega što se ovih dana priča, piše po medijima, dužan sam vama, koji ste mi to povjerenje ukazali, i pitali me da li stojim iza tih ljudi, dati tu informaciju. Njihove ste biografije mogli vidjeti u medijima. To su ljudi iz struke: pravnici, ekonomisti, ljudi iz oblasti vodosnabdijevanja, koji su takve problem rješavali u Tuzli, imamo konsultanta koji je to riješio u Zenici i niz drugih aktivnosti koje poduzimamo u ovom periodu od kada je Vlada odlučila napraviti presedan, pa nešto što je normalan politički tok promijeniti, a sve u svrhu

ubrazavanja rješavanja ovog problema. Ovaj problem je ljudski, matematički vrlo jednostavan. Dakle, dok mi ovdje sjedimo danas u Kantonu Sarajevo na 978 curi voda. U prosjeku struka kaže da je to 0,4 do 0,5 litara, jer ima sigurno i velikih kvarova iako su oni vjerovatno svi veći jer se vide. Dakle, ovo su vidljivi prijavljeni kvarovi. Njih 978. i to je nekoliko stotina litara vode, da ne kažem neku pompeznu informaciju, ali kažu ljudi koji se time bave da je to vjerovatno više. S druge strane, iz VIK danas imamo informacije da bi smo na 600-700 litara na ove količine ne bi smo imali redukcije. Dok mi ovdje sjedimo, u vremenu najlošijeg hidrološkog stanja u Kantonu Sarajevo, prouzrokovano sušom, ministar Hasanspahić je rekao informacije imate, pumpamo prema Kantonu Sarajevo 2600-2700-2800 l/s potrebe grada su polovina od te vode. Činjenica da imamo 75% gubitaka na mreži govori o jednom jedinom problemu u Kantonu Sarajevo. On se zove neprihodovana voda. Neprihodovana je na način da je to curenje i da je to nelegalna potrošnja. Ja ću samo mali, kratki osvrt na ono što jeste činjenica, a prije mandata ove Skupštine i ove Vlade bio problem u Kantonu Sarajevo. Redukcije u Kantonu Sarajevo traju 13 godina. U nekim dijelovima grada kontinuirano i zaista je veliki broj građana Kantona Sarajevo skoro pa navikao na takav koncept. Ali ono što je meni bitno i za šta odgovaram i za šta snosim pred vama i javnosti apsolutnu odgovornost jeste period mandata ove Vlade. Šta se utoliko promijenilo u vodu snabdijevanju. Da li je napravljen bilo kakav iskorak. Ja ovdje s ove govornice tvrdim da nije. I odgovorno tvrdim da je to jedini segment u Kantonu Sarajevo u kojem nije napravljen iskorak. U kojem nije zaustavljen negativan trend. U kojem se ne vide vidljivi koraci naprijed. Negdje je manji, negdje veći. U VIK i u vodosnabdijevanju to nije slučaj. Na još smo većem stepenu gubitaka. Na još smo većem broju kvarova. Na još smo lošijem organizovanju firme. I sada ću govoriti nešto i nadležnostima. Javnosti radi, vi to uglavnom znate, ali želim to da kažem. JKP formirana su tako da je Skupština osnovala osnivačkim aktima sebi preduzeća. Izabrala sebi NO i upravljačke strukture u liku Skupštine preduzeća, NO, i menadžmenta i uprave preduzeća. Vlada Kantona Sarajevo ima svoju ustavnu nadležnost da nadzire rad ovih preduzeća i nikakvu više te da o tome izvještava vas, koji u slučajevima lošeg poslovanja, na osnovu argumenata Vlade, resornog ministra, i ostalih 12 ljudi donosite odluke o stanju tih preduzeća. Imamo obavezu, dužnost da obezbjedimo sredstva koja nam traže eventualno menadžment da pomognemo administrativno, predložimo zakone, uredbe, sve ono što olakšava njihov rad. I tu apsolutno stoji odgovornost Vlade Kantona Sarajevo koja je u periodu od 2,5 godine donosila uredbe, povećavala kazne, predlagala vama mjere. Dakle, ja stojim iza toga da smo ove dvije godine uradili ono što je bilo moguće kako bi se, ova firma unaprijedila. Naš odnos sa preduzećem i sa menadžmentom VIK-a zanemarit ću činjenicu da ovdje zaista dugi niz godina nije bilo ovih rekonstrukcija ni investicija, nisu mijenjanje cijevi, nije zanovljen ni jedan segment ovog cjelokupnog sistema. To je nešto što smo zatekli i nešto što je do sada moralo izgledati drugačije, mnogo bolje. Prvih godinu dana naše saradnje ne možemo nazvati lošom saradnjom. Zajedno smo s menadžmentom VIK-a definisali

slabosti i utvrdili prioritete, ciljeve, zajedno smo se dogovarali oko procesa koji bi se tamo trebali desiti i oni su također jednostavni. I tada smo utvrdili da je veliki broj kvarova. Ovdje imam spiskove nelegalnih potrošača. Uzeli smo na prijedlog tadašnjeg ministra iz DF-a smo dobili spiskove svih nelegalnih, ne nelegalnih, svih dužnika, pa smo se bavili analizom onih koji nisu evidentirani kao dužnici, a našli smo autopraonice koje troše 2 kubika, našli smo hotele čiji je mjesečni račun 400 maraka, a imaju bazene. Našli smo ogroman broj privrednih subjekata koji krađu vodu, vjerovatno s uposlenicima VIK-a. To smo postavili kao jedan od prioriteta i tražili odlučan pristup u borbi protiv nelegalnih potrošača. Nije postajao način da Vlada, a bavili smo se tom idejom, angažuje vanjske saradnike koji bi eventualno bili neka elitna jedinica za otklanjanje nelegalnih potrošača. Jer nema ni pristup ni zakonski osnov da na mreži kojom gazduje VIK: povjerili smo mu to. On je napravio neku kontrolu, ustanovi i isključi. U prvih nekoliko mjeseci je i meni lično to izgledalo da bi moglo biti dobar put borbe protiv nelegalnih potrošača i dobar put u otklanjanju nagomilanih problema, prvenstveno kvarova u samom preduzeću. Radeći svoj posao, nakon prvih desetak mjeseci, počeli smo intenzivno kontrolirati procese u VIK i odlaziti u tu firmu često. Ja sam možda prelazio granice svojih ovlaštenja, baveći se mikromenadžerisanjem i time sam možda čak i doprinio da javnost nekim svojim nastupima ili konstatacijama uznemirim, ali sam zaista od samog početka govorio istinu. To ću uraditi danas, čuti ćete neke informacije koje do sada niste čuli. Tiču se naravno kolektivnih situacijama tamo, tiču se procesa koji su trenutno u Tužilaštvu, i tiču se svega onoga što mi danas možemo reći. Neke stvari ne možemo ali brzo će moći reći neki istražni organi. U cjelokupnom ovom sistemu zahtijevali smo od struke iz VIK da nam definiše prioritete u kojima se investira novac. Ja imam tri dokumenta ovdje u kojima su tri puta, ista uprava, meni postavili drugačije prioritete. Jednom mi napišu da je to rekonstrukcija u dijelovima grada tim, tim i tim. Drugi put mi kažu da je to pumpni agregat, a treći put mi kažu da je to nabavka neke opreme. Pa onda u krug. Pa kada razgovaramo o prioritetima, reći ću vam jedan banalan primjer. Jedan od prioriteta je bio izmjena cjelokupnog potisnog cjevovoda u Opštini Novo Sarajevo. 1,7 miliona čini m, i se. Kada smo, a to uvijek radim, nakon prijedloga VIK konsultujemo struku, pitamo šta vi mislite na ove njihove prijedloge. Tri eksperta iz ove oblasti su se smijala i rekli su nam ljudi nigdje se ne mijenja potisni cjevovod. Da je puko potisni cjevovod vi bi imali gejzir od 160 metara koji bi vam raznio tu cestu. Nemoguće da vam je to predložio VIK. Kada zovnemo tu istu i kažemo jel moguće da su ovi ljudi u pravu oni se vrata na konsultacije i vrata e kažu, e jeste, u pravu si. Kolima ćemo to premjeriti pa ćemo za 7000 KM zavrnut nešto na potisnom cjevovodu i riješili su problem. Takvi zahtjevi iz VIK prema nama stizali su konstantno. Bez obzira što smo bili pritisnuti između potreba rekonstrukcija imali smo sasvim dovoljno sredstava. U ovom periodu oni kažu ništa, a mi kažemo 10 miliona KM. 9 koma nešto- čak 12 u nekim projekcijama sa nabavkom materijala, opreme, bagera, s sredstvima iz CZ, kupovine data logera, da kačimo one koji su nelegalni, za koje sumnjamo da krađu vodu, nabavka, evo oni su imali dva, tri bagera, pa rekonstrukcije, pa su to novi

bageri, pa su to nove mašine, dakle smo dali VIK. Ja i dalje patim za svakom markom koju smo im dali, a oni i dalje govore da smo tamo trebali dati još desetine miliona. Ja odgovornom tvrdim da bi s ovom upravom to bilo bacanje novca, i da ponovo danas ne bi smo imali ništa. Imam dokument u kom piše da ćemo nakon rekonstrukcije ove četiri zone Obala Kulina Bana, jedna na Ilidi, jedna u Vogošći, jedna u NS, jedna u NG. Od tih pet, četiri su realizovane, dobiti 200 litara vode u jako kratkom periodu. Završili smo to i nismo dobili nove količine vode. Dakle, završili smo ove pumpe koje su bile donacija Istanbulskog vodovoda za koje smo lično ministar Fišo, pa gradonačelnik Skaka i ja, otišli u Istanbul, izmolili, pa doveli te ljude da nam doniraju dobru kvalitetnu opremu, od koje smo opet zbog prijedloga struke iz VIK dobili ništa. Nemamo, dakle imamo novu vodu, oni kažu to je s nekih većih dubina, ali hidrološka situacija to ne pokazuje, ona ne pokazuje da smo ovim investicijama dobili bilo šta. Kada smo tim kontrolama, pola moje Vlade je bilo sa mnom na jednom od sastanaka zatražili da izađu ljudi na teren, da premijere neke kvarove za koje smo mi vidjeli da curi, enormno puno litara, tada smo vjerovali ili ne čuli, od šefice ili direktorice tog odjela da VIK nema mjerač protoka. Cijela firma nema mjerač protoka. Dana s VIK ima šest bagera, komunalac Hadžići ima 9 bagera. Od tih 6 bagera pola bagera je kupilo ministarstvo i civilna zaštita. VIK je u međuvremenu kupovao 11 putničkih automobila, jedno za izvršnog direktora. Radio nabavke, i ovu spornu, zadnju očitavanje vodomjera prijateljima svojim, za milion KM; paralelno dok smo vodili proces objedinjavanja jedinstvenog računa komunalne privrede sa BH Poštom, državnom institucijom koja nam je ponudila da sve to bude jeftinije. VIK je rekao, ne, ne mi imamo to mnogo bolje, efikasnije, ekipu ljudi koja to radi, a onda smo iz novina pročitali da su na to angažovali preduzeće ili firmu koja miliona maraka, i neoboriv je taj tender, dobila na tenderu koji je raspisan u maju, bez znanja ministra, bilo koga ko vrši nadzor u radu ove firme. U tim kontrolama smo utvrdili da mjerač protoka nema firma VIK: to je kao da TVSA koja vrši prenos nema kamere u svojim djelatnostima. To je nenormalan podatak koji pokazuje na pristup menadžmenta u rješavanju ovog problema, i to je razlog sukoba između Vlade i mene lično. Personalizira se, neka se personalizira, ja sam zasjenio sve ove naše političare danas kritikama koje trpim lično. Optužbama na račun, prvo mene pa i moje Vlade, potpuno mi je to svejedno. Nemam nikakav problem jer sam ubijeđen da ovo što radimo jeste dobro, jer moj posao jeste da budem prvi i kada je dobro i kada nije dobro. U tim kontrolama sam utvrdio lično, bez Vlade, dakle ovdje je šest ministara koji su na tom sastanku gdje nema mjerač protoka bili, da vam ne kažem da mjerna kola i drugi materijali biti za funkciju preduzeća su misaone imenice. Naravno, oni se kupuju, nisu jeftini, ali za ono za šta su tražili novac, i dobili novac, nisu nikada tražili za ove suštinske, najbitnije stvari, mi naravno to nismo mogli znati. Kada sam upalio računar izvršnog direktora za vodovod. E tu sam prelazio granice svojih ovlaštenja jer sam ja njihove pismene izvještaje dobijao, ali su ovo bili frizirani lažirani, netačni, pa sam se odlučio da banem u tu firmu jedno popodne po ko zna koji put i da je obidem. U 2016 godini u mjesecu julu sam došao, u augustu sam došao, pardon.

Bilo je vrijeme godišnjih odmora, direktor je bio u firmi. Upalio sam računar izvršnog direktora Kenan Đipe i vidio da je u augustu otklonjeno 167 kvarova. Govorim o kvarovima kao osnovnom razlogu za curenje. Tražio sam da mi da 2015 godinu i vratili smo se kompjuterski na 2015. u 2015 je bilo otklonjeno 207 u istom mjesecu. Tako da nije razlog godišnji odmori. 40 kvarova manje, pala je produktivnost. Pratim mandat ove Vlade, šta smo dobili od zahtjeva menadžmenta. Dakle, dobili smo pad produktivnosti na otklanjanju kvarova. Kada sam pogledao juli te godine, to je bilo 104 u julu. 104 otklonjena kvara. Zapamtite to. 3 kvara dnevno ako rade subote i nedjelje. Tri kvara dnevno je otklanjala firma sa 900 uposlenih. U julu 2015 to je bilo 204. duplo je pala produktivnost u tom segmentu. Dakle tada sam obišao kompaniju, obišao one ljude u terenskom nadzoru. Sjedio sa njima dva sata, slušao desetine ili stotine pozive građana koji su prijavljivali kvarove i te jadne ljude koji su se pravdali zato što nisu otklonjeni. Rade težak posao a ne utiču na to. I onda sam našao onog direktora koji prodaje med, šefa tog odsjeka ko ji u tom trenutku nije na poslu. Nije skoro nikad na poslu a odgovaram je za otklanjanje kvarova na vodovodnoj mreži. Te su priče davale nekako možda taj dodatan ton ovoj cijeloj situaciji, izazivale polemike u javnosti, možda su nas odvodile sa realnih pravnih problema. Ali one su takve kakve su. Zanimaju naše medije, zanimaju i našu javnost i više smo se njima bavili, mojim čokoladama, i zbog toga što nisam iz 27 poziva s ovog ovdje iz hodnika nisam uspio dobiti VIK da prijavim kvar u svojoj zgradi, pa sam tako reagovao. Dakle tu sam možda griješio. Ali s druge strane ja sam taj problem otvarao na način koji je bio realan, da ga prezentiramo cjelokupnoj javnosti, prije svega dakle Skupštini. Ogroman problem. Ovo nisam nikad govorio. Počinje kada se u mojoj kancelariji pojavljuje čovjek, sa hrpom papira, ozbiljnih papira, šef Tima za internu kontrolu u VIK: kojeg je lično direktor ovlastio da vrši nadzor nad procesima u VIK-u i eventualno utvrdi nepravilnosti, korupciju, kriminal. Radili su dva mjeseca, napravili su fajl, preozbiljan fajl. Pozvao sam danas predsjednika Antikorupcionog tima Vlade Kantona Sarajevo koji je uključen u ovu cijelu proceduru. Donijeli ga menadžmentu VIK-a, sa nečim što sam ja pregledao a ne mogu govoriti puno detalja jer je na Tužilaštvu trenutno proces koji se vodi, istraga se vodi, ne smijemo kako oni kažu kompromitovati dokaze, reći ću vam dio onoga što smijem reći. Dao ga menadžeru VIK-a glavnom, i koji je po tome trebao postupiti, poduzeti određene mjere. Tu se radi o krađi cijevi, tu se radi o manipulaciji na vodama, tu se radi o ovima koji uzmu materijal, zaduže ga u preduzeću, da bi vama na adresi otklonili kvar. Nikada vam ne dođu na adresu da otklone kvar, taj materijal odnesu kući i rade ljudi privatno. Sve zadokumentovano. Uslikane cijevi koja je neka komisija za otpis cijevi uzme, vjerujte nisu mali novci, jesu oni na jednom mjestu mali, 10.000, 12.000, 5.000 kad dignete neku cijev. Tone su to. Pred kućom tog predsjednika komisije uslikane cijevi. Zadokumentovano. Donesene da se po tome postupi. Menadžment je to gurno u fijoku prvi put, gurno u fijoku drugi put, i treći put su ti ljudi rizkovali svoj posao i došli kod mene. Nisu mogli znati kakva će biti moja reakcija, da li ću ja to prijaviti kolegi s kojim sam drugo u stranici i reći ovaj te neki šmeka tamo ili ću uzeti to i postupati onako

kako sam uradio. I tako su mi i rekli. Mi ne znamo kakva će biti reakcija našeg menadžmenta na ovo što mi radimo, ali mi se plašimo nekih drugih stvari, ne plašimo se menadžmenta. Evo vam premijeru pa vi postupite kako hoćete. Kada smo postupali kako treba. Prije svega zatražili od menadžmenta VIK-a da pokrene aktivnosti, nisu to uradili. Mi smo naravno preko Antikorupcionog tima Vlade proslijedili Tužilaštvu i ove dokaze i dokaze o ne činjenju uprave. Dakle ono što nisu smjeli uraditi, nisu smjeli trpiti da se ova stvar desi. A znate šta se dalje desi. Ovaj tim za internu kontrolu dobije nalog od menadžmenta da u buduću, kada krenu u internu kontrolu moraju dobiti dozvolu i moraju reći gdje idu. Dakle, šefe ti si i dalje, nećemo te smijeniti jer se Vlada malo umiješala, ali kada sada kreneš u internu kontrolu moraš reći gdje ideš, pa ćemo ti dati da ideš ili ti nećemo dati. A i ako ti znamo znat će ti ljudi. To je bio postupak menadžmenta VIK-a. Zašto smo mi u ovolikim tenzijama i zašto danas, a cijeneći sve što ste uradili na zadnjoj Skupštini, imam potrebu da vam sve to kažem, opet s granicom i dozom da to ne ugrozi ono što se nadam da će brzo izaći na vidjelo, a to je istraga u kantonalnom Tužilaštvu o procesima unutar samog preduzeća. Još jedna stvar koju smo provjerili zove se GPS sistem. Uveden od strane menadžmenta koji je trebao pokazati anomalije vrlo prisutne. Ne samo u VIK nego i u drugim preduzećima. Da ljudi zloupotrebljavaju vozila, da se često koriste u privatne svrhe. Da se taj ne samo benzin i druge aktivnosti možete detektovati koje rade u toku radnog vremena, dobijete realnu sliku. Vlada je dva puta tražila šifre za pristup GPS sistemu od menadžmenta VIK-a, to ima napismeno, oba puta su rekli ne može. Vi nemate pravo. Mi imamo NO i skupštinu koji će pregledati šta radi naš GPS Sistem gdje se kreću vozila. Opet smo uključili Antikorupcioni tim, (nerazumljivo) može, njima je dao šifre. Antikorupcioni tim Vlade je obavio pretrage i utvrdio sljedeće: čovjek koji tamo radi, jedan uposleni u VIK radi na održavanju GPS sistema kaže ovako: šta radiš, on kaže pratim vozila. Da li ta vozila imaju radne naloge, nemaju. Ne postoji radni nalog na osnovu kojeg bi momak koji tamo radi trebao vidjeti da li se po radnom nalogu postupa. Dakle uopšte te dvije stvari ne komuniciraju niti postoje. I kome podnosite izvještaj? On kaže kako mislite kome? Pa da li nekome referirate? On kaže ne. Ja sam tu ja to pratim i čovjek sjedi i gleda, ko video igrice ko oni što jedu. Gleda kako se vozila kreću, čovjek završi svoje radni dan, i kaže ja sam to završio. To je stanje u VIK. Opet su ljudi iz ovog istog Tima za internu kontrolu istrpili određene pritiske i moram reći da su zaista prebitan segment ove priče. Bez tih informacija mi nismo mogli imati pravu sliku unutar samog preduzeća jer ljudi koji tamo rade lažu Vladu dugo. A znate šta se s njima na kraju desi? Desi se da u zadnjoj sistematizaciji taj tim za internu kontrolu, jedan bude prebačen na portire, drugi bude prebačen na neki teški dio nekog posla i naravno bude rasformiran kao takav. Oni kao persone budu sankcionisani. A evo još jedna anegdota. Onaj dana kada sam ja požurio da stavim izvještaj VIK-a na skupštinu, i stavio ga da se to što prije raspakuje, reći ću vam nešto o dolasku tog samog izvještaja, nazovu tog momka i kažu mu greškom smo mi tebe stavili na portira, nisi ti portir ti si šef neke službe. On kaže ja ne mogu, ja sam se emotivno vezao za ovo rješenje ja ću biti portir.

To je sada trenutno stanje u VIK. Nije nebitno. Zašto? Izvještaj JKP, ministar Hasanspahić i Vlada dobili su sve u rokovima kada su podnijeli svoje finansijske završne izvještaje agencijama i institucijama, dostavili su i Vladi, svi osim VIK-a. VIK je svoj izvještaj o radu dostavio 30. juna. Zadnji dan zakonski. I potpuno što kažu ovi po zakonu. I u tih 15 dana Vlada je odradila izvještaja, poslala ga Vladi da bude uvršten na julsku sjednicu. Sada govorim o tome. Još neki ljudi koji su s Vladom sarađivali, davali nam informacije sljedećeg tipa: stigne zahtjev za priključenje na kanalizacionu mrežu od jednog ozbiljnog privrednika, investitora za njegov lični hotel. I kaže ovako, propiše se tehnička specifikacija u kojoj imate troškove 80.000 KM. zna se pod kojim uslovima, zna se koji fi, koje cijevi, morate priključiti ovoliko metara, sve se propiše i kaže izvolite. To košta 80.000 KM, kada to završite komisija primi i idete u kanalizacionu mrežu. To je bio kraj je sedmice. Čovjek se negdje nađe za vikend s nekim menadžerima i oni mu kažu sljedeće: nisi lud, odeš ti fino kada oni odu, subota nedjelja, iskopaj kanal, kakvu god hoćeš cijev ti šibni i dođi da te legalizujemo. I legalizuju ga. Oni koji to meni lično donesu, prijave mi naravno i to damo Antikorupcionom timu, i to je u procesu. Oni kažu e vi ćete sada novom sistematizacijom da prostite gdje su te fekalije e dole ćete raditi. To je VIK danas. Mjere koje smo mi ovdje dobili oni kažu dio je njihovih prijedloga. To je tačno. Dakle mi smo iz VIK-a dobivali i dio ovih prijedloga kao prijedlog mogućeg rješenja. Zašto nisu bile provodive? Iz sljedećih razloga, govorio sam o lošim procjenama, pogrešnim investiranjima, ne mogu govoriti o korupciji, ni o čemu što nisam vidio, nema osim ovog dijela u kom govorimo o radu Tima za internu kontrolu i odnosu menadžmenta, a samim tim i nepovjerenja Vlade Kantona Sarajevo prema istom. Jesu ovo bili i neki prijedlozi menadžmenta, bez rokova, bez finansija, dakle onako ti koji su se prioritetno mijenjali svaki dan, pa nam onda kažu treba nam ljudi za ove timove za otklanjanje kvarova, a onda nam kažu meni pošalju jedan spisak da 30 ljudi koji tamo rade devet godina kako oni kažu na lopati, Vlada da saglasnost da ti ljudi počnu raditi na neodređeno vrijeme i zaista trebaju toj firmi i dat ćemo, a onda prije nego što Vlada razmatra tu tačku oni prime 30 ali drugih, onih koji su u administraciju, oni kojima pisalo 30 drugih ljudi. Dakle to je šteta preduzeća oko 700.000 KM ako je prosjek 2000. ljudi danas rade u kancelarijama, sudaraju se po dva papira različita po dvoje nose, jer nema tamo posla za administraciju toliko koliko oni kažu a nisu zaposlili ljude kojima su mogli otklanjati kvarove intenzivnije nego što je bio slučaj. Nisu kupovali bagere, kupovali su putnička vozila. Nisu, trošili novac, ove godine je bilo u reprezentaciji povećanje zahtjeva za reprezentaciju uprave. Ove godine su tamo pet novih telefona Iphona, Galaxy. Male stvari, koje pokazuju odnos ljudi prema ovom cjelokupnom problemu. U situaciji kada ste vi i ova Vlada i svi ostali u sistemu shvatili da se moramo lično odricati, da moramo postaviti prioritete, da se s ovim stvarima borimo, ovaj menadžment to nikada nije radio. Stvar na kojoj se mi dijametralno ne slažemo, dijametralno suprotni naši stavovi jeste da detekcija. Dakle, od početka smo na njoj insistirali. Ja sam vršio pritisak da tamo uđu ovi konsultanti kako čekamo jutro kada će ući, da najsavremenijom opremom koja je na tržištu dostupna,

najsavremenijom tehnologijom u noćnim satima u dnevnim satima izvrše mjerenja na mreži kako je to uradilo 50 gradovima kako sam ja iščitao, kako je riješen problem. Znači šta se desi takvom detekcijom? Ti ljudi, znam da ste i vi zastupnici sa njima komunicirali, vjerovatno su vam to pričali, kažu sljedeće: nije rješenje problema u zamjeni ovih najvećih cijevi, tako ovi insistiraju, jer se desilo u jednom gradu u Crnoj Gori da su zamijenili cjelokupnu primarnu mrežu i sa 50% smanjili na 49. a onda su u sekundarnoj došli eksperti, pregledali sva curenja i sa 200.000 eura, ovo je koštalo miliona eura, riješili 18% gubitaka. Jer tu curi. To je pristup najnormalnije. To nije nikakva mudrost, ni pamet, ni premijera, ni vas, to je tehnologija i struka i praksa u današnjem vremenu. Mi osim što VIK nema svoje mjerače, geofone i ostala mjerna kola i ostale potrebne stvari on nema ni dobru volju da to uradi neko drugi. Pa onda vidimo predsjednika NO koji rafala, onako kako mu i pristoji i njemu i svrstao se tačno tamo gdje mu je i mjesto, sa bivšim komesarom, sa bivšom TZ, i sa Grasom. Samo što je VIK tu na prvom mjestu. Ovi svi su sada ispod. On i VIK su broj jedan. Ta rupa, TZ pa ovi ostali. To su naši odnosi. Kako god vi nazvali bit će mi žao kada danas bude pričano ovo su politička pitanja, imamo izbore imamo priliku, ja isto o tome mogu govoriti, volio bih da ne radim ovaj posao da mogu više o tome govoriti, retoriku iskoristiti za političku scenu pa pričati na taj način skupljanja, ja lično političkih poena, ali mi nekako to žao. Ali bih volio da čujemo, znam da se bavite temom kada odem kod nekih ljudi koji veze nemaju s politikom, imaju samo s strukom, kažu došlo mi je pet zastupnika, pitali su me, to je ohrabrujuće za sve nas, da smo se svi posvetili ovom trenutnom stanju i da ponudimo rješenje onako kako je Vlada uradila. Nije nam trebalo previše vremena da se formiraju ovi prijedlozi jer mi znamo već godinu dana da možemo mi bi iskopčavali, da možemo direktno bi iz rezerve sad dali milion maraka nekom da poreda kvarove. Ne možemo, nemamo nadležnosti, tamo mora doći novi menadžment. I taj novi menadžment dolazi. Žao mi je što su procedure spore. NO u dogovoru sa mnom lično, mojim saradnicima, Skupštinom preduzeća će nakon konstituirajuće sjednice održati narednu na kojoj će odmah, znate da postoje famozni rokovi za izjašnjenje na okolnosti smjene. Mi moramo poštovati procedure. Kada smijenite nekoga, kako bih ja smijenio, kako bih volio samo da mu javim da nije tu, onda vam sud mjerom osiguranja, kao što je bilo pet slučajeva koje sam ja zatekao u Kantonu Sarajevo, kaže mjerom osiguranja vraća se do okončanja spora na to radno mjesto. I onda imate direktora, upravu koji su tamo dvije godine, tri godine jer taj spor toliko traje. Da m i to ne bi uradili, ali ja bih to uradio srce, ali razumom ne mogu. Dakle, to bi bilo gotovo, ali ovako nije gotovo neko će abd biti gotovo u nekih desetak dana. Tamo će doći ljudi, ponovo stručni, naravno ukoliko vi ne odlučite potpuno promijeniti ovaj cijeli kurs. Na to imate apsolutno pravo će potpuno promijeniti lice ovog VIK-a. Kada smo razgovarali sada o nekim našim unutrašnjim organima, strukama, politikama pardon, ljudi kažu ovo što predlažete ovdje je normalno. Meni nije bilo normalno da oni kažu mi imamo centar za korisnike, imaju centar za korisnike u kojima tamo sjedi stotinjak invalida rada. Mogli su barem deset telefonskih linija napraviti, to je trošak od 100 KM, da se oni ljubazno javljaju, da prate vaš rad

kada ga prijavite, da kažu evo izvinite već šesti dan vi ste na putu. Da ne kažem da su medijima društvenim mrežama dokumentovati, slikati da s eto tako radi. Da su se mogli sjetiti oni, a ne ministar Fišo koji je komunalac, pa kaže ljudi kvarovi se otklanjaju navečer kada su redukcije, zašto to ne radimo mi, evo radit će abd, evo radit će kada se ljudi promijene, koji to hoće, po danu izbuše rupe, da se ne hilti bušilicama koje moramo kupiti jer ih VIK nema. VIK nema hilti bušilice da buši asfalt. To pozajmi od KRO Rada, i drugih preduzeća. Zimus nije bilo dovoljno krampi da se razbija led kada se ovo srmznulo pa se ponovo posuđivalo. Taj repromaterijal, ta skladišta, to je nešto što se ljudi morate uvjeriti, morate vidjeti, običi da vidite kakvo je stanje u tom preduzeću. I to je razlog mog osobnog, evo reći ću to nepovjerenja i ove silne želje da se stanje tamo promijeni. Mjere koje je Vlada predložila govore o rokovima, govore o egzaktnim pokazateljima, taj novac imamo, dakle sve što se ovdje dešavalo. O novcu, ovdje je prikazan samo dio novca koji je Vlada uložila. Tehnika je da kažete da je to novac iz vodnih naknada koji se u tu svrhu koristi a mi smo promijenili koncept i rekli ovako, načelnicima se zahvaljujem jer su na to pristali nećete vi sredstva iz vodnih naknada trošiti da skupite neki poen u nekoj ulici pa da ljudima gore odete pa kažete ja zamijenio cestu. Ne, nego će VIK reći u Centru je prioritet to, u Ilidži je ovo, ovdje u Ilijašu to, i prednost je velika jer u ovom sistemu spojenih posuda šta god riješite negdje od curenja ostaje vam u sistemu. Dakle raspoređeni na taj način VIK je jedini imao pravo da kaže prioritete. Evo mi ovdje iznosa, 3,6 miliona i 3 u ovoj godini, prije toga. Dakle preko 10 miliona KM vaših i naših budžetskih sredstava i još mnogo miliona maraka lokalnih zajednica o kojima uopšte ne govorimo. Opštine Centar, Stari Grad, Novo Sarajevo, Novi Grad značajna sredstva troše na rekonstrukciju vodovodne mreže u puno dijelova danas se to radi, efekti su nula jer to VIK, ova uprava i ova struka ne zna. Oni nisu kompetentni da to urade. Da je ovo mogli prije, a pogledajte da ta naša tenzija traje od te prošle godine, od tog jula, dakle to je više od godinu dana pokušaja i žao mi je, žao mi je što nismo skupština preduzeća zbog ovog slučaja do neba mi je žao, jer smo to predlagali, istina to je škakljiva tema negdje na rubu kako radi Federalna Vlada, ne možete vi zbog tog zakona o sukobu interesa ali imali bi opunomoćenika u Skupštini koji bi bio na tragu politika i mogli bi ste nas pitati danas što vam to Skupština nije uradila. A znate šta je sa skupštinom bilo, evo pokušat ću tu da završim, da ne ubijem ovu inspiraciju. Ovo je preduzeće, vjerovali ili ne, evo članova Skupštine, koje je donijelo izmjenu statuta na način, neko je možda to i govorio, ali je to ljudi za ponavljati svaki dan, da skupštinu preduzeća ne može sazvati predsjednik Skupštine preduzeća. Izmjene statuta kažu: skupštinu preduzeća saziva ovaj predsjednik NO, što je jučer imao press konferenciju ili uprava isto ko da mi sada ovdje zamijenimo neki akt i kažemo nije to zakonito. Dakle to je trivijalna odluka, pokazuje stepen kompetencija i bahatosti ove grupe ljudi. Dakle, vjerovali ili ne, izmjena statuta zadnja koja je naravno na prvoj sjednici Skupštine promijenjena u skladu sa Zakonom o privrednim društvima i Zakonom o javnim preduzećima, skupštinu saziva predsjednik Skupštine kog je ovaj organ ovdje izabrao. Oni su time derogirali ovaj organ, vas ne nas kao Vladu. Skupštinu preduzeća vjerovali

ili ne, do izmjene statuta mogao je sazvati predsjednik NO. to su svi paradoksi, mali sitni detalji, ljudski detalji, krupni problemi, pristup u menadžerisanju ove firme. Ne može odgovor ponuditi Skupština na način da ga implementira. Ne može. Mi smo tamo odabrali ljude koji ga imeplementiraju po nalogu Skupštine i Vlade. Sve naloge, hrpu imam podataka ovdje, naloga uradite to, uradite to, dostavite to, ljudi uzmu papir, pocijepaju i kažu vi ste nama nula, mi imamo svoj NO, koji će neko politički zaštititi da ne ode. E neće. Neće ni NO, ni menadžment ni skupštinu niko politički zaštititi jer smo time uništili ovo društvo. Tamo smo stavili nekompetentne ljude koji sa strukom nemaju veze, ljudi koji naravno pričaju ovo što pričaju na press konferencijama, i te politike mogu nešto drugo, mogu smijeniti mene, mene vi možete smijeniti, ali zaštita politička kao što je bilo u slučaju ZZO, komesara, drugih procesa koje ovu Vladu potpuno ne zanima, niti ćemo podleći toj vrsti pritiska. Ne smijem još, a hoću, kada sve informacije dobijemo, vidjeti šta se krije iza ovoliko snažnog pritiska sa svih strana. Dakle, ovdje nema stranke, ovdje su ujedinjeni pojedinci iz svih političkih partija, a zaista se tamo, znajući odgovornost moje stranke izmijenjalo nas nekoliko na čelu tog preduzeća i nije se nikada promijenio koncept ni za jotu, nego samo dođu zeleni dovedu zelene u firmu, dođu crveni hajd kažu daj još malo crvenih u firmu, dođu plavi plave, narandasti narađaste i to je tamo u VIK-u slučaj. 900 ljudi tamo radi. Prosjek bi trebao biti negdje oko 600. kažu ima ih 300, evo nisu viška ali su neuposleni. Neuposleni su zato što misle da će negdje neki predsjednik lokalnog opštinskog odbora reći nemoj ga, on je naš. Ja neću. Vi ako mislite da nismo dobro uradili ovaj posao sva prava imate da ovu Vladu sankcionišete, mene lično, ja ću to prihvatiti kako je to naravno procedure i nalažu, ali dok budem ovdje ne samo u ovom slučaju, u još nekoliko ću imati isti pristup. Na sva pitanja koja vi imate, naravno vrlo ću rado danas odgovoriti. Hvala vam.

Predsjedateljica:

Hvala uvaženi premijeru. Da li predstavnici radnih tijela žele riječ? Ne. Ima li pitanja? Ovo su pitanja. Pitanje uvaženi zastupnik Zvonko Marić, izvolite.

Poslanik/zastupnik Zvonko Marić:

Zahvaljujem predsjedavajuća. Srdačan pozdrav za sve prisutne a posebno za gledatelje koji prate ovaj tv prenos. Mislim da je za daljnji tok rasprave veoma važno da mi se odgovori na pitanje ko je i na čiju inicijativu sazvaov ovu hitnu sjednicu jer je bilo govora i u medijima, čak i u nekim pozivima da je ovo vanredna, hitna, tematska itd. a to vas pitam iz prostog razloga što sam kao zastupnik nekoliko puta pokretao inicijativu, čak uzmete stenograme pa pogledajte prije skoro tri godine, da se održi jedna ovakva sjednica. Zašto je ignorirana ta inicijativa obrazlažući je kojekavim proceduralnim problemima ili zaprekama. I odjednom se danas održava sjednica i to hitna sa zakašnjenjem od nekoliko godina. I ako je riječ o ovom sazivu i Vlade i Skupštine Kantona, onda je to najmanje dvije godine. To je ključni razlog i mislim da je veoma važno da građani znaju, a oni znaju i prate ove sjednice, da sam pokušavao kao zastupnik, to je

izrazito nepoštovanje prema zastupniku i njegovom pravu da pokreće inicijativu ovdje i ignorisanje realnosti koja je sumorna. Drugo pitanje. Mislim da je veoma važno, budući da danas razgovaramo o ovako važnom, gorućem problemu da se odgovori na pitanje zašto ovdje ne vidimo direktora preduzeća VIK-a? Jer stječe se dojam, evo i dobijam poruke od građana, pitaju se da li je to spor, i da li su svi problemi spor između premijera i direktora tog JP? To što danas direktor ovdje nije je svojevrsni odnos prema ovoj Skupštini kao i do sada, a neću da govorim, mogao bih puno toga šta da kažem i neću da sipam so na ranu, koliko puta i koliko pitanja sam kao zastupnik postavio tom poduzeću. Nisu ispoštovali Zakon. Nikada nisam dobio odgovore na ta pitanja, molim da mi se odgovori na ta pitanja. Hvala.

Predsjedateljica:

Hvala lijepa uvaženi zastupniče Marić. Uvaženi zastupnik Semir Halilović, izvolite. Pitanje ili rasprava? Izvolite.

Poslanik/zastupnik Semir Halilović:

Pitanje za premijera Konakovića. Pročitali smo iz Izvještaja, sada iz njegovog usmenog izlaganja zanima me zašto se sa reakcijom prema preduzeću VIK, odnosno prema problemu vodosnabdijevanja u Sarajevu čekala, evo sada je zapravo kraj 2017 godine, pošto je to problem koji traje već kako ste rekli 13 godina zašto nije bilo reakcija? To je jedno pitanje, drugo pitanje s obzirom da se potrošilo od 96 godine, ovdje imam nekih retrospektivu oko 30 i nešto miliona KM na mijenjanje cijevi a kažete i vi i ministar i u izvještaju je to očito da se zapravo ne zna gdje je problem, kako se onda vrši popravka zapravo cijevi? Jel to ide potpuno neselektivno, i zapravo da li je ta promjena dala uopće ikakav rezultat s obzirom da 70% osipanja vode imate prije 10 godina i 70% osipanja vode imate nakon 10 godina u međuvremenu imate 30 miliona investicija koje očito nisu dale rezultat? Hvala.

Predsjedateljica:

Hvala lijepo uvaženi zastupniče Halilović. Uvažena zastupnica Srna Segmedina.

Poslanik/zastupnik Segmedina Srna Bajramović:

Zahvaljujem predsjedavajuća. Pozdravljam sve prisutne. Pa evo ja imam nekoliko konkretnih pitanja, očekujem isto tako konkretne odgovore. Zanima me koliko je Kanton Sarajevo prikupio sredstava od vodne naknade i koliko je tih sredstava utrošeno na sanaciju vodovodne mreže u mandatu Vlade premijera Konakovića? Da li je u VIK-u nabavljen famozni mjerac ili mjerači protoka? Koliki su godišnji troškovi VIK-a pri kupovini vode sa izvorišta kojima VIK ne gazduje? Da li je donesa privremena odluka o zaštiti izvorišta? Ako nije, zašto nije? Budući da svakodnevno obaranje i povećanje pritiska šteti vodovodnoj mreži da li je moguće tehnički pojedine dijelove grada konstantno snabdijevati? Mislim na dijelove koji imaju manji gubitak vode? Da li će VIK zbog redukcije i pojave zraka u cijevima koji pokreće mjerilo umanjiti račune građanima? Da li novi bunar na izvorištu

Bačevo, pušten nedavno u rad u saradnji sa Istanbulskim vodovodom ima vodoprivrednu dozvolu od strane Agencije za vodu? Da li je završen elaborat za zaštitu izvorišta Sarajevsko polje, ako nije zašto nije? Da li je istina da VIK nije registrovan za privrednu djelatnost koja mu omogućuje zamjenu dotrajale vodovodne mreže, već samo za sanaciju kvarova? I da li je istina da VIK nema registrovanu djelatnost za projektovanje i nadzor i da to uvijek radi privatna firma? Imam još nekoliko pitanja koja se odnose na kvalitet vode, ali su to više pitanja za Zavod za javno zdravstvo pa ću ih ostaviti za ponedjeljak kada budemo imali izvještaj ovog Zavoda. Eto toliko za početak. Zahvaljujem.

Predsjedateljica:

Hvala lijepo uvažena zastupnice Segmedina Srna Bajramović. Uvaženi zastupnik Mirza Čelik, izvolite.

Poslanik/zastupnik Mirza Čelik:

Zahvaljujem predsjedavajuća. Pozdravljam sve prisutne kao i gledaoce pored malih TV ekrana. Imam nekoliko pitanje koja ću postaviti, molim resornog ministra ili nekoga od članova Vlade da mi odgovori na ta pitanja. Koliko mi imamo izgrađene vodovodne mreže? To će mi trebati i koristiti za dalji tok rasprave. Koliko imamo vode na rezervoarima, odnosno izraženo u litrima u sekundu naravno. I pitanje za resornog ministra koje su mjere predložene početkom mandata pa do danas? Zahvaljujem.

Predsjedateljica:

Hvala lijepo uvaženi zastupniče Čelik. Uvaženi zastupnik Edin Forto, izvolite.

Poslanik/zastupnik Edin Forto:

Imam samo pitanje za nadležnog ministra, gdina Hasanspahića, pitanje je vezano za nešto što su oni trebali napraviti do sada, možda i jesu a da ja nisam upoznat. Da li je ministarstvo pokrenulo izradu strategije za upravljanje vodom u Kantonu Sarajevo? Znači strategija za upravljanje vodama u Kantonu Sarajevo. Da li Vik kao firma imaju vodnu dozvolu? Da li oni uopšte po zakonu mogu vršiti priključke na mrežu? Da li kolektor u Butilama na koji smo utrošili desetine miliona KM i ispred kojeg ste se slikali ima vodnu dozvolu? Samo sam htio ova pitanja zastupnice Srna već neke vrlo slična pitanja, radi se o bunaru nedavno otvorenom itd. Da li smo ove prethodne stvari uradili prije nego što uopšte dođemo do firme VIK i svega ovog što danas slušamo, da li smo uradili sve ono što je ministarstvo trebalo da uradi? Hvala.

Predsjedateljica:

Hvala lijepo uvaženi zastupniče Forto. Uvaženi zastupnik Mario Vukasović.

Poslanik/zastupnik Mario Vukasović:

Zahvaljujem predsjedavajuća. Ja imam četiri pitanja. Pa zamolio bih premijera ili ministra da odgovori, ko već bude upućen bolje. Prvo pitanje jeste, govorili smo o nelegalnim potrošačima i znamo da je to tema koja se od samog početka nameće kao jedan veliki problem, odnosno neprihodovana voda. Ja sam na početku mandata tražio da se dostavi spisak svih neplatiša, svih nelegalnih priključaka, pogotovo sa naglaskom na velike potrošače, na hotele i auto-praonice, međutim taj spisak nije nikada ugledao dana. Pa imam dva pitanja vezano za ovo. Znači koliko je nelegalnih potrošača, zna li se, isključeno u mandatu ove Vlade, pogotovo sa naglaskom na hotele i auto-praonice i kada će javnost vidjeti spisak svih onih koji su imali nelegalne priključke, a ovo se odnosi samo na velike potrošače. Drugo pitanje, šta je studijom izvodljivosti za sanaciju i rekonstrukciju vodovodne mreže? Vidjeli smo u materijalu Vlade da je izdvojeno 1,5 milion KM za ovu namjenu. Interesuje me da li je ova studija gotova. Isto tako zašto nije dostavljena u okviru zastupničkih odgovora, jer sam tražio da mi se dostavi ova studija nakon što sam vidio u medijima da ona postoji. Dalje, treće pitanje šta nam je alternativa ako ne dobijemo kredit od EBRD-a, odnosno šta ako Federalni parlament nastavi sa blokadom jer smo svjedoci da ne funkcionišu stvari kako treba i da su nam oni kočnica u dobijanju ovih sredstava. Da li se razmišlja o alternativnim izvorima finansiranja? Ne razmišljajući naravno o komercijalnim kreditima nego o dodatnim sredstvima koja bi se mogla izdvojiti iz budžeta. I četvrto pitanje je zašto je ova Vlada digla ruke za nova zapošljavanje netehničkog kadra, pogotovo za što smo mogli vidjeti u medijima za kumove, rođake i komšije članova menadžmenta, a o čemu je bilo priča prije nekih godinu dana? Zahvaljujem.

Predsjedateljica:

Hvala lijepo uvaženi zastupniče Vukasović. Uvažena zastupnica Bibija Kerla., izvolite.

Poslanik/zastupnik Bibija Kerla:

Pozdravljam sve prisutne kao i gledaoce pored tv ekrana. Ja imam danas jedno vrlo važno pitanje. Da li su ove mjere koje su danas došle pred skupštinu Kantona Sarajevo da li su one uopšte bile potrebne? Ja mislim da je to redovna djelatnost Vlade i VIK-a da rješavaju probleme bilo kojeg preduzeća u Kantonu Sarajevo. Hvala lijepo.

Predsjedateljica:

Hvala lijepo uvažena zastupnice Kerla. Uvažena zastupnica Neira Dizdarević. Izvolite.

Poslanik/zastupnik Neira Dizdarević:

Hvala uvažena predsjedavajuća. Pozdravljam sve prisutne u Sali kao i gledatelje kraj malih ekrana. S obzirom da su kolegice i kolege postavile već dosta pitanja, ja ću pokušati da se ne ponavljam, odnosno izdvojiti ću dva pitanja za koja ministra da da odgovor. Prvo pitanje je da li Sarajevo uopšte ima tehničku vodu? Odnosno

kojom vodom se peru ulice, zalijevaju rasadnici, cvijeće? Da li je to čista pitka voda? Ukoliko ima tehničke, gdje su rezervoari. A drugo pitanje jeste šta će biti sa stanovnicima naselja ŠIP ko ji iz dana u dan proživljavaju agoniju, gdje se u vodi pojavljuju fekalije, jedno vrijeme su bili isključeni iz sistema redukcije, sada je i njima uvedena redukcija. Utvrđeno je da je voda zatrovana. Tako da ti ljudi dakle svaki dan proživljavaju noćnu moru, pitanje je hoće li se njihov problem riješiti i kada. Nadam se da će Ministarstvo prepoznati ovaj prioritet. Ostalo ću se osvrnuti u diskusiji. Hvala.

Predsjedateljica:

Hvala lijepo uvažena zastupnice Dizdarević. Evo iscrpili smo pitanja. Ima li još? Nema. Evo. Dozvoljavam.

Dopredsjedavajući Sabahudin Delalić.

Zahvaljujem predsjedavajuća, sve vas srdačno selamim i pozdravljam. Pokušat ću odgovoriti pošto vidim da i kolega Marić često poruke dobiva, evo i ja sam upravo dobio od direktora i razlog zbog kojeg nije došao je taj zato što je bio na prošloj sjednici kada je bio njegov izvještaj, i gdje je kako on kaže, brutalno linčovan komentarima i svime izrečenim na toj sjednici a nije dobio priliku da obrati. Pa je smatrao da nema potrebe da dolazi kada mu ovaj dom na prošloj sjednici kao direktoru nije dao mogućnost da se obrati. Evo samo sam prenio poruku a eto vjerovatno je djelimično na vaše pitanje zašto danas nije prisutan. Zahvaljujem.

Predsjedateljica:

Hvala lijepo uvaženi dopredsjedavajući Delalić.

Sada evo pitanja možemo li dobiti. Izvolite uvaženi premijeru.

Premijer Elmedin Konaković:

Ja ću na pitanja koja mislim da su upućena meni ili ste naglasili meni i ministar Hasanspahić će na ova druga kada je riječ o uredbama, odlukama, zakonima iz ministarstva. Zašto se čekala reakcija? Ja sam to pokušao u uvodu objasniti, šta je mogućnost da reaguje Vlada. Osim našeg kontakta svakodnevnog sa upravljačkim strukturama, izdvajanja sredstava, kontrole, pokretanja inicijativa koje mogu sve isprintati ovdje i dostaviti ih vama, traženja da se taj posao radi, Vlada nije mogla reagovati do usvajanja izvještaja. Izvještaj sam vam objasnio da je došao nama u junu 30. a mi smo 2016 godine nekada polovinom, dakle nakon godinu dana mandata zaista uočili sve ove nepravilnosti. Nismo ih uočili prije. Da li je to greška, jeste. Mogli smo možda odmah vidjeti. Ali dok ljudi ne pokušaju nešto primijeniti nije bilo moguće ocijeniti na samom startu da baš niko nije radio ono što smo mi u suštini dogovorili da se radi i reakcija je uslijedila od prošle godine tog jula i augusta na način da smo pokušavali sjednicama Vlade, informacijama odgovorima na vaša pitanja i onim što je naša djelatnost bavili smo se VIK-om koliko nam to dozvoljavaju okolnosti i zakoni. Kako se vrši popravka cijevi? Ja ne znam da postoji bilo kakav stručan pristup, da je to na temelju procjene ili

detekcije jer nisu imali te mjerače protoka ni opremu. Dakle, kada cijev pukne, znamo da se ovdje morala mijenjati ona 300-tka, bilo je takvih kvarova evidentnih u kojima se zamijeni cijev zato što se uoči kvar i što vode jako puno curi. Da li su ove druge rekonstrukcije systemske ja mislim da nisu. Da li su one planske ja mislim da nisu, a pogotovo zato što ljudi eksperti kažu nije dovoljno samo zamijeniti cijevi jer vi nekada zamjenom cijevi napravite veći problem zbog nekog pritiska hidraulike i njegovog zdravog dijela koji onda na daljem dijelu na mreži može praviti problem. Takav smo slučaj imali ulici Zagrebačkoj. I to je ono o čemu sam ja jednim dijelom govorio u uvodnom obraćanju. Kolegica Srna je pitala koliko je vodnih naknada. Prošle godine 3,6 miliona, ove godine 3,2 miliona. U prvoj godini 3 miliona i nešto. Dakle, vodnih naknada blizu 10 miliona. U prvoj godini je to bilo prepušteno, te 2015 da se VIK i opštine dogovaraju. U drugoj smo insistirali, načelnici pristali da bude samo po prioritetima VIK-a koji dijelom se vežu za vaše pitanje jesu li trebali biti definisani cjelokupnom slikom, mjerenjima u 59 zona, curenjima koja su detektovana, definisana. Tačnim informacijama. To VIK nema. Dakle, dodaci koje postavljamo sada pred novi menadžment jesu provo kupovina i nabavka ovih zatvarača kako bi dobili zone, dnevnim mjerenjima dobili gdje najviše curi, pa tome posvetili fokus. Još ću o tome govoriti kada budem govorio sada o detekciji. Ne znam da li su kupili mjerač protoka. Oni meni kažu da jesu, ja ga nisam vidio. To ne znam nakon što smo tada pitali koliko košta jedan, rekli su da je 10.000 KM na odnosu na milione koje smo dali, htjeli smo svi kupiti po jedan mi iz ministarstava. Oni kažu nemojte kupit ćemo mi. Ministar Hasanspahić je dobio od njih informaciju, prenio Vladi da jesu kupili neke geofone, mjerače, da neke opreme ima. Ja je vidio nisam, ja ne znam. Da li je, za novi bunar također ne znam, da li ima potrebnu dokumentaciju, dozvole, nelogično bi mi bilo da nešto rade, da puste u pogon. Ne znam. Dakle ovo je što mi sada imamo trenutno kao odnos. Ne mogu to znati. To ćemo NO postaviti evo kao pitanje. Evo pitanje broj 1, evo odmah kada se konstituiše i kada bude imao uvid u te informacije, saznat ćemo da li imaju dozvole. Simbolično ili ne, na dan kada je bio izvještaj VIK-a na sjednici na taj dan su oni prezentirani da su to rješenja problema. Mi odmah otišli da vidimo kako izgledaju, mi postavili pitanje oni kažu pitanje se nameće jedno logično. Da li su ti novi bunar snažni, kapaciteta dobrog, zaista dobro izgledaju. Struka kaže da su vrlo dobri, da li su samo pokupili vodu koja bi negdje drugo se pojavila na izvorštima. Dakle, da li je to nova voda, ili je to samo snagom njihovog potencijala uzeta voda koja neće doći do ovog dole, pa danas dole imamo manje količine. Oni kažu nije to je na 80 metara, ispitivanja neka imaju, to je šta nama kažu. Ja ljudi nisam te struke, meni tu može kada se pojavim na licu mjesta može reći šta hoće, ne mogu reći nije, jest. Provjeravamo svaku njihovu informaciju. Na jednom ili na dva nivoa. Sada ću vam pričati o toj detekciji. Da li je za projektovanje ili nadzor, znam da postoji odjel, taj odjel sada priprema projekte za EBRD ovaj kredit, oni moraju biti spremni. U nekoj fazi to jest pokrenuto radi se. Da li su certificirani, ovlašteni, da li mogu priključivati na mrežu, ne znam. Zaista, u te dokumente VIK-a. To može uraditi, uradit će NO i Skupština, ući će. Oni su ovdje, zapisuju pitanja. Sve ćemo

to u hitnim procedurama moći dobiti kao informaciju da li eventualno postoji i ta vrsta problema. Od kada postoji? Zašto je niko nije riješio? To je pitanje i za nas i za upravljačke strukture. Isto pitanje u zvaničnoj formi smo postavili VIK-u, koliko je nelegalnih potrošača velikih isključeno. Evo ja ovdje imam te prve spiskove, iz prvog saziva Vlade koje smo mi dobivali. Nije problem samo nelegalnih potrošača. Zna li šta je najveći problem? Manipulator na terenu. Imate primjer sada trenutno dva privredna subjekta ogromna. Jednom smo stavili data logger koji je kupila Vlada. Imao račune 6000 KM. A sada ima 18000 KM. Sada ima 18000. i sada plaća. I tužen je recimo. Taj proces traje. Evo recimo da je on dobro urađen nakon što smo kupili taj data logger. A imate drugi privredni subjekt koji ima mnogo veću potrošnju, a ima na kontroliranim uređajima, kaže tamo uređaj ok. Dakle, on odnekud drugo uzima vodu. On ne manipuliše na brojaču. On ima bajpas. To su ta dva pristupa danas u krađi vode u Kantonu Sarajevo. Ljudi doktori su to radili. Dakle, uposlenici su razvili, neki stari, penzionisani, ne adresiram ovo onim ljudima u VIK-u koje vidite u kanalima svaki dan, oni jadni trpe pritisike i moje i javnosti i svakog građanina koji prođe. To nisu krivci ali su neki tamo šefovi, koje ja po imenima, tražili smo i te smjene, razvili dva modela. Jedan je manipulacija na vodomjeru, a drugi je manipulacija prije vodomjera, bajpasom. To su dvije tehnologije i očekujemo na stotine, na hiljade takvih primjera koji su drugi dio ovog problema. Dakle, to je pitanje bilo kolege Vukasovića, koliko je isključeno? Po našim informacijama niko. Po onome što ja imam, niko od ovih koji su na taj način i zato sam neki dan rekao i smatram, čak i ako je protuzakonito one koji imaju po hiljadu gostiju negdje, isključiti. Pa dok sve ne riješiš nek trpi tvoj biznis a nek ne trpe ostali i mi smo spremni snositi sankciju zakonsku. Studija izvodljivosti, ja sam je najavio detekcija vodovodne mreže je nešto što je bilo priče ovih dana, neko vršio pritisak. Najlogičnije je kada neko vrši pritisak da izaberete nekog dobavljača i da ga odmah prijavite u policiju i kažete evo ga, korupcija, premijer, to je bio normalan pristup da je toga bilo, naravno da nije. Firma koja je dobila ovaj zadatak je nama bila u prvi mah, hajmo reći s nedovoljno povjerenja. Dobio je konzorcij u kojem je imao Njemačkog partnera, ozbiljnu firmu. Ljudi iz Njemačkog partnera iz ozbiljne firme nisu se pojavili u Sarajevu nikada nakon što je tender završen, pa smo odlučili kao Vlada da uradimo nadzor nad implementacijom detekcije na sreću. Hvala Bogu jer smo ove ljude, komisiju koju smo imenovali, platili 500 KM mjesečno, to su ovi čija se imena spominju i ovi koji su radili u Visokom, u Zenici, održavali te sisteme, ustanovili u prvoj kontroli da izvještaj koji je počeo kreirati ovaj koji je dobio posao, kaže sljedeće Crni vrh, noćni protok u privredi 300% veći navečer nego po danu. Jer smo u prvih pet kontrola vidjeli pet grubih kršenja zakona. I projektnog zadatka i ugovora. I odmah raskinuli ugovor s ovom firmom a taj Zakon o javnim nabavkama je takav. Novi ćemo čekati još godinu dana da se izabere. Šta smo još vidjeli. Tamo u projektnom zadatku vrlo dobro napisanom piše sljedeće: ispitivanja mreže vršit će se propisanim alatima i tačno definisani najbolji najsavremeniji, a oni onda uzmu neki prve generacije, a danas je na tržištu sedma generacija. To je ko telefon. Dakle uzmu neki stari mjerač jedan slušalice,

umjesto da po tome što imaju u projektnom zadatku postupe i dobili bi vrlo brzo adekvatne informacije. Kada smo to vidjeli, ova komisija kaže Vladi, mi ovo nećemo potpisati jer rekli smo, platili se tek kada vam i ovi potvrde da dobro radite. Na svakom smo stepenu pokušavali dvostruko kontrolisati. Jer šta je ovdje problem? Nije problem, najmanji je problem, manji od ostalih je bio taj 1,6 miliona. Za 1,3 su ovi dobili dva miliona taj novac je nepotrošen stoji na računu, naravno nije se s njim desilo ništa i može se ponovo koristiti za detekciju. Njegova namjena je to. Ali bi nas to odvelo u investiranje 50 miliona gdje ne treba. Znate šta kaže prvi dio izvještaja. 2% mreže pregledali, i kažu nam sljedeće, od ovih 2% pregledanih zamijenite 100% mreže. Sve što smo pregledali zamijenite mrežu. To je prvi dio detekcije ove kompanije. I bez ikakvih problema mi smo u tom procesu insistirali da oni uzmu garanciju banke za neizvršen posao tužba i onda su se platili ti prvi troškovi 40.000. taj ugovor je razvrgnut. Taj novac stoji na računu. Alternativa EBRD kreditu naravno postoji. Dakle postoji u mogućem rebalansu i ove godine budžeta. A sigurno će biti prioritet budžeta naredne godine jer ćemo do tada definisati tačne prioritete u VIK-u i garantovat ćemo da će svaka marka biti uložena na adekvatan način. Naš godišnji potencijal je stotinjak miliona KM. Ekonomisti znaju da je zaduženje za kapitalne investicije ništa strano, mi se nikad nismo zaduživali za pokriće nekih naših tekućih troškova za plate, hvala bogu taj dio radimo dobro i imamo šansu da evo na budžetu za evo dva tri mjeseca obezbjedimo dovoljno sredstava, koliko god bude potrebno. Ja vam ponavljam imali smo tu mogućnost i ove godine. Kada ljudi kažu, zamislite šta kažu, oni koji tamo vode NO. kažu Vlada planirala 1000 KM. Mi smo otvarali pozicije, više pozicija, to ste u budžetu vidjeli i to smo vam objasnili. Da bi mogli rebalansom Vlade obezbjediti koliko god treba sredstava, tu mora postojati stavka i kažemo otvara se stavka rekonstrukcija vodovodne mreže. Vi sad nama kažete uradili smo detekciju, ona je tačna, provjerena, treba nam 12 miliona. Mi napravimo unutar Vlade preraspodjelu, nikoga mi ne zamaramo, sve radimo na dnevnog bazi, obezbjedimo novac ujutro. Takvih smo stvari uradili 50 puta. Znate šta još radimo. Ne ide nam, ne izvršava se budžet po nekoj stavci jer stoji projekat, ima problem, neefikasan je. Zaustavimo ga, uzmemo taj novac, investiramo u projekat koji ide. To naše Ministarstvo finansija radi briljantno. I to je bila pozicija pripremljena za rekonstrukciju vodovodne mreže. Kaže dajte nam još para. Danas na računu stoji oko 3,5 miliona KM Kantona nepovučених sredstava, planiranih od strane VIK-a. Nepovučena sredstva. Dakle da smo imali 100 miliona i ta bi bila nepovučena jer ni ovih 3,5 nisu utrošili. To je odnos ovoga što je bila naša obaveza. I evo odgovor na ovo pitanje. Vlada nikada nije digla ruku za to zapošljavanje. Nema saglasnost Vlade. Evo neka mi donesu taj papir potpisan od strane premijera. Vlada daje saglasnost na neodređeno vrijeme. Za svako to mjesto ja odgovaram. Mi smo, sada ne mogu reći, ali o Butilama imam stav, i nisam se išao slikati na Butile jer sam vidio šta je. Nisam se pojavio na otvaranju. Tada sam već bio, ne možemo kriviti za to ovaj menadžment realno, Butile su jedan mnogo veći, kompleksniji problem, napravili smo sistem koji zaobilazi nekoliko opština, hvalili se njime a dobili smo 1/3 riješenog problema. 2/3 nismo dobili. To su nama Butile. To pare Svjetske

banke, ljudi nam dali normalno novac a mi ga potrošili ovako kako bi potrošili i ovaj da mi to dozvolimo. Aj ti napravi da se mi uslikamo pa šta će poslije biti, em ne znamo šta ćemo s otpadom. Em on ne zadovoljava. Ima dio Bosne čiste, eno dole u Semizovcu, šalju mi slike, a generalno, to što je trebalo riješiti problem grada, nije ga ni izbliza riješilo. I tu je bilo onih 14, što ste mi govorili, oni su meni zaista dokumentovali, i znam Svjetska banka nam je to tražila da se tu, mora neko održavati to, da li je VIK imao unutrašnje rezerve, ja sada vidim da jeste, ali kada vam kažu neće se to ni pokrenuti, i Svjetska banka kaže ovo je kraj 50 miliona investicije mi smo zato dali saglasnost. Za ovih 30 u administraciju, koji su bili sporni nikada nisu bili na Vladi. Ne postoji taj dokument, niti smo razmatrali. Htjeli smo dati za ovih 30 kopača i ovih na lopati. Nismo ni dobili taj zahtjev a oni su primili ove druge ljude. Da li je bilo potrebe, kaže zastupnica Kerla. Mi smo materijal pripremili za skupštinu. Ja mislim da je ovaj pristup Skupštine ozbiljan, da je to što je od vas, a prijedloge niste na to odgovorili, a prijedlog je bio zastupnika čini mi se Pindže na Kolegiju jeste zahtjev bio građana i skupljeni potpisi i neću o tome ja danas govoriti puno, jer ja imam osim te 3000 bar još 5000 svakodnevno u zadnjih godinu i po dana ljudi koji s pravom mi šalju slike, taguju me, pišu mi mailove, šalju mi SMS, jer je stanje takvo nemaju ljudi vodu ni u nužnim potrebama u nekim dijelovima grada, i ja mislim da je ovo trebalo danas Skupštini, a mi smo zaduženi da vam pripremimo materijal kada nas vi to zadužite. Vi ste nas zadužili, mi materijal donijeli i o njemu danas eventualno raspravljamo. Ministre Hasanspahiću ostalo još pitanja ovih koji se tiču uredbi iz ministarstva i eventualno ako nešto nismo. Zastupnica Srna je brzo postavila pitanje, ja nisam sve zapisao. Da li ima još nešto što. Samo vas nisam stigao zapisati. Ja sam to, evo Kolegij to može, mogu ja ako hoćete reći. Meni ste postavljali zastupničko pitanje da li se promijenio moj odnos prema ovoj cijeloj priči. Ja sam tu više mjeseci, više od godinu dana tražio da se ove stvari aktueliziraju. Evo vidite da se nije promijenio ni za milimetar. Ja sam to mogao raditi javno i ja sam to radio javno. Na sjednicama sam to radio kad god sam imao priliku. U VIK sam išao kad god sam imao priliku, opet idem, ništa drugo više nisam mogao. Da sam mogao donijeti akt, potpisati ga, ja bih to uradio davno, ne bih vas nikoga zamarao. Jesam li nešto ostao dužan eventualno od drugih pitanja, brzo ste i h postavili, ako nisam ministar Hasanspahić.

Predsjedateljica:

Hvala lijepo uvaženi premijeru. Uvaženi ministre Hasanspahić izvolite.

Ministar Senad Hasanspahić:

Zahvaljujem se. Ja sam bilježio ono što premijer nije odgovorio i nadam se da neću ispustiti. Kada su u pitanju nelegalni potrošači, pitanje uvaženog zastupnika Marija Vukasovića, nelegalni potrošači, premijer je rekao, da nije siguran da ima isključenih nelegalnih potrošača iz sistema. Ja kažem da je takvih potrošača bilo i da je na ime tog isključenja, kaznenih odredbi koje smo mi po hitnoj proceduri usvojili u ovoj Skupštini, naplaćeno preko 360.000. Znači takvih je bilo u prvoj

turi, ako mogu reći slučajnom akcijom ili akcijom koju je tražila Vlada Kantona Sarajevo. I ono što je žalosno jeste da se ta procedura i ta aktivnost nije nastavila u narednom periodu onim intenzitetom koji se od njih očekivao. Premijer odgovorio šta je sa Studijom izvodivosti. Kredit EBRD-a. Uvaženi zastupnik Mirza Čelik je postavio pitanje koliko u ovom trenutku imamo vode na izvorištima u Kantonu Sarajevo. Prije svega na izvorištima u Sarajevskom polju. Ja sam rekao da se situacija mijenja u zavisnosti od hidrološke situacije na terenu. Pa smo recimo prilikom pisanja ovog izvještaja imali 2600 do 2700 litara. Dva dana nakon toga smo imali 2400. danas je bolja situacija, odnosno jučer je bolja situacija imamo više 20 do 250 l. Znači u zavisnosti od situacije, ali to je još uvijek ispod 3000 što je minimum da bi redukcije bile u onim terminima kako smo ih mi, građani Kantona Sarajevo već navikli iza 23, odnosno 24 sata. Kada je u pitanju koliko je rekonstruirano mreže u zadnje dvije godine ja sam to piše u materijalu, znači 23 kilometra mreže je rekonstruisano i ja imam podataka da je još rekonstruisano 14 kilometara u prethodnih 10 godina. Ukupno znači rekonstruisano 37 kilometara mreže što je nedovoljno ako znamo podatak, da bi jednoj godini trebalo konstruisati oko 24 kilometra mreže obzirom da standardi kažu da je to 2%. Koje mjere je ovo Ministarstvo poduzelo? Pa evo od ove sistematizacije, inicijativu je pokrenulo Ministarstvo komunalne privrede obzirom da je vidjelo da postojeći pravilnik o sistematizaciji ne odgovara stvarnom stanju. Kada je u pitanju nabavka opreme, pokrenuli i nabavili bagere kada je u pitanju CZ, gdje smo izdvojili 320.000, obzirom da sam ja po funkciji komandant CZ. Kada su u pitanju ovi nagomilani kvarovi, akumulirani ako mogu tako reći, oni su bili prisutni i 2016 godine. I tada smo znali da imamo takve kvarove pa su nam trebale mašine koje smo nabavili. Pa nam je trebala dodatna upotreba mehanizacije. Obzirom da je tada VIK imao otvorene neke postupke javnih nabavki mi smo tada CZ obezbijedili dva puta po 150.000 ako se dobro sjećam, da platimo upotrebu dodatne mehanizacije. Zadnja evo inicijativa prije mjesec dana, pokrenuta ponovo da se obezbjede bageri iz štabova CZ i oni trenutno na terenu rade. Situacija je kada po pitanju kvarova, da nema ovih jedinica koji su trenutno i danas na terenu, bilo bi puno gore, i ovih kvarova, zato sam i rekao u uvodnom izlaganju da su ovi kvarovi prelazili i do 1400. zahvaljujući ovoj brznoj intervenciji mi danas imamo 1000 kvarova. Znači to je kada je u pitanju nabavka opreme. Uvažena zastupnika Segmedina Srna je pitala da li su nabavljeni sva potrebna oprema. Da, VIK u ovom trenutku može raditi i detekciju, ima mjerače protoka, ima mjerače pritiska, ima mjerna mjesta, ima čak i vozilo sada kupljeno da može interventno djelovati. Da, u ovom trenutku ima, to se nije dešavalo i moram reći da sva oprema koja je nabavljena a koja je jako potrebna VIK-u nabavljena je iz budžeta od ovih radijskih mjerače koji su nam neophodni mi možemo očitovati na terenu. Kada je u pitanju pokrenuta inicijativa, donesena je nova uredba o pitkoj vodi gdje je omogućeno više ovlasti VIK-u. ovdje ste vi zastupnici u Kantonu Sarajevo usvojili Zakon po hitnom postupku u dijelu kaznenih odredbi, gdje su kazne udvostručene, utrostručene. Znači sve su to nekakve inicijative koje je radilo ovo Ministarstvo. Uvažena zastupnica Neira Dizdarević Sarajevo da li ima tehničku

vodu. Na žalost, nemamo tehničku vodu. I sva ova pitka voda jednim dijelom ide za pranje ulica, koji se svakodnevno odvijaju u našem gradu. Zalijevaju se sve zelene površine u ovakvim baš vremenima kada imate ekstremno visoke temperature i to je problem s kojim ćemo mi u narednom periodu imati velikih problema. Kada je u pitanju naselje ŠIP, ja se zaista izvinjavam. Ovu informaciju prvi put čujem obzirom da nisam imao informaciju. Mogu provjeriti ovog trenutka ali zaista prvi put čujem informaciju za građane naselja ŠIP. Mislim da sam ostao ovdje dužan uvaženom zastupniku Forti, vezano, djelimično je premijer odgovorio za Butile. Proces Butila, implementacija itd. Prošao je četiri Vlade, nekoliko menadžmenta u VIK-u jedini koji su imali konstantu jeste ovaj PIT tim koji je implementirao, provodio javne nabavke itd. Sastavljen je od nekoliko ministarstava, nažalost ne iz mog ministarstava, znači čijoj nadležnosti je pripalo održavanje Butila. Mi smo u 2017 godini zvanično zaprimili taj objekat na staranje, vrijedan preko 50 miliona KM i obzirom da je on u pogonu, ja mislim i siguran sam da mora imati sve potrebne dozvole. Kada je u pitanju klike imamo problema oko tog pročištača, premijer je rekao da kroz taj pročištač ne prolaze tri općine, ne prolazi Vogošća, Ilijaš, također Trnovo koje ima svoj prečištač i samo nešto više od 35 do 40% tih otpadnih voda prečišćava. Mi ćemo u narednom periodu sigurno susresti sa problemom odlaganja otpada obzirom da je taj prečištač u funkciji i da na godišnjem nivou će biti oko 9000 tona tog otpada, za kojeg još uvijek nemamo analizu, odnosno imamo analizu ali nemamo studiju, gdje taj otpad upotrijebiti, da li u poljoprivredu da li kao neko pogonsko gorivo itd. Nedavno, znači kada kažem nedavno, prije nekih 15 dana, dobio sam konačnu analizu sastava tog mulja koji kaže da nema teških metala osim prisustva malo veće koncentracije sumpora. Kada je u pitanju da li je ministarstvo pokrenulo zaštitu izvorišta, obzirom da se izvorište nalazi u vodozaštitnoj zoni, a ne vidim ovdje ni ministra prostornog uređenja, ni ministra privrede gdje se preklapaju ove dvije nadležnosti izvorišta koja imamo, VIK ih fizički obezbjeđuje a kada je u pitanju strategija sigurno je jednim dijelom mogao biti i moj posao, ministarstva komunalne privrede, ali prije svega mislim ova dva ministarstva. Mislim da sam sve odgovorio što nije premijer rekao. Studija izvodljivosti, premijer je rekao. Ako sam nešto preskočio podsjetite me.

Predsjedateljica:

Hvala lijepo ministre Hasanspahić. Otvaram raspravu. Samo malo. Navikavamo se na ovu opremu. Imamo registrirano sve ko se javio. Dakle moram prvo reći da otvaram raspravu. Ne, ne. Samo kolega trenutak. Sada ću ja reći ko nije zadovoljan, ko želi dopunu i to. Tako da znate da sam registrirala sve i pismeno a imamo ovdje na monitoru. Dakle uvaženi zastupnik Marić nije zadovoljan odgovorom ili traži dopunu na pitanje. Izvolite.

Poslanik/zastupnik Zvonko Marić:

Zahvaljujem predsjedavajuća. Zahvaljujem i dopredsjedavajući na pokušaju da mi se odgovori na postavljeno pitanje. Dozvoljavam i takvu mogućnost

komunikacije jer ovo je vrijeme takvo, međutim to nije opravdanje. Ja bih volio kada se kaže da mu je neko zabranio jer to je naprosto kritika ovom parlamentu za kojeg ja mislim, može mu se svašta prigovoriti, ali ima dovoljno demokratskog kapaciteta da dozvoli obraćanje. Meni nije poznato, meni lično, a evo pitao sam i kolege da je takav zahtjev postojao da se on obrati na toj sjednici 30.07.o.g. I mislim da bi mu bilo dozvoljeno kao i što bi danas red bio jer ispast će, da li se to želi ostaviti dojam ili je to namjerno, ali mislim da je to pogrešno i pogubno da je to sukob, kao što se ima percepcija između premijera i direktora tog poduzeća. Mislim da je to loša poruka i mislim da to nije u redu. I ja vjerujem da ova parlament toliko bi kapaciteta demokratskog smogao da mu se omogući obraćanje da je zatražio. Ja to ne znam. Ako, ako dakle jeste, ja bih volio da kaže ko mu je to zabranio. Eto sjede predsjedavajuća, dopredsjedavajući itd. Nisam naravno dobio odgovor nisam ni očekivao ko je inicirao ovu sjednicu, sasvim svejedno samo je činjenica da ne mene, ne mene, t mi nije ni važno, ja ne sjedim ovdje zbog sebe, pokušavam, izabrani sam predstavnik da predstavljam interese građana, nego sam pitao svaki put zbog građana postavljam pitanja, ne lično zbog sebe, ja sam tako i pitao čija je inicijativa, zato što su postojale moje inicijative o održavanju ovakve sjednice i sigurno bi u ovih 2 godine bili riješeni brojni problemi u VIK-u ili bi bili barem poboljšani. I isto tako, ovo ignorisanje Skupštine od strane direktora nije u redu. Znaite svest će se na monolog premijera i resornog ministra bez tzv. druge strane. Ja sam novinar, ja znam šta to znači druga strana. Hvala vam lijepo.

Predsjedateljica:

Hvala vam uvaženi zastupniče Marić. Odgovor će vam dati uvaženi dopredsjedavajući Delalić, izvolite.

Dopredsjedavajući Sabahudin Delalić:

Zahvaljujem predsjedavajuća. Isto kao što mi je ovo rekao i napisao, rekao mi je isto da je tri puta tražio riječ, da predsjedavajuća ni jednom, s obzirom da nisam bio na toj sjednici, ni jednom mu riječ nije dala. Tri puta sa javio da odgovori na vaša postavljena pitanja i na diskusije. A ove odgovorit ću vam na prvo pitanje kao član Kolegija, mislim da mogu to reći, inicijativa za ovu sjednicu je potekla od gdina Mirsada Pindže. Ova inicijativa je na Kolegiju potekla od gdina Mirsada Pindže da se održi hitna sjednica, evo bili smo na Kolegiju svi, i s pravom u svakom slučaju da se održi hitna sjednica i da Vlada odgovori Skupštini Kantona u ovih 50 dana, odnosno sad mjesec šta je uradila od sjednice kada je pao izvještaj VIK-a. Ja sam tako razumio gdina Pindžu i mi smo to na Kolegiju svi podržali i smatramo da treba da dobijemo informaciju danas prije svega o ovom periodu šta je Vlada uradila i da se ne vraćamo na izvještaj VIK-a, s VIK-om smo završili, izvještaj VIK-a je pao, Skupština nova postavljena, NO novi, evo premijer je najavio i novi menadžment. Nego da ovo okrenemo prema mjerama koje su ovdje date, i ako imaju još neke da neko predloži, da se tim bavimo, da se ne bavimo više VIK-om. Izgubili smo vrijeme dajte da ovdje kažemo koje su to mjere, da

pomognemo Vladi, evo i da pomognemo najvjerojatnije budućem novom menadžmentu da riješimo ovu situaciju u kantonu. Zahvaljujem.

Predsjedateljica:

Hvala lijepo uvaženi dopredsjedavajući Delalić. Replika uvaženi zastupnik Marić. I još jedna replika poslije gdina Zvonke.

Poslanik/zastupnik Zvonko Marić.

Zahvaljujem predsjedavajuća. I drago mi je da sam ovo čuo da je tu inicijativu pokrenuo zastupnik Pindžo. I ne znam koji su ovdje kriteriji i da li ima istu težinu da i zastupnici koji su ovdje ravnopravni predlažu inicijative. Ja vam govorim o inicijativama koje sam ja pokretao prije dvije ili više godina. Ili zato što je gospodin Pindžo predsjednik jednog kluba ima veću težinu njegova inicijativa. Pa ja sam u ime nekog kluba kojem pripadam ovdje pokretao inicijative. O tome se radi. I ova hitna sjednica sa zakašnjenjem od nekoliko godina kakva je to hitna sjednica? Hvala vam.

Predsjedateljica:

Hvala lijepo uvaženi zastupniče Marić. Replika, kome replicirate uvaženi zastupniče Pindžo. Izvolite.

Poslanik/zastupnik Mirsad Pindžo:

Zahvaljujem uvažena predsjedavajuća. Pozdravljam sve prisutne pošto se prvi put javljam kao i one koji današnju sjednicu prate putem malih ekrana. Naravno nije mi ni na kraj pameti bilo da vrši nikakvu promociju ni sebe niti bilo koga drugog, zato se nisam ni javio jer je apsolutno nevažno ko je dao inicijativu. Ali moram ispraviti. Inicijativu za sazivanje sjednice može dati svaki zastupnik, svaki klub. Nikad od kolege Marića niti od bilo kojeg drugog, svi su članovi tu, ja sam član Kolegija nije došlo na Kolegij da se o njoj odlučivalo pa da je odbijena. Što znači da nije došla. Da li je ona pisana, da li je ona tražena, ja to ne znam. Kakva je komunikacija između određenih zastupnika i određenih klubova, i unutar klubova i prema Kolegiju isto tako ne znam. Ali potpuno nebitno. Potpuno nebitno. Ja smatram da je stanje vodosnabdijevanja građana Sarajeva duži vremenski period tako da je ona davno zahtijevala hitnu sjednicu a obzirom da je to otišlo u nekom drugom smjeru, da su ovdje počele biti važnije stvari, ko koga predstavlja, i ko koga imenuje, i ko je čiji čovjek, i ko će upravljati procesima, a ne građani i njihovo vodosnabdijevanje a da je proteklo 60 dana od dana razmatranja analize izvještaja o stanju i poslovanju preduzeća VIK-a a da nemamo informacija šta se dešava, ja sam zatražio da nas Vlada informiše, da predložili mjere, ne da nam da izvještaj VIK-a. Koje su danas na dnevnom redu, Kolegij je to prihvatio. Sjednica je zakazana i malo ispada smiješno ili deset dana, a hitna sjednica. Vi kao što znate naš Kolegij ne poznaje vanrednu sjednicu nego samo redovnu, tematsku i hitnu i tražili smo od Vlade koliko joj vremena treba da pripremi prijedlog mjera

da bi promijenili stanje da razgovaramo o snabdijevanju vodom a ne o tome ko je tražio, ko nije tražio ili da vršimo bilo kakvu populističku ili promociju bilo kog pojedinca ili bilo koje političke stranke. I ja molim kolege da se krećemo u tom smjeru i da diskusiju vodimo na tragu onoga što je tema, a ne mada razumijem i promocije. Zahvaljujem.

Predsjedateljica:

Hvala lijepo uvaženi zastupniče Pindžo. I ja molim zastupnike da se drže onoga što je dnevni red. Uvaženi zastupniče Mariću, replika gдинu Pindži, pretpostavljam, je li?

Poslanik/zastupnik Zvonko Marić:

Zahvaljujem predsjedavajuća. Hvala vam gospodine Pindžo na usmjeravanju. Ja ovdje nisam postavio pitanje ili problematizirao što sam ja to uradio, nije bitno ko je predložio, bitno je vrijeme kada je to učinjeno. I bio sam jasan, precizan, i za te dvije godine kada sam ja predlagao, a konsultujte ili ste bili, barem ja koliko se sjećam na svakoj od sjednica prisutni, konsultujte, imate stenograme pa vidite d ali sam o tome govorio. I nisam želio da preuzimam na sebe da budem upravo iz tih razloga koje vi pokušavate između redova da meni pripisete ili imputirate u svrhu bilo kakve promocije da se ozbiljno shvata ono što zastupnici ovdje govore. Onda bi ta Vlada, čula je na sjednici, postoji inicijativa neko ukazuje na dramatično stanje oko vodosnadbijevanja, pa hajmo evo mi ćemo, ne mora to biti moja. Dakle, nije priča o tome, nije bitno ko je već vrijeme kada je. Hvala.

Predsjedateljica:

Hvala lijepo uvaženi zastupniče Marić. Ja bih sada samo pitala, pošto na slajdu nemamo ko je za raspravu, a ko nije zadovoljan sa odgovorima. Da li ima još netko tko želi jasan odgovor. Vi ste Segmedina. U redu. Prije vas je bio uvaženi zastupnik Semir Halilović. Jeste li za raspravu ili za pitanje. Dobro, u redu. Uvažena zastupnica Srna Segmedina Bajramović. Samo još jedno. Onda se isključite ko nije za raspravu. Pošto moramo dobiti sada odgovore na pitanja. Imamo pometnju ovdje ko je po redosljedu. Hvala na razumijevanju, jer ovo nam je sada prva komunikacija na ovaj način. Sada imamo one koji nisu zadovoljni sa odgovorima, a onda kada kažem otvaram raspravu tada ćemo imati. Izvolite uvažena zastupnice Segmedina.

Poslanik/zastupnik Segmedina Srna Bajramović:

Zahvaljujem uvažena predsjedavajuća još jednom. Da na žalost u četvrtoj godini mandata se moramo navikavati na ovo elektronsko glasanje, bili smo prvobitno prijavljeni za replike, odnosno nezadovoljstvo odgovorima koje smo dobili. Ja nisam zadovoljna odgovorima koje sam dobila od premijera Konakovića jer nisam dobila potpune odgovore, djelimično mi je odgovarao, nekako mi je sve to bilo u magli. Prvo pitanje bilo je koliko je Kanton Sarajevo prikupio sredstava od vodnih naknada u njegovom mandatu. Dobila sam odgovor. To je oko 10 miliona. Ali

odgovor na drugi dio pitanja koliko je tih sredstava utrošeno na sanaciju vodovodne mreže, nisam dobila. Spominju se neke firme. Da sačekamo kolege. Spominju se neke firme u odgovorima, neki Njemački partner, neki potrošači, neki hoteli. Ali nemamo, nismo dobili konkretna imena, konkretne. Mislim voljela bih da pričam o konkretnim stvarima, nekako sam ja to, pomalo mi je sve to maglovito. Dva ključna pitanja na koja nisam dobila odgovor, da li je donesena privremena odluka o zaštiti izvorišta? Ako nije zašto nije? I da li je završena elaborat za zaštitu izvorišta Sarajevsko polje? Ako nije, zašto nije? Nešto o tome je govorio ministar Hasanspahić-. I spomenuo je nadležne ministre za izradu elaborata, pa mene zanima gdje je nadležni ministar za izradu elaborata danas ovdje. Zahvaljujem.

Predsjedateljica:

Hvala lijepo uvažena zastupnice Bajramović. Uvaženi zastupnik Edin Forto.

Poslanik/zastupnik Edin Forto:

Zahvaljujem. Nisam zadovoljan odgovorom. Na dio pitanje odgovoreno mi je za Butile. Znači da li firma VIK ima vodnu dozvolu? Vrlo jednostavno pitanje. Da li je Ministarstvo pokrenulo izradu Strategije o upravljanju vodama? Ne o zaštiti izvorišta što je kolegica pomenula. I njoj je djelimično odgovoreno. Možda nisam čuo ministar vrlo tiho govori. Strategija o upravljanju vodama u Kantonu Sarajevo, i vodna dozvola za VIK. Hvala.

Predsjedateljica:

Hvala lijepo uvaženi zastupniče Forto. Da li možemo sada dobiti odgovor? A izvinjavam se. Uvažena zastupnica Bibija Kerla.

Poslanik/zastupnik Bibija Kerla:

Pa i ja sam isto tako. Ja prije svega da kažem da sam ja izgleda pogrešno shvaćena, da li namjerno ili nenamjerno što se tiče mog pitanja. Ja nemam ništa protiv apsolutno da se raspravlja danas što se tiče vodosnabdijevanja grada Sarajeva, to smo trebali raditi na sve i jednoj Skupštini Kantona Sarajevo. Mene samo interesuje da li smo trebali dozvoliti da dođemo u situaciju da raspravljamo tek danas o vodosnabdijevanju grada Sarajeva? Hvala lijepo.

Predsjedateljica:

Hvala lijepo uvažena zastupnice Bibija Kerla. Uvaženi zastupnik Vukasović. Izvolite.

Poslanik/zastupnik Mario Vukasović:

Zahvaljujem predsjedavajuća. Dobio sam odgovore na sva pitanja osim na ono najvažnije. Odnosno nisam potpuno siguran da li sam razumio odgovor. Ono što sam maloprije govorio jeste da je studija izvodivosti za sanaciju i rekonstrukciju vodovodne mreže najbitniji osnovni dokument koji nam je polazna tačka za

rješavanje bilo kakvog problema. Koliko sam shvatio oboren je da kažem, odnosno prekinut je ugovor koji je dodijeljen izradi ove strategije i ne znam da li sam dobro razumio jer ćemo ovu studiju čekati narednih godinu dana. Koliko ćemo čekati i kada ćemo imati ovu studiju izvodivosti pred nama i kolegica Segmedina isto govorila o imenima velikih nelegalnih potrošača. Ja ne vidim ni jedan razlog apsolutno da krijemo imena velikih potrošača koji su nelegalno crpili vodu u vrijednosti od desetina hiljada vjerovatno KM godinama, i da ih krijemo. I ja tražim da se to objavi javno i da čujemo, da dobijemo ta imena. Zahvaljujem.

Predsjedateljica.

Hvala lijepo uvaženi zastupniče Vukasović. Uvažena zastupnica Neira Dizdarević. Izvolite.

Poslanik/zastupnik Neira Dizdarević:

Hvala uvažena predsjedavajuća. Pa ja sam također dobila odgovor na ovo pitanje od ministra. Ne mogu reći da nisam zadovoljna odgovorom, ministar je otvoreno rekao da Sarajevo nema tehničku vodu, što znači da se čistom, pitkom vodom peru ulice i zaljeva cvijeće. Evo primjera radi samo ću podijeliti sa vama informaciju da dakle 31.08. odnosno dan pred Bajram veći dio grada je imao gotovo cjelodnevnu redukciju. Ne moramo ni govoriti da u duhu tradicije da se taj dan sprema hrana, pospremaju kuće, da je veliki broj žena, majki, supruga uzeo možda slobodan dan na poslu da bi odradio pripreme za praznik, međutim vode nije bilo. A istu noć ulice su dakle oprane, čistom vodom, zalijevalo se cvijeće ispred Predsjedništva. Mislim da se razumijemo, naravno da nam treba čist grad, i naravno da podržavam pranje, ali u ovim uslovima kada nemamo samo noćne redukcije, već imamo samo par sati dnevno vodu ustvari, nedopustivo je da se na ovaj način koristi čista voda. Što se tiče mog drugog pitanja i problema sa kojim se susreću građani naselja ŠIP informacija se pojavila prije dva dana čini mi se čak u svim medijima i cijenim to da dakle ministar nije dobio informaciju iz medija, nije stigao, nije apsolutno dužan da pročita baš svaki članak na svakom portalu, ali je nedopustivo da izostane komunikacija između VIK-a i resornog ministarstva, odnosno da građani opet budu taoci loše komunikacije između, na jednoj strani uprave VIK-a koji su svakako upoznati sa problemom i s druge strane Vlade, odnosno ministarstva. Toliko. Hvala.

Predsjedateljica:

Hvala lijepo uvažena zastupnice Dizdarević. Evo hoćemo li dobiti odgovore?

Premijer Elmedin Konaković:

Ja sam zastupnici Srni baš odgovorio na pitanje jer sam govorio samo o sredstvima koja uvrštena ili utrošena za rekonstrukciju vodovodne mreže. Nisam govorio o svim koja su prikupljena. Dakle osim ovih 3.600, 3.200, i oko 3 miliona u prvoj godini, to je utrošeno u rekonstrukciju vodovodne mreže. A taj iznos prikupljenih sredstava iz vodnih naknada je veći. Trend je bio prije ovoga da se

dobar dio ovoga troši za uređenje riječnih korita. I mi smo to promijenili. Jeste, slažem se gospodine Šućur. Ima tu naravno prostora za razgovore o tome da li i na koji način su sredstva vodnih naknada, mi odgovaramo, revizija je pregledala, zakonito su utrošena, jeste ovo svrha ali na sreću nije nužna potreba u odnosu na prioritet koji je rekonstrukcija vodovodne mreže. Dakle, sredstva su veća. Ima još jedan dodatak, nas ova federalna firma, kako se oni zovu, Sliv rijeke, da oni su dužni i pokrenut ćemo tužbu ovih dana protiv njih mnogo više novca iz vodnih naknada vraćati Sarajevu. Ministar Šabić je to pokrenuo, imamo neke bilateralne razgovore u kojima tih sredstava ima mnogo više. Ja sam rekao one iznose koji su utrošeni za rekonstrukciju vodovodne mreže. Znam da smo izmjenom zakona stekli pretpostavke za donošenje uredbi o kojima me pitate. Nisu u resoru Hasanspahića, ja sam odmah evo kontaktirao ministra Šabića i Lukića koji su danas opravdali svoj izostanak i dobit ću toku sjednice u kojoj fazi su dokumenti koje su dužni predložiti, uredbе koje proizilaze iz zakona, tiču se zaštite vodozaštitnih zona i strategija eventualno upravljanja vodama u Kantonu Sarajevo. Dakle, dobit ćemo brzo tu informaciju, ja ću vam se odmah javiti da vam ponudim odgovore. Gospodine Vukasoviću, neće se čekati godinu dana jer smo sada kada je pao taj tender i kada smo vidjeli da to nećemo imati u laganom ritmu na vrijeme, moramo imati u bržem ritmu na vrijeme, tako je Vlada imenovala dva konsultanta. Odluka Vlade je proslijeđena VIK-u i dogovorili smo tehnologiju u kojoj će se zone, 59 zona, već smo izdvojili prioritete raditi brže, intenzivnije a i to sam u uvodu govorio, moguće je naravno zbog sistema spojenih posuda odmah intervenirati na uočenim kvarovima koji su za brzu intervenciju. Dolazi nam kredit EBRD-a nećemo ga trošiti prije urađene jedne, dvije, tri zone, slika neće biti potpuno cjelovita. I prihvatam i činjenicu da će taj rezultat vjerovatno biti za nijansu recimo slabiji, ali se neće investirati novac dok ne dobijemo prve rezultate detektovanih zona. One se u roku od mjesec dana mogu, stvarno sam puno ovoga od ljudi čuo. Prvi najveći korak, postavljanje zatvarača sa mjeračima protoka na svih 59 zona, nabavka te opreme. Mi nismo detaljizali previše o mjerama se dakle dešava kao najprioritenije. Odmah nakon što izzoniramo i mjerimo radimo posebna detalja istraživanja tih zona, ulazimo sa rekonstrukcijom. A to je drugi korak, ovaj možemo ga zvati i dugoročniji. Prvi je otklanjanje kvarova i nelegalna potrošnja. Dakle radi se o tome i neće se čekati godinu dana, to bi bio zaista veliki problem. Imena ću vam ja dostaviti, dakle ono što smo mi imali i što sam dobijao ću dostaviti svim zastupnicima, isprintano i umnožit ćemo. I nije problem dužnika,. Još jednom vam ponavljam. Problem je potrošača koji manipuliraju i ništa ne duguju. Oni se vode kao uredni, plaćaju auto-praonice 4 ili 5 kubika, restorani i hoteli 15 kubika, troše hiljade kubika, manipulišu na mjeračima i manipulišu bajpasima. Dakle to je za nas problem. A imate dužnike, imate i naša preduzeća koja su dužna. ZOI je dužan VIK-u stotine hiljada maraka. Znači ima još nekih naših javnih kompanija koje su dužne i sve smo to već na neki način pokrenuli da se ti dugovi vraćaju. Oni nam rješavaju finansijski apsekt poslovanja VIK-a ali nam ne rješavaju curenja, krađe i nedostatak vode zbog kojih su redukcije svakodnevnе. Zastupnica Kerla je tako

rekla. Tako ste zastupnice Kerla, ima stenogram, da li su bile potrebne ove mjere što to Vlada ne radi stalno u okviru svojih djelatnosti. Radi stalno, Skupština nas zadužila da donesemo mjere, mi donijeli mjere, zastupnik Pindžo objasnio, dali ste nam vremena da pripremimo ovu sjednicu, znači nije mogla hitna danas za sutra bez mjera i to je bio stav Kolegija na koji mi, kao svaki put kada nas zadužite reagujemo. Ako se nismo razumjeli, evo sada smo se razumjeli.

Predsjedateljica:

Hvala lijepo uvaženi premijeru Konaković. Završili smo ovaj dio pitanja, dobili ste odgovore, sada otvaram raspravu. Uvažena zastupnica Sabina Ćudić.

Poslanik/zastupnik Sabina Ćudić.

Pozdrav svima prisutnim i gledaocima iz Kanton Sarajevo. S obzirom da smo čuli jako puno informacija bojim se građanima nije jasno, kao što nekima ni u Sali nije jasno, koji je redoslijed dešavanja u mandatu ove Vlade bio vezano za problem vodosnabdijevanja u Kantonu Sarajevo. Ja ovo ne govorim sada kako bih edukovala prisutne u Sali, već mislim da je jako važno kada koristite retoričko pomagalo koje mislim da je danas Vlada koristila, a to je zatrpali ljude informacijama kako se suština ne bi vidjela problema, onda mislim da je važno da naglasimo redoslijed stvari i hronologiju dešavanja. U martu 2015 godine gospodin Konaković je postao premijer i ova Vlada je dakle imenovana. 24 juna iste godine razriješena je tročlana Skupština VIK-a te su imenovani njeni v.d. Kada govorimo o nadležnostima dakle, mi govorimo o činjenici da je Vlada ta koja to stavlja na dnevni red i oni koji podržavaju tu Vladu usvajaju tu vrstu izmjena. Dakle, ta Skupština je izabrana na prijedlog ove Vlade. Nakon toga je imenovana prvo za vršioca dužnosti a zatim i za direktora trenutni direktor gospodin Nezir Hadžić. Dakle, u mandatu ove Vlade sve i jedna osoba odgovorna za procese u vodosnabdijevanju u Kantonu Sarajevo je imenovana u ovoj Sali na prijedlog ove Vlade. Zašto ovo naglašavam? Danas kada je premijer rekao ja sam razgovarao sa ljudima i imenovao sam i garantujem za ljude koji su u novom NO, a koji je imenovan od strane Skupštine, koja je imenovana na prošloj sjednici Skupštine Kantona Sarajevo opet na prijedlog i garanciju premijera Konakovića da garantuje za te ljude, ja ne vidim koja je razlika u procesu kada je taj proces i prije toga predvodila Vlada i koja kaže da je u prvoj godini imala konstruktivnu saradnju sa VIK-om u Kantonu Sarajevo. Dakle, na osnovu čega da građani i mi u Skupštini steknemo povjerenje da će ovaj proces biti išta manje stranački vođen nego što je to do sada. E ja znam da ova Vlada ne voli kada se spominju stranke i kada se spominje politika i stalno nas od prvog dana prozivaju u ovoj Skupštini da se ne bavimo politikom. Mi se bavimo politikom, mi smo plaćeni da se bavimo politikom i politika može biti časno zanimanje kojoj je ova Vlada i prethodne Vlade u Kantonu Sarajevo su zapravo dali tu stigmu bavljenja politikom. Dakle to su politički procesi. Ova imenovanja su na osnovu političkih procesa i donose se u političkim ustanova i institucijama kakva je ova Vlada i Skupština Kantona Sarajevo. Zato molim vas, i apelujem da ne prikazujete javno preduzeće, čiji smo

osnivač, kao nezavisni otok nad kojim niti Vlada niti Skupština nemaju nikakvu volju niti kontrolu. E sada da se vratimo pitanju vodosnabdijevanja. Danas je pred nama izvještaj koji nam je predala Vlada, koji podržava Vlada i koja želi da mi danas taj izvještaj mjera usvojimo. Pažljivo smo analizirali ovaj izvještaj, ovaj izvještaj na gotovo svakoj stranici pobija sam sebe i ukazuje na niz nelogičnosti i u radu VIK-a ali i nemogućnosti da se sa tim radom izborimo. Zato me interesuje, žao mi je što nisam intervenisala u periodu kada su bila pitanja, da li Vlada zaista želi da mi usvojimo ovaj izvještaj koji smo dobili u materijalima i da li su ovo te smjernice kojima ćemo riješiti problem vodosnabdijevanja u Kantonu Sarajevo, posebno ako polazimo od činjenice da kako je upravo rečeno, strategija upravljanja vodama u Kantonu Sarajevo ne postoji. Ministarstvo nije još ni pristupilo izradi te strategije, a strategija za koju je izdvojeno 1,6 miliona KM da se izradi Studije izvodivosti je također obustavljena nakon utrošenih kako danas saznajemo 40.000 KM. Ne znamo ko će biti izvođač te studije, ne znamo dakle u kom roku jer kako nam je upravo premijer rekao, do sada smo to obavljali laganini ali sada to očito više ne možemo laganini obavljati pa ćemo malo ubrzati te procese pri čemu i dalje ne znamo rok, koja studija izvodivosti, ko je izvodi, ko će dobiti 1,6 miliona KM da to sastavi, ko će preuzeti odgovornost za tu studiju i kada će se ona početi implementirati jer prema onome što smo čuli, počet ćemo nepostojeću studiju da implementiramo, a u hodu ćemo pisati studiju koju ćemo onda ne laganini već ubrzano pisati. Da se vratimo na nelogičnosti u izvještaju koji je danas pred nama. Taj izvještaj istovremeno krivi prethodne menadžmente u rečenici na zadnjoj stranici koja poražavajuće kaže da je stanje u vodosnabdijevanju u Kantonu Sarajevo rezultat nedomaćinskog upravljanja dosadašnjih menadžmenta. Daleko od toga da želim amnestirati bilo koji menadžment ali svaljivati sve na prethodne menadžmente i pri tome zaključivati u samom izvještaju koji ukazuje na nelegalno poslovanje rukovodstva VIK-a i reći da zapravo nisu njihove greške već prethodnih menadžmenta je uvredljivo za inteligenciju. Zatim se kaže da gubici vode predstavljaju vrlo složen problem u ekonomskom tehničkom i sanitarnom smislu, i krajnje je vrijeme da se ovom problemu posveti posebna pažnja. Što znači da se do sada nije posvećivala jer je trenutno krajnje vrijeme. Deset uzroka problema je identifikivano, pri čemu ilegalne radnje, niti ovog rukovodstva VIK-a menadžmenta niti prethodnih nisu spomenute niti u jednom od ovih deset uzroka problema. Nagomilani dugovi od strane građana se spominju kao uzrok problema ali koruptivne radnje o kojima je danas govorio premijer, nisu izlistane. Iako na istoj stranici gdje se prstom upiru na građane koji navodno ne plaćaju račune stoji da od 25 miliona kubika vode koji dođe do potrošača 90% je uredno naplaćeno, tako da kao što sam rekla sami sebe pobijamo. Zatim teza da se veliki broj vodovodnih cijevi mora rekonstruisati, da postojeći mjerači protoka su dotrajali pa čak isti i ne postoje na pojedinim lokacijama, da tri stranice kasnije saznajemo da je Vlada već uložila 150.000 KM za nabavku ovih vodomjera a po procjenama nekih od ja pretpostavljam najvećih eksperata koje BIH u ovoj oblasti ima, jedan košta do 1000 KM, gdje bi se mjerio dakle nivo vode između dva šahta. Itd. Sam premijer na početku kaže da smatra

da je davanje ovom rukovodstvu ovog novca bacanje novca. Mi se slažemo. Samo nemamo povjerenje da će davanje 30 miliona KM kredita, zapravo i većeg iznosa jer se radi o potencijalnih 10 +5 miliona + sva sredstva koja će građani izdvojiti iz budžeta ovom ili nekom narednom rukovodstvu koje će nesumljivo ponovo biti stranačko, kako su do sada sva bila, i uključujući i postojeći menadžment koji je ponavljam izabran u mandatu ove Vlade, da li da vjerujemo tim ljudima i ovim procesima i nepostojećim strategijama niti Vlade niti od strane eksperata da utroše tih 30 miliona KM za koje ćemo mi naravno vraćati kamate. Ono što me interesuje također jeste da se spominje da VIK neadekvatno priprema tendersku dokumentaciju, da od 900 uposlenih prema onim procjenama prema broju stanovnika mi bi smo trebali imati 400 uposlenih ali ćemo uposliti nove time, da li postoji mogućnost reorganizacije ovih uposlenih i preusmjerenje na rad na onim aktivnostima za koje su nam potrebne, a da ne kažemo hronologiji i da se ne bi smo bavili politikantstvom o hronologiji upozoravanja Naše stranke, ali evo sasvim sigurno i drugih kolega u ovoj Skupštini kontinuirano na ilegalne procese koji se dešavaju u ovom preduzeću, pa sam i sama lično prije tačno dvije godine pozivala na smjenu ovog direktora za kog se tvrdilo, dakle Vlada tvrdila da nema nadležnosti, a evo danas najavljuje da će taj menadžment biti smijenjen. Pa nam recite šta je tu istina? Dakle, Naša stranka neće podržati ove mjere, neće podržati jer nema povjerenja u ovu Vladu. Neće podržati mjere koje se pišu u hodu, neće podržati one mjere za koje je rečeno da su pisane, citiram u samom izvještaju ad hok. Dakle one su pisane u hodu, pisane su proteklih mjesec dana i nemamo nikakvog povjerenja da bez iti jedne studije, iti je studije ministarstva niti naručene studije ekspertne mi možemo ući u ovaj proces jer ćemo za godinu dana biti u istoj ovoj Sali, možda u nekom drugom sazivu i objašnjavati građanima gdje je otišlo tih 10 miliona KM. Hvala.

Predsjedateljica:

Hvala lijepo uvažena zastupnice Sabina Ćudić. Uvažena zastupnica Mersiha Mehmedagić.

Poslanik/zastupnik Mersiha Mehmedagić:

Zahvaljujem uvažena predsjedavajuća. Pozdravljam sve prisutne kao i građane Kantona Sarajevo koji prate današnje zasjedanje. Pa evo na početku ću se samo kratko vratiti a zbog nečega što je rečeno u ovoj Sali maloprije, vratit ću se na izvještaj VIK-a i sjednici od 31.07.2016. Naime preko poruke koju je pročitao kolega uvaženi kolega Sabahudin Delalić direktor nam je poručio da nije dobio priliku da odgovori jer je na njega, pa citiram :“izvršen brutalni linč“. S obzirom da sam učestvovala u diskusiji, u tom kako direktor naziva brutalnom linču imam odgovornost, i kao čovjek i kao zastupnik, da naglasim onima koji ne čitaju šta potpisuju da niti jedna jedina cifra izrečena tog 31.07. nije izmišljena i svaka je iz izvještaja koju je potpisao lično generalni direktor VIK-a. To su podaci iz finansijskog izvještaja, to su podaci interne revizije i to su podaci eksterne revizije. S druge strane to su zvanični podaci Izvještaja o izvršenju Budžeta

Kantona Sarajevo za 2016. i s tim završavam ovu priču. Što se tiče predloženih mjera koje bi smo trebali danas razmatrati ja neću o njima nego ću o onome što smatram da nedostaje ovim mjerama kako bih ovo što nam je danas hitno dalo neke održive rezultate kako opet u nekoj kratkoročnoj a s obzirom na trendove gradnje širenja Kantona, odnosno urbanog dijela i u dugoročnom nekom roku mi ćemo opet morati razmatrati ove hitne mjere ako se nešto ne uradi po sljedećim pitanjima:

O nekim sam u više navrata primjerima govorila, koji se direktno tiču vodosnabdijevanja, prvi primjer je eksploatacija vode i dodjeljivanje koncesija. S jedne strane imamo redukcije u Kantonu Sarajevo, imamo konstantno svakodnevno imamo periode suhih cijevi kod građana a s druge strane imamo 19 izvorišta na kojima se voda eksploatiše i to što se eksploatiše niti puni budžet, a to sam u nekoliko navrata govorila isticala kolika su dugovanja, niti na žalost puni budžet cijevi građana, tako da ne znam kako bi nam Vlada evo na žalost nemamo ovdje ni ministra prostornog uređenja, ali pogotovo nemamo ministra privrede koji bi mi trebao odgovoriti na ovo pitanje na koji način mi štitimo ono što imamo izvan sistema VIK-a a na šta ćemo se danas sutra za godinu za pet morati oslanjati s obzirom na trend izgradnje u gradskim i vangradskim općinama. Od 07.10 sam u nekoliko navrata ponovila pitanje šta Ministarstvo privrede misli poduzeti kako bi se osigurala dosljedna primjena Zakona o koncesijama i kako bi oni koji koriste vodu platili tačno onoliko koliko koriste, a ne nekim nerealnim procjenama, za koje u određenim izjavama i premijer rekao da nema mehanizama da se odredi koliko se to zaista koristi. Da uprostim, imamo jedno izvorište, odnosno jednu koncesiju koja je ne držite me za riječ, evo primjera radi a to bi trebao ministar provjeriti resorni koji nije ovdje, imamo 20 l/s na tom izvorištu. 30. firma potpiše ugovor da će plaćati koncesiju na 10l. Šta je sa preostalih 20? Je li to gledaocima na kafu, ili te vode jednostavno nema ili je pogrešna procjena. Ta ista firma tri godine koristi bez potpisivanja ugovora koristi tu bušotinu, odnosno koristi to izvorište da bi poslije toga bila nagrađena i da bi joj se dodijelila još jedna koncesija i to na 30 godina. Naredni primjer. Ovo je sada kantonalna firma, duguje za koncesije 200.000 po podacima koje imam iz Revizorskog izvještaja za 2015 godinu. Revizorskog izvještaja budžeta s obzirom da zvanične podatke od ministra privrede nikad nisam mogla dobiti, pravobranilac mi je nešto odgovorio ali i od toga je prošlo dosta vremena pa eto uzmite da su i ovi podaci, mogu biti samo veći, manji sigurno neće biti. I toj istoj firmi koja duguje tih 200.000 njoj Vlada još isplati podsctiaj. I Ured za reviziju institucija FBIH u svom izvještaju naglasi da je to praktično nezakonito. Dalje imamo Baks energotehniku Vogošća koja nam za koncesije, opet prema ovim podacima koje sam ja imala duguje 4 miliona. Prema nekim drugim podacima koje sam pročitala koje je prenio jedan portal, prenijevši i premijerovu izjavu, tamo se pominje 11 miliona, pa ja sada ne znam koja je od te dvije cifre tačna, ali koja god da je ogromna je, i da stvar bude još gora, mi toj firmi, uplaćujemo subvencije iz budžeta, mi od te firme po ovom planu koji nam danas Vlada predlaže trebamo kupovati dodatne količine vode, a ponavljam oni nam duguju eneromne količine novca za koncesije jer koriste

vodu. Znači vode ima samo bi je trebalo malo bolje preraspodijeliti a zakonski je prioritet snabdijevanje stanovništva pitkom vodom. Stoga, ovoj mjeri definitivno fali da Vlada konačno uspostavi mehanizme koji će jasno utvrditi koje to kapacitete vode imamo izvan sistema na koje dajemo pod koncesiju i da li se nama, a evo evidentno nam se ne isplati da je izdajemo pod koncesiju, pa zašto bi onda posezali i plaćali vodu nekome tamo trećem, kada mi imamo vodu koju možemo uključiti u sistem. Ako već ne možemo naplatiti te koncesije te naknade onda dajte bar da građani direktno imaju korist ako ne kroz budžet, dajte da imaju kroz slavine. Ni općine koje, govoreći o vodama koje imamo izvan sistema VIK-a, osvrnut ću se i na ove vangradske općine koje imaju svoje vodovode i koje su nama jedina oaza dugoročno odakle ćemo mi uzimati pitku vodu. I zato mi je žao što nemamo ovdje ministra Lukića. Ni općine koje imaju vlastite vodovode vidjeli smo u onim izvještajima koje smo dobili vezano za analize vode u čini mi se mjesecu julu ni kod njih situacija nije ništa bolja. U mjerama stoji da ćemo pored Baks energotehnike iz Vogošće posegnuti i za vodom iz Hadžića. Hadžići se sve više grade, grade se i rezidencijalna naselja sa bazenima i odakle ćemo mi, odnosno od koga ćemo mi uzeti vodu kada povučemo tu vodu iz Hadžića. Nije problem što se gradi ali hoće li neko ostati zakinut, ima li vode dovoljno? Druga stvar, podsjetit ću samo na rezultate analize vode u junu ove godine koji su pokazali da pet vodovoda u Vogošću cijelu godinu nije bilo ispravno i još bez ikakvog nadzora. A da se sve više gradi i broj korisnika raste. Podsjetit ću da su i vodovodi u Trnovu bili zagađeni fekalnim bakterijama vode sa tog prostora čine oko 70% Sarajevskog polja. Zbog tih rezultata sam tražila od Kantonalne uprave za inspekcijske poslove da me izvijesti koje mjere i sankcije su poduzeli protiv onih koji nisu realizovali korektivne mjere za otklanjanje nedostataka ko ji ugrožavaju pravo na pitku vodu. E sada zamislite o kakvom nemaru, pa još i bahatosti se radilo kada je inspekcija pored 18 upravnih mjera izdala i prekršajni nalog u iznosu 1000 KM zbog onemogućavanja rada inspektoru. Neko ne samo da nemarom ugrožava zdravlje stanovništva nego još ne dozvoljava inspektoru da to kontroliraše. Znači to vode što imamo u vangradskim općinama a što nam je izvor snabdijevanja za Kanton, dugoročno, krčmi se i zahvata kako ko hoće, pa se često pitam da li te lokalne vlasti misle živjeti u Kantonu Sarajevo i nakon isteka mandata. I kada dodam još uz to činjenicu da je voda na Vrelu Bosne već godinama zagađena, da se samo iz godine u godinu, iz mjeseca u mjesec konstatuje, potvrđuje taj nalaz, a da se ništa ne radi, ja. Ja završila zahvaljujem.

Predsjedateljica.

Uvaženi zastupnik Slaviša Šućur:

Poslanik/zastupnik Slaviša Šućur:

Hvala predsjedavajuća. Pa evo, mi pričamo o jednom ozbiljnom problemu, imamo pred sobom dokument koji treba da predstavlja prijedlog mjera za rješenje problema. Ja se bojim da mi nismo ni identifikovali problem, a samim tim dakle

ne možemo pristupiti ni blizu rješenja inače cijela priča danas i ovaj dokument postaju sindrom ove Vlade. Niko ne spori Vladi i premijeru uloženi trud da dođe do spoznaje šta je to što ne funkcioniše, i mnogo njegovih definicija šta se dešava u suštini to je tačno. Svi mi to znamo. Negativna kadrovska politika koja traje već 20 i kusur godina, koja je otjerala struku i znanje, uvela ljude nesposobne, mi smo imali jednog direktora VIK-a koji je bio direktor ja mislim 15 godina. I kome niko iz političke, niko od ministara, od premijera nije mogao ništa. I dobije, a znamo, čovjek je bio iz SDA. Bio je jači u SDA nego što su bili ministri i premijeri. I puno stvari loših koji se dešavaju VIK su posljedica tako loše politike. Ono što hoću da kažem, dakle problem vodosnadbijevanja je samo dio ukupnog problema kolapsa infrastrukture Sarajeva, te potpuno haotičnim i nekontrolisanim rastom. Ljudi nisu bezveze izmislili ni urbanizam, ni potrebu da se donose dozvole, ni potrebu da imate saglasnosti. Dakle da postoji potrebna infrastruktura da prati gradnju, i mi dakle uporno pokušavamo da stignemo nešto što se ne može stići. Ja sam postavio pitanje o tome koliko ima bespravno izgrađenih objekata. Koliko ima legalno izgrađenih novih objekata. Nisam dobio odgovor. Ministar Lukić mi je rekao kada sam pitao šta je sa mojim odgovorom, kaže neće načelnici da daju podatke. Mi živimo u takvoj državi, pravimo se da imamo kontrolu, premijer kada govori na početku svog mandata, i kada je govorio o ovom problemu, on je govorio ka da je on čovjek koji ima sve u svojim rukama i da će on to sve skupa da riješi, da bi smo nakon tri godine došli do spoznaje da on ustvari ne može ništa. I to je nešto što je dakle očigledan, ali problem je. Premijeru, dakle vi ste ušli u VIK i ušli ste u kompjuter direktora i vidjeli ste jedan problem, a vi ne vidite šumu problema. I kompletan problem Sarajeva kao urbane sredine je što ne postoji, 20 godina ne postoji strateški pristup i nikakva kontrola nad procesima koji se ovdje dešavaju. Može se o tome govoriti beskonačno ali evo, neću pošto je ograničeno vrijeme reći ću još jednu stvar koja nedostaje ovom izvještaju. Dakle, mi imamo dva problema. Problem je tehnički, nemamo vode tamo gdje treba da je bude. Drugi je problem finansijski. To je problem poslovanja firme VIK-a. Ovdje nema ni jednog finansijskog pokazatelja, nema cijene vode, nikakve projekcije, ja odgovorno tvrdim da nema šanse da mi uđemo u zahvate koji će obezbijediti promjene koje će nekada na duge staze donijeti uštede, da cijena vode može postati iole normalna. Mi imamo studije koje su radili eksperti još 2009, ali kada se pripremao kredit, koji je iz meni potpuno nepoznatih razloga kasnije otkazan. Dakle mi sada radimo, evo uspjeli smo. Mi smo imali taj kredit 2010 potpisan uz grant od 5 miliona eura kog sad više nema. Ko je taj ko je otkazao kredit, zbog čega? Zbog čega se sedam godina odgađa rješavanje? Istu je namjenu imao. Ko je odgovoran zato što 7 godina mi čekamo da se počne rješavati ovaj problem a imali smo i pare i sve što je potrebno. Sljedeći problem, evo mi smo imali priliku čuti da se planira sve više iz budžeta izdvajati. Ja ne znam da li ova Vlada uopšte razmišlja o tome da mi hoćemo da uđemo u EU. Mi smo evo zemlja hamana kandidat i hoćemo da idemo ka EU, a pretpostavljam da znate da u EU nemoguće da se iz budžeta pokrivaju gubici komunalnih firmi. One moraju da iz svog priliva tekućeg pokrivaju troškove svog poslovanja, a mi sva rješenja usmjeravamo ka

tome da se što više iz budžeta radi a nećemo da priznamo da moramo mijenjati mnogo stvari od kojih neke nisu popularne. To je kompleksno pitanje. Pitanje cijene osjetljivo pitanje, socijalno, ali zašto niko nema petlje da kaže da je trebalo, iako je to 2002 popljuvano od strane ovih kada je Vlada Alijanse htjela da uradi socijalnu kartu da vi ne možete ovaj problem rješavati ako nemate socijalnu kartu i ako ne znate kome treba subvencionirati. A svi drugi da plaćaju ekonomsku cijenu. Mi nismo ni blizu, nismo počeli da strateški rješavamo taj problem. I prihvatite se i takvih stvari ako mislite ovo zaista da riješite. Ono što također predstavlja zaista problem u našem razmišljanju. Projekcije kažu da bi za smanjivanje troškova, oni osnovni problem to su ti gubici nesretni od 75% da bi se sveli na nekakvu prihvatljivu mjeru od 40% studije kažu da je potrebno uložiti preko 270 miliona KM. Dakle to je nešto što je neko sračunao. Ja nisam čuo nikakav drugi podatak. Neka mi neko ovdje kaže kako mi to možemo bez kredita. Mi smo zbog toga što smo pravili uporno stratešku grešku i mislili da možemo iz budžeta riješiti taj problem i doveli se u tu situaciju. 96 je trebalo uzeti kredit da se riješi pitanje očitavanja mjerenja evidencije gubitaka i od tada bilo je 10 pokušaja da se ispregovara nekakav kredit da se pristupi sanaciju mreže. Ne kaže to je skupo, šta će nama zaduženje, a dokle smo se doveli. Da pumpamo dakle, kaže u Sarajevu je 90% vode struja. Nije gravitacijski, pumpa se i plaća se struka zato. Samo jedan od parametara. Mi od toga 75% struje troškova pumpamo u zemlju. Da smo te pare, da smo digli kredit, da su te pare bile anuitet mi do sada ne bi imali problema. I prestanite više, sa po meni populističkom ublehom, ne mi smo se doveli u situaciju da se moramo zadužiti ako hoćemo da ovo riješimo. I to neko treba otvoreno da kaže i da se prihvatimo posla onako kako bi trebalo. Mislim da evo zaista toliko stvari mislim da fali širine, toliko nedostaje strateškog razmišljanja da je ovo katastrofa. Što se tiče nekih mjera, evo bilo je ovdje govora o zaštiti vodozaštitnih zona. Pa pazite ljudi, mi imamo sve zakone na mjestu. Ali niko neće da pokrene pitanje sankcija protiv načelnika opštine koji serbez kaže da on namjerno dozvoljava tu gradnju i šta fali da se gradi. To treba proglasiti krivičnim djelom ugrožavanje zdravlja stanovništva, ugrožavanja bezbjednosti, dozvoljavanje gradnje ili nepoduzimanje mjera da se s priječi gradnja u vodozaštitnim zonama. Mi se ponašamo vrlo lagodno prema resursima koji su ograničeni i koji su dakle javno dobro. Evo neću, kažem toliko sam i uzbuđen i na neki način očajan što ne vidim kraja našoj agoniji što ne vidim da je iko ovdje u stanju da malo šire sagleda stvari da počne zaista ogroman problem koji mi imamo kolaps kompletne infrastrukture da počnemo rješavati. Hvala.

Predsjedateljica:

Hvala lijepo uvaženi zastupniče Šućur. Sljedeći je uvaženi zastupnik Zvonko Marić. Semir Halilović, izvinjavam se.

Poslanik/zastupnik Semir Halilović:

Hvala. Ja ću samo kratko a pro po diskusije razlozima za hitnu sjednicu itd. Čuli smo i premijera, vidjeli smo iz izvještaja, znamo iz prakse da je problem

vodosnabdjevanjem u Kantonu Sarajevo star 13 godina. Dakle, ova sjednica je hitna samo iz razloga jer je politički hitna. A što se tiče stanja ono je isto kao i prije 13 godina, kao prije 10 godina, kao prije 5 godina itd. Dakle gubici na mreži 70% prije deset godina, gubici na mreži su 70% danas. Dakle, sjednica je hoću da kažem naručena i neka je. S tim u vezi, koliko se žuri da se zakaže ova sjednica govori činjenica da je Kolegij preskočio neke druge sjednice za koje ima također sve poslovničke obaveze, nju ste uredno preskočili, zakazali ste ovu sjednicu jer ona je potrebna. To je vaš odnos prema nas 14 koji smo to potpisali, to je odnos prema BPS koji je to inicirao, pa vi koji ste to uradili računajte na takav odnos BPS i u buduću. Dobili ste džentlmensko vrijeme i više nego što je potrebno. Kada je u pitanju izmjena statuta, ja bih krenuo odatle. Premijeru u preduzeću VIK u kojem Skupština ne može sazvati samu sebe tu se radi o krivičnom djelu kršenja Zakona o privrednim društvima. Moram bi biti podnesena krivična prijava itd. jer je to krivično djelo što je urađeno, to je praktično pokušaj otimanja imovine, indirektno. Kada je u pitanju gazdovanje VIK jer se ovdje tako nekako stvori slika, kao bili su jedni, drugi, treći, četvrti neka svaka stranka kaže za sebe, ja ću reći za BPS da nikada ništa u preduzeću VIK mi nismo imali, ni u kojoj strukturi, prema tome neka odgovornost za vodosnabdjevanje i stanje u VIK, a VIK je indirektno vodosnabdjevanje preuzmu oni ljudi koji su upravljali tim preduzećem. BPS nije. Da nije nestalo vode, da nije došlo do haosa sa vodosnabdjevanjem mi nikada u Sarajevu, nikada ova Skupština, nikada ova javnost ne bi znala zapravo koliko je kanalizacije u preduzeću VIK. Zašto? Šta se zapravo dogodilo? Stotine novih zgrada, desetine novih naselja, a to su uglavnom bila predizborna naselja, postizborna naselja, burazerska tajkunska naselja, koja su građena doveli su do građena paralelne vodovodne mreže za koju danas ni VIK ne zna gdje se nalazi. Dakle voda se masovno krade, ali krade se kroz institucije sistema, jer ne bi bilo moguće napraviti jedno naselje, ne bi bilo moguće napraviti tolike zgrade bez čitavog sistema koji je to odobravao, o čemu je govorio kolega Šućur, urbanizam, dozvole, okolišne, građevinske, priključci itd. I niko nije razmišljao o tome. Imate jednu studiju iz 85 godine koju je radio između ostalih akademik Hanjalić, u koje je prognozirano da će Sarajevo ostati bez vode između 2017 zapravo sa minimalnim količinama vode između 2017 i 2020 godine. To se nama desilo nešto ranije. I čitavo vrijeme svi sazivi u Kantonu Sarajevo od 96 do danas jer vi imate podatak iz 96 godine. Isto su radili što se radi danas. 96 godine, evo ga podatak, Vlada Kantona Sarajevo tadašnja kupila cijevi za 3,6 miliona KM pardon 97, poznate daktil cijevi za koje se ispostavilo da su nabavljene sa holandskog otpada i da se same raspadaju. Dakle mi ni 97 ni 2017, 20 godina ne znamo gdje je kvar, ne znamo koja je naša vodovodna mreža ali je uporno popravljamo. I uporno nabacujemo poslove, milionske poslove za firme koje zapravo rade poslove za koje se ne zna da li je uopšte isplativ posao. Navest ću vam jedan primjer zašto je to tako. A aerodrom Sarajevo imao račune za vodu, evo to vam je oficijalan podatak između 30 i 33.000 KM mjesečno. I zovnuli su strani tim da im snimi situaciju, da vide o čemu je problem. I kaže mi smo zamijenili, rekli su mi smo zamijenili sve cijevi osim samo jedne ulazne cijevi, ta je ostala kaže stara,

vjerovatno su na njoj ta curenja, kada je došao stručan tim, sa određenom aparaturom koju očito VIK nema ili neće da ima, našli su da je samo ta stara cijev bila ispravna a da su sve ostale nove bile pokvarene da je imalo curenje na njima. Vodovod u Čikagu iz 1914 godine, vodovod iz Beča je 20 godina ranije od 1914 godine, ko kaže da je starost cijevi jedini parametar po kojem se treba ponašati? Pa šta vi mislite da po Beču neko može da rovi po onim istorijskim predjelima, da neko može da rovi bagerima i tako iskopava tako svaki dan kilometre cijevi i vadi ih nazad i polaže druge. Pa to nigdje na svijetu nema. A ko će platiti ovo silno asfaltiranje i ovo sve što se događa u Sarajevu. To su dodatni troškovi, to su milioni maraka koji se bacaju. Pored toga, vodosnabdijevanje je također ugroženo u Kantonu Sarajevo, gospodin Šućur je u pravu, 90% jeste pupmanjem, 10% je padinske vode, međutim tih 10% padinskih voda kolega je ugroženo naselje na Bježnici. Dakle, napravljeno je rezidencijalno naselje na Bjelašnici koje kolektor koji se nalazi na Bjelašnici ne može da podnese, napravljen je 84 godine za Olimpijadu, u međuvremenu je napravljeno 200 3000 apartmana, to je uglavnom rezidencijalno tajkunsko odmaralište, kolektor se opteretio i vi ste imali hitnu sjednicu zbog prije dest godina, zbog zagađenja izvorišta Vrela Bosne. I nama se stvarno zapravo događa kada vi pogledate ovaj čitav niz koji se ovdje događa, to su dvije stvari, jedno je lokalna bahatost tih ljudi koji su dozvoljavali gradnju, divlju, potpuno bujajuću gradnju u Sarajevu, koja je i dan danas, svaki dan kada prođete ulicom i vidite 10 novih zgrada, ne znate kako ti ljudi imaju vodu, odakle crpe, da li je to naplaćeno, ko im je dao dozvole, imate drugi potpuno paralelni sistem, o čemu je premijer govorio i drugi zastupnici govorili vi imate paralelne vodovode u kantonu paralelne cijevi koje imaju određeni hoteli itd. S druge strane VIK kaže da je samo od nelegalnih potrošača naplatio 150.000 KM, odnosno 452 korisnika. Te pare su mogle biti uzete da su pokucano samo na jedna vrata, jednog privrednog dužnika. Ali na ta vrata se ne kuca. Zašto? Zato što se ovdje prave male afere i lomi se kičma malim ljudima da bi se veliki zaštitili. Zato što se ovdje skida a malim lopovima se skida glava. I to se događa u Sarajevu i građani Sarajeva, i oni su odgovorni za ovo stanje samo zbog sljedeće situacije samo zašto što su dopustili da se dogodi sve u Kantonu Sarajevo, dopustili su da se dogodi korupcija, korupcija pravosuđa, dakle jedna jedna potpuna bahatost sistema , popuna pljačkaška privatizacija, i na kraju su ostali i bez vode. I ne bune se. Što znači da je njima ovakvo stanje prihvatljivo. Ja ovdje nisam jutros vidio 10.000 ljudi pred ulicom niti sam neki dan na protestima vidio više od 20 ljudi. Ljudi nemaju vodu ali se očito sa tim mire. Kao i sa svim što su se pomirili u životu. I na raku, nisu samo to gubici. Građani Sarajeva nemaju samo gubitke da nemaju vodu koju plaćaju nego imaju gubitak da 13 godina ne mogu da koriste jeftinu struku zbog vode koju nemaju iza 10 sati navečer. To su ogromna finansijska sredstva koju ljudi gube iz svojih džepova zahvaljujući tome. Naravno, svi dosadašnji sistemi u VIK u Vladi bavili su se polaganje cijevi, cjevovoda, evo i premijer je rekao da se uopšte ne zna po kom planu se te cijevi mijenjaju da li je to uopšte potrebno dakle nema strateškog pristupa, i bojim se da ni ove nove mjere koje je Vlada predložila neće dovesti do rješenja problema jer mi mislim a je ovdje

kasno. Kredit EBRD-a očito neće biti operativan prije ako uopšte bude prije maja juna naredne godine dakle novca više za to nema, a od onog novca što ima mijenjanje cijevi se očito nije ispostavilo kao svrsishodno jer da jeste imali bi barem 1% gubitaka danas nego prije 10 godina ili 15 kada je to započeto. Hvala lijepo toliko od mene.

Predsjedateljica:

Hvala lijepo uvaženi zastupniče Halilović a sada uvaženi zastupnik Zvonko Marić izvolite.

Poslanik/zastupnik Zvonko Marić:

Zahvaljujem predsjedavajuća. Zaista je dosta toga rečeno i teško je sada nešto drugo kazati ali ja ću ipak pokušati na jedan svoj način da kažem šta mislim o ovom problemu. Mislim da ovaj parlament i Vlada imaju obaveze prema građanima ako ni zbog čega drugog inda zato što su mnogi iz ovih klupa ali i sa govornice obećavali da će biti riješeni problemi oko vodosnabdijevanja i mnogo toga da ne nabrajam čega sve. Nakon inspirativnih i mogu reći na momente dirljivih izlaganja premijera Konakovića i resornog ministra, dirljivih iz prostog razloga što smo čuli dosta iskrenosti o stanju koje nam govori da u VIK nije ništa normalno, već godinama. Pošto sam ja logičar a mislim da nisam jedini naravno, u kantonu ima takvih koliko hoćete, mogu da logiciram dakle, da ako ništa nije normalno u VIK-u onda nije po toj logici ni normalan ni ovaj parlament ni Vlada koji podržavaju to što se dešava u JP VIK. Moram da kažem da sam razočaran svim ovim naravno jer mi je po prvi put da sam u mandatu zastupnika ali kakvi smo mi zastupnici ako nismo u stanju da govorimo da prepoznamo sve ono što se dešava u ovome društvu, a dešava se mnogo lošega. Dakle, ja moram kazati da mi kao predstavnici građana moramo govoriti o onome što nas je dovelo do ovog stanja u kakvom se nalazimo, do totalne propasti. Ne samo VIK-a nego kompletno gledajući u društvu. Ko je kriv za ovu agoniju. Ima li nekog ko je kriv ovdje. Neću da se osvrćem naravno na argumentaciju kako su svi to slušamo već iz sjednice u sjednicu, kako su krivi prethodni menadžeri itd. Menadžment itd. Ali evo jedno malo pitanje. Kako je moguće da ti menadžmenti koji su naslijedili kriminal korupciju, i sve ono negativno što se dešavalo u tom preduzeću nisu podnijeli krivične prijave. I tako sebe oslobodili od odgovornosti. Da li je to solidarnost njihova sa kriminalom i korupcijom, i nastavljanje, kontinuitet kriminala i korupcije. Moram da kažem da mi ne smijemo više ni kao parlament da toleriramo i da pristajemo i da budemo taoci politike licemjerstva i laži koje nam se uporno serviraju i preko medija a i ovoj Sali. Danas je vrijeme došlo da kažem o tome više ne. Mi više ne želimo da pristajemo na takvu vrstu politike. Evo pitanje je da li rješenje s obzirom na ono što su kolege u prethodnim izlaganjima govorile da prepustimo stranci koja upravlja stoprocentno tim preduzećem jer SBB nije imao nikoga tamo, u upravljačkim strukturama, koliko vidim ni druge stranke se ograđuju, da li je odgovor na to da napustimo ovu sjednicu, naravno da nije. Ali je odgovor u tome da još jednom javno upozorimo da nemate više pravo na greške

bezbroy puta činili u prošlosti. To je ključ svega. Da li da prepustimo i kažemo da sada amnestiramo sebe od odgovornosti jer nemamo nikakve vrste uplitanja u sve to i kada smo pokušavali da kritiziramo to stanje i koliko puta sam postavljao zastupnička pitanja nikada nisam dobio odgovore i vezano za one pored ostalih koje je nabrojao premijer Konaković i resorni ministar Hasanspahić, kradljivce vode, nelegalne priključke, 20.000 zamislite to. To je poražavajući podatak, zamislite podatak 978 ili ne znam kako je već rekao premijer 987, moguće da je permutacija registriranih lokacija na kojima curi voda, odlazi u nepovrat. Zar nisu to poražavajući podaci i alarmantno stanje. Naravno, rekao sam već u prethodnom izlaganju da moramo istini pogledati u oči i zato govorim, direktor koliko god tvrdio da mu ovdje nije dozvoljeno da govori on nije trebao da odustane od toga i da nađe načina, a bilo je načina i da se danas pojavi da čujemo i njegova argumentacija. Znam, nije mu lako danas. Nije mu lako ni danas, nije lako ni premijeru Konakoviću, nije lako ni Hasanspahiću, ali zar ne moramo barem jednom reći stop licemjerstvu i lažima kojima smo stalno izloženi. Ova pitanja se moraju rješavati. Ugrožava se i zdravlje i život ljudi. Znae kada slušate izvještaje pojedinih medija kada slušate izjave dužnosnika, ponekad steknem dojam da živimo na Marsu. Ima uvjeta za život ali nema života. Ne znam dokle će ova agonija da traje, pitanje je. Premijer Konaković je jako dobro rekao stvorili su na posljednjoj sjednici koja je održana čini mi se 30.07. pretpostavke za ono što je tražio i smijenjen je rukovodne strukture, odnosno Skupština poduzeća na istoj je imenovana druga da bi se istovremeno na toj sjednici mijenjali jedan član ili odredba u kojoj je premijer Konaković govorio. I kolega Halilović rekao da je to krivično djelo. Znači to je sistemsko urušavanje jednog sistema koje je od vitalnog značaja za građane, naravno, mogao bih još štošta da kažem ali nećemo da sipamo sol na ranu nikome, ali ničim niti ja a koliko znam ni kolege iz SBB-a nisu to činile nego su davale podršku svakoj razumnoj ideji. Svakom zakonu. Svakoj inicijativi čak i po cijenu da budu kritikovani zbog toga. Da budu izloženi kritici. Da li je to bilo pragmatično, podržavati nešto sa čim se ljudi ne slažu, ja mislim da se to nije desilo nikad iako znamo da donošeni takvi zakoni nakon kojih se ukazala potreba da izmjene i dopune se vrše u veoma kratkom remenu. Dakle, i zato vas molim da se prekine sa politikom obmana i licemjerstva barem danas i da ovaj parlament smogne barem toliko demokratske snage i kaže građanima istinu. Mi ne smijemo biti okrenuti od onoga i živjeti na taj način od noga u šta smo dovedeni, a to je propast. I od onoga koje je stiglo sve nas, upravo. Evo u ovom trenutku recimo nema vode u ulicama, a nema već duže vremena skoro tri mjeseca u Zabrdju, u Ulici Porodice Dizdarević. Ali se vodomjeri okreću. Nemate na Otoci, isto tako nemaju ljudi vode dobijaju 11 kubika da plate, vodomjeri rade, vrši se naplata, kako rekoše 90% je naplativosti računa za vodu ali za šta* zbog toga što zrak vrti vodomjer koji pokazuje potrošnju vode. Jesmo li pošteni prema tim ljudima koji su bolesni koji vape, itd. Nemamo mi nikakav problem, mi poštujemo izbornu volju, ta stranka je dobila, ima pravo da upravlja tim Preduzećem ali nije u redu, ne želimo zbog korektnosti da bježimo od odgovornosti ako ništa imamo taj osjećaj odgovornosti što nismo spriječili, barem tako razmišljam evo kada

govorimo o krivcima „nerazumljivo“ ove politike. Koja je doživljena upravo u VIK. Mi kao parlamentarci dakle nemamo više pravo da zatvaramo oči pred ovim svim što se dešava, i iz korektnosti neću da govorim o onome o čemu su mediji već pisali, sumnjivim poslovima koji se tamo dešavaju, sumnjivim ciframa, pa i svako iole informiraniji. Hvala vam. U redu.

Predsjedateljica:

Sljedeća je uvažena zastupnica Segmedina Srna Bajramović. Izvolite.

Poslanik/zastupnik Segmedina Srna Bajramović:

Hvala predsjedavajuća još jednom. Pa evo ne znam već ponekad mislim da je sve već ispričano, no, danas zato ovdje. Često se kaže da je voda izvor života i to dobro zvuči. A u Kantonu Sarajevo voda je izvor kriminala, korupcije, nepotizma, partokratije, sinonim za lažna obećanja, obmane i dakle nakon lošeg, višedecenijskog upravljanja vodosnabdijevanjem Kantona Sarajevo mi zastupnice i zastupnici u Skupštini Kantona Sarajevo stavljeni smo pred težak zadatak; kako jednom hitnom sjednicom uputiti lažnu poruku građanima Sarajeva da će stanje sa redukcijama vode naglo se poboljšati. Jednom sjednicom dakle treba sakriti višegodišnja lažna obećanja, propale projekte, uzalud potrošene pare. Kako kao zastupnica stati iza premijerovih obećanja datih u Ekspozeu potom obećanja tokom godina mandata, a zadnje obećanje, naredno ljeto ćemo biti bez redukcija ili bez premijera, govori koliko se ustvari vladajući identifikuju sa određenim funkcijama. Kanton Sarajevo nikad shodno svojim propisima neće ostati bez funkcije premijera ali može ostati bez vladajuće stranke ili gdina Konakovića. Krenimo redom: premijer u svom ekspozeu na početku mandata kaže da je jedan od prioritarnijih kapitalnih projekata rekonstrukcija vodovodne i kanalizacione mreže. Koliko je bio prioritetan i koliko kapitalan odgovor najbolje znaju građani Sarajeva. 27.04.2016 godine Konaković kao premijer da izjavu medijima, citiram: „nemoguće je očekivati da redukcija ne bude u ovoj godini, a iz plana ko ji smo nedavno predstavili koji podrazumijeva pet zahvata i investiranja 4 miliona KM jasno je da mi možemo smanjiti te noćne redukcije na dva ili tri sata. Izdvojili smo 2 miliona Km za detekciju stanja a sa aranžmanom sa EBRD-om i prvom tranšom od 10 miliona mi ćemo biti u mogućnosti rasporediti nekoliko ekipa koje će danonoćno raditi na sanaciji mreže“. Zatvaram citat. Na današnji dan jasno je i nama i građanima da ne možete smanjiti noćne redukcije, ali je također jasno da sada imamo i one dnevne. Koliko Vlada Kantona Sarajevo na čelu s premijerom Konakovićem luta u rješavanju ovog problema, govori da Vlada Kantona Sarajevo u problemu vodosnabdijevanja nema jasnu sliku problema. Nema ni jednu studiju. Pa su prošle godine utrošili 3,6 miliona KM; a budući da nema studija nisu sigurni da li su ih na pravo mjesto investirali i riješili najvažnije kvarove na mreži, kako su to sami potvrdili na zadnjoj sjednici Skupštine Kantona. Premijer i njegova Vlada u nakani da se, opet citiram: „Na najbolji mogući način napravi najbolja detekcija i da svaka marka bude racionalno utrošena izdvaja 1,3 miliona KM za detekciju stanja vodovodne mreže prošle godine“. Kako sam premijer kaže,

citiram „, da bira dobar posao za Kanton“, kako onda objasniti angažovanje firme koja je kako reče premijer svima nama bila sumnjiva. I da opet citiram: „, njihovi potencijali nisu baš tako dobri“ jasno je vidljivo dakle da nije sve ni do menadžmenta i uprave, te da i potezi premijera i njegove Vlade baš ne ulijevaju povjerenje. Dakle, uvaženi premijeru, iako kako ste rekli i kako se svi slažemo problem vodosnabdijevanja treba izdići iznad bilo kakvih političkih konotacija, građani Sarajeva su žrtve unutarstranačke borbe razjedinjene vladajuće stranke. Vaš stranački pomladak kojem ste dali preveliku breme u vidu rješavanja višedecenijskog problema nije izdržao, a iluzorno je bilo to i očekivati. Vaše kadrovanje u VIK-u pokazalo se neuspješnim. Vi kažete danas imate nova rješenja. Kako da im vjerujemo da su ona prava, pri tome ne bježeći od činjenice da u 25 godina pogrešne politike i SDP ima svoj odgovornosti, koji je naravno proporcionalan učešću u vlasti. Ja zbog svega što sam rekla, smatram da ova sjednica nikako ne treba da bude arena u kojoj će se vidjeti pobjednik između dvije struje unutar vladajuće stranke i nikako ne treba gajiti iluzije o brzom rješenju jer njega nema. Očekivano je da će ovo biti početak rješavanja vodosnabdijevanja na temeljit, stručan način lišen svih elemenata partokratije. Izvolite.

/Predsjedateljica govori bez uključenog mikrofona./

Poslanik/zastupnik Segmedina Srna Bajramović:

Pa ja sam upravo kod dnevnog reda. Upravo sam kod dnevnog reda. Hvala vam. Dakle koliko se nije shvatila ozbiljno problematika vodosnabdijevanja svjedoči potezi prijašnjih godina koji se ogleda u primjeru da na 1200 KM vodovodne mreže u toku 10 godina i to sve tek u zadnje dvije, rekonstruisano je samo 23 km mreže. Najnoviji argument je izvještaj o stanju vodosnabdijevanja u Kantonu Sarajevo koji datira od 25 septembra, Vlada Kantona Sarajevo ga usvaja odmah sutradan a nama zastupnicima biva dostavljen dva dana prije sjednice, što je uistinu nipodaštavanje zastupnika i sprječavanje da se efikasno pripremimo za ovu sjednicu i temeljito pristupimo ovom problemu. Dakle umjesto da Skupština zajedno sa Vladom Kantona Sarajevo pokaže konačne rezultate do tada učimo moralnu lekciju od onih građana koji su sami počeli da se organizuju i saniraju kvarove za koje je JP VIK bilo zaduženo. Govorim o građanima Orahovog brijega u Vogošći što smo mogli vidjeti zadnjih dana. Puštanje novih bunara putem kojih bi se dobile dodatne količine u sistemu bez jasnih ispitivanja iz studija sa stanovišta struke su neprihvatljive, želja za ovim brzim rješenjima može dovesti u opasnost da ostanemo bez vode i na izvorištima u budućnosti. Mnogi bunari na izvorištu su planirani kao zamjenski, a ne kao glavni, i krajnju odluku o njihovoj upotrebi treba da daju stručnjaci a ne da brzo nestručno rješenje u sadašnjosti rezultira krahom u budućnosti. Također problem nelegalne potrošnje, krađa vode, to je nešto što treba da ima svoj epilog i u Tužilaštvu Kantona Sarajevo, dakle jer nije dovoljno samo ustvrditi činjenicu da čak i pojedini radnici VIK-a učestvuju u tome, potrebna je dakle i pravna akcija. Zašto ih ne otpustiti takve, ionako imamo

višak radnika, iako nekada od ovih verbalnih akrobacija, te zaključaka u kojima se angažuje CZ više nisam stvarno sigurna u tačnost podataka koji se iznose vezano za VIK. Dakle, bez studija, bez planova, bez potrebnih informacija, bez podataka o sistematizaciji rada, gotovo bez ičega, zastupnici danas treba da diskutuju i daju neka rješenja. Ipak se ponavljam to još jednom za ovu sjednicu trebalo ozbiljnije pripremiti. Dok je VIK što se tiče uložениh sredstava rupa bez dna, u Kantonu Sarajevo i zrak ima svoju cijenu, ali onaj u cijevima. Zrak građanima, a stotine hiljada maraka ne znamo kome. Toliko zahvaljujem.

Predsjedateljica:

Hvala lijepo uvažena zastupnice Segmedina Srna Bajramović a sada uvaženi zastupnik Akšamija Goran.

Poslanik/zastupnik Goran Akšamija:

Zahvaljujem uvažena predsjedavajuća, pozdravljam sve prisutne i gledaoce medija. Evo preko tri sata sjedimo u ovoj Skupštini i meni stvarno nije jasno šta smo cijelo vrijeme radili. Da li u ovom trenutku ide mimo nečeg konkretnog šta treba da uradimo ili ovdje se vrše neke političke promocije, u ovom trenutku ja mislim da svi zastupnici u ovoj Skupštini trebaju da budu jedna stranka, a to je stranka građana koja će se posvetiti trenutnom problemu, a to je rješavanje problema snabdijevanja vodom. Mi cijelo vrijeme pričamo ovdje nešto a ništa konkretno nismo realizovali, ništa nismo konkretno dogovorili u ovom trenutku treba da vidimo šta možemo da riješimo i kako to da poboljšamo. Evo mene zanima da li ima neko ovdje iz VIK-a koji može odgovoriti na neka pitanja. Evo ja konkretno hoću da kažem za problem dnevne redukcije vode. Došli smo u jednu situaciju koja je stvarno nepodnošljiva za građane Sarajeva pa i mene lično. Da li razmišljamo o interesu zaštite zdravlja stanovništva, jedan od indikatora zdravlja stanovništva po Svjetskoj zdravstvenoj organizaciji je dostupnost pitke i tekuće vode, pa mi smo došli na neki afrički model gdje faktički nemamo dostupnost vode 50% koja bi bila potrebna. Šta se dešava sa osnovnim higijensko epidemiološkim stanjem, odnosno da li možemo da zaštitimo zdravlje stanovništva. Mi nismo svjesni mnogih stvari u ovom trenutku, šta može biti posljedica ovoga. Od pojave epidemija, i drugih zaraznih bolesti pa evo imamo situaciju gdje faktički ukinuta imunizacija odnosno vakcinacija, da gledaoci bolje shvate, i samo trebamo okidačke mehanizme da se razvije jedna epidemija u gradu kao što je Sarajevo, što uopšte nije teško. Sljedeća stvar o kojoj trebamo diskutovati, to su znači ti higijensko epidemiološki uslovi, šta se dešava s ovim dnevnim redukcijama? Pa da li smo svjesni koliko imamo vaspitno obrazovnih ustanova u gradu gdje se nalaze mlada školska djeca koja ne mogu da operu ruku, koja ne mogu da odu normalno u toalet, koji ne mogu da operu svoju užinu ako su ponijeli nešto od voća? Pa dokle idemo ljudi moji. Hajmo sjesti ovdje konkretno da krenemo od tog prvog i osnovnog problema, to su ste dnevne redukcije, da li neko može odgovoriti na koji način i što prije riješiti. Šta se dešava s ugostiteljsko turističkim objektima? Da li se tamo može kontrolisati higijenska ispravnost i da

li može postojati u ovim uslovima. Pa hajmo ljudi moji stvarno da krenemo u nečemu. Sve ovo što je rečeno, sve što je govoreno, hajmo da vidimo koji mi to konkretan prijedlog, odnosno koji zaključak možemo donijeti da se ovo riješi. Da li se te dnevne redukcije za prvo vrijeme makar mogu ukinuti, pa da onda idemo u ove noćne. Mislim svjesni smo da je stvarno situacija alarmantna i podnošljiva i evo ja mislim, imat ćemo još da ne bih previše vremena uzimao diskusija iz Kluba samostalnih zastupnika ali hajmo stvarno, mislim i vi predsjedavajuća koja vodite ovu sjednicu da se posvetimo stvarnom problemu, da ne idemo mimo teme, da ne idemo mimo tog da kažemo predviđenog dnevnog reda, odnosno, pa da idemo s nečim konkretnim. Hvala.

Predsjedateljica:

Hvala lijepo uvaženi zastupniče Akšamija. Replika uvažena zastupnica Segmedina Srna. Izvolite.

Poslanik/zastupnik Segmedina Srna Bajramović:

Zapravo kolegi Akšamiji koji nas je podsjetio kako bi trebali danas biti konstruktivni konkretni. Ja ne znam zaista koji bi recept za konkretnost i konstruktivnost ako nemamo sve potrebne informacije, ako telefonom komuniciramo sa ministrima koji su zaduženi za elaborat i odluku, te informacije ćemo dobiti tokom sjednice, ako danas nemamo ovdje menadžment odnosno upravu VIK-a, ne znam šta bi bilo konkretno. Zahvaljujem.

Predsjedateljica:

Hvala lijepo. Još jedna replika uvaženi zastupnik Zvonko Marić.

Poslanik/zastupnik Zvonko Marić.

Zahvaljujem predsjedavajuća, vrlo kratko. Ja nikada nisam čuo da u svijetu postoje, ni u jednoj teoriji ni praksi da se može rješavati neki problemi a da se pri tom ne uđe u njihove uzroke. I ovo je prilika, i ovaj parlament to mora, napokon, zato i jeste hitna sjednica, posvećena samo jednog tački dnevnog reda, da prije svega uđemo u uzroke onako metodološki kako je i premijer Konaković ušao i rekao vidio sam te i te probleme, Hasanspahić je vido ove i ove, a mi također ove koje smo uočili kada imamo sve to na sonu, to je čista metodologija, onda se pristupa rješavanju tih problema. Mi smo neodgovorno društvo zato što smo spremni, sposobni za račun ne znam čega da prelazimo preko negativnih stvari i da ne ulazimo u uzroke problema. Kako ćemo riješiti probleme ako ne uđemo u njihove uzroke. Hvala vam. I mislim da niko nije izvan teme bio. Hvala.

Predsjedateljica:

Hvala lijepo uvaženi zastupniče Marić. Uvaženi zastupnik Predrag Kojović. Izvolite.

Poslanik/zastupnik Predrag Kojović:

Zahvaljujem predsjedavajuća. Pozdravljam sve pošto se prvi put javljam. Zahvaljujem se kolegi Pindži što je sazvao ovu sjednicu i kao što Segmedina reče, ja sam vrlo precizan u upotrebi riječi, kao što znate, i kao što Segmedina reče, čovjek ima osjećaj kao što sam mislio da će sve biti rečeno. Sada svi mislimo isto. Međutim, mi ovdje pričamo o problemu. Ne čujem se. Dobro evo ja ću sjesti. Mi ovdje pričamo i problemu vodosnabdijevanja javno vodosnabdijevanje, jedan ljudski izum koji recimo imamo prije otprilike 2000 godina Rimljani su implementirali ono što zovemo snabdijevanje, i pričamo o našoj dragoj zemlji, koja srećom je sedma zemlja u Europi po rezervama pitke vode. To je ono što smo na neki način dobili i što možemo biti sretni i zato ja odbijam da ovdje pričam o tehnološkim, tehničkim problemima u isporuci vode, po sistemu koji znači postoji 2000 godina i koji su drugi svi, znači niko se više ne bavi time u svijetu, naročito. Odbijam da pričam o tehnologiji. Tvrdim da je ovdje politički problem. Premijeru, 400.000 građana Kantona ovog grada kada je u pitanju voda su taoci klanovskih borbi u vašoj stranci. Ako postoji i jedna dosljednost u politici vaše stranke, onda je upravo to ovo politički kriminal i nestručnost. Također, indikativno da se niko iz vladajuće stranke još nije javio za riječ. Još niko se nije javio za riječ i ne mogu se oteti utisku da je ovaj tv skup sazvan kako bi premijer nastavio graditi svoju političku karijeru kritikujući stranku koja ga je imenovala za premijera Kantona Sarajevo. To je jedan novitet u političkom životu i specifično za BIH. S obzirom da su mjere koje se danas predlažu sve iz nadležnosti Vlade i resornog ministarstva ja uopšte ne razumijem zašto ste nas danas pozvali ovdje i kada ste nas pozvali zašto nam niste dali neke materijale nego ste nam ih dostavili 48 sati prije ove sjednice. Ne znam šta ste očekivali od nas, da postanemo eksperti za 48 sati, pa da mi vama ponudimo neka rješenja jer kada bi bila istina da je ova sjednica sazvana kako bi se pronašlo rješenje, onda bi premijer ovdje danas izašao, obavijestio nas da je resorni ministar podnio ostavku na svoje mjesto, da je u njegovoj ruci i da želi da nam to prezentira studija koja ukazuje gdje su problemi i zašto građani Sarajeva nemaju vode, i onda bi nam također prezentirao akcioni plan i budžetska sredstva koja su planirana zato iz neplaniranih budžetskih prihoda, jer kao što znamo da raste ubiranje indirektnih poreza na federalnog nivou, tako da sigurno postoji značajna neplanirani prihodi u budžetu Sarajeva. I mi bi smo danas objavili građanima Kantona Sarajevo kakva nas vrsta radova očekuje u nekoliko narednih par mjeseci i kada na koji dan će prestati redukcije u gradu Sarajevo. S obzirom da od toga ovdje nismo čuli, ja stvarno ne razumijem zašto mi ovdje diskutujemo. Jedinci cilj jeste da iskažemo frustriranost građana Kantona Sarajevo prema Vladi. Ali se u tome mi nadmećemo s Vladom jer Vlada se takmiči u tome, govori o tome kako su stranački ljudi zauzeli tu poziciju, zauzeli tu kompaniju, kako se bave kriminalom kako niko ništa ne radi. I od nas se traži stvarno, i tu ću završiti da povjerujemo kako bih rekao u jednu stvar, od nas se traži da povjerujemo da političke stranke nemaju ništa sa postavljanjem menadžmenta u javnim kompanijama i da zato ne mogu ništa odraditi i onda kada to navodno žele. Mislim ja bih volio da je to istina, ali mislim da i svako malo dijete u BIH zna da to već 25 godina nije istina. Hvala.

Predsjedateljica:

Hvala lijepo uvaženi zastupniče Kojović. Ja bih samo zamolila jednu kratku pauzu ako mogu članovi Klubova, predstavnici Klubova da se dogovorimo nešto.

NASTAVAK NAKON PAUZE

Predsjedateljica:

Uvažene kolege evo nastavljamo sa radom Hitne sjednice. Nadam se da ste se odmorili. Da ste spremni za nastavak. Poslije diskusije uvaženog kolege Predraga Kojovića, replika uvaženog zastupnika Mirze Čelika, izvolite.

Poslanik/zastupnik Mirza Čelik:

Zahvaljujem predsjedavajuća. Evo neću zaista niti imam namjeru da ovaj tok same diskusije usmjerim na to da neko nekome replicira, ali evo, jednostavno imam i potrebu da kažem da je vladajuća većina na čelu s premijerom i resornim ministrom, mi kažemo niko se ne javlja. Premijer i resorni ministar su dali svoje prijedloge mjera koje danas imamo ovdje kao materijal za nas. Niko od zastupnika nije pričao o nekim prijedlozima mjera koje danas treba da donesemo, ili da odbacimo, a evo ja nisam čuo još ni jednu mjeru da bi neko predložio. I evo kažem opet, u liku i djelu premijera SDA i zastupnici imaju zaista neku sinergiju i mi radimo zajednički. Ovim putem želim da kažem da zastupnici daju podršku premijeru i kompletnoj Vladi na njegov rad i naravno da ćemo sve podržati ono što Vlada predloži. Hvala.

Predsjedateljica:

Hvala lijepo uvaženi zastupniče Čelik. Za raspravu se javio uvaženi zastupnik Mario Vukasović. Izvolite.

Poslanik/zastupnik Mario Vukasović:

Zahvaljujem predsjedavajuća. Prije svega, s obzirom da se niste ni izvinuli a da ste kasnili sat vremena sa pauzom, da smo mi čekali ovdje u prostoriji gdje vi svi dođete, moram vas iskritikovati. Stvarno nije u redu da mi čekamo sat vremena a da neki dođu dva sata nakon pauze.

Predsjedateljica:

Hvala lijepo na kritici. Ja uglavnom čekam puno vas po sat vremena.

Poslanik/zastupnik Mario Vukasović:

Ja boga mi nikada ne kasnim sat vremena. Pet minuta maksimum. Zahvaljujem. Nastavljam sa svojom diskusijom. Ja ću se složiti sa kolegom Akšamijom da je ova sjednica poprilično se razvodnila. Ne vidim uopšte koja je ustvari svrha, zašto smo mi danas ovdje? Zaključci koje nam je Vlada predložila uopšte nisu

obavezujući ako ih mi usvojimo. Stoga nam nije jasno zašto ih mi usvajamo ako je Vlada ovo mogla sve ovo uraditi bez nas, bez da pravimo predstavu za javnost, i da ove sada ne znam glasamo ili ne glasamo o vladinim prijedlozima. Ja ću građanima Kantona Sarajevo pokušati najplastičnije objasniti i najjednostavnije u jednoj rečenici zašto mi imamo redukcije. Redukcije imamo kao što je kolega Kojović već rekao, čisto zbog interesnih struja koje se bore oko 50 miliona KM kredita. Sve ostalo je manji problem, a najviši problem je znači da se unutar preduzeća otkoči koja će interesna struktura dobiti taj novac. Da stvar bude gora, građani pored redukcija plaćaju i zrak iz pipa. Pa tako imamo veće račune što su nam veće redukcije, što smatram apsolutnim paradoksom. Vlada nije ni jednom spomenula taj problem koji je očit. Dalje, kada govorimo o nelegalnim potrošačima, o domaćinstvima koja su nelegalni potrošači rekli ste da ima skoro 20.000 nelegalnih priključaka. Ja vjerujem da od velikog broja tih priključaka da su to ljudi slabog imovinskog stanja koji ne bi jednostavno izdržali sada da im se prekine dovod vode ili da im se fakturiše itd. jer nećemo ništa dobiti time. Taj novac neće nikada biti izmiren. Smatram da se Ministarstvo socijale također moralo uključiti u rješavanje ovog problema, da se napravi jedna socijalna karta ovim nelegalnih potrošača da se vidi ko realno može izmirivati i izmiriti svoja dugovanja, ko realno ne može, pa da vidimo da konkretno riješimo taj problem, a ne da kažemo isključili smo i na taj način smo riješili problem. Vraćamo se opet i na studiju izvodljivosti. Studija izvodljivosti, ponavljam, je trebala biti napravljena prije nego što smo uopšte digli kredit ili pomislili da dignemo kredit jer otkud mi znamo da nam treba 50 miliona KM, možda nam treba 70, možda nam treba 30. 50 mi nekako djeluje kako da smo od oka digli kredit a nismo sigurni da ćemo riješiti problem. Krajem 70-tih godina prema informaciji koju ja imam u Kantonu Sarajevo je uloženo oko 400 miliona današnjih dolara kredita u rekonstrukciju mreže. I tada nije zamijenjena kompletna mreža, nego je izvršeno renoviranje mreže. Ja apsolutno sumnjam i skeptičan sam u odnosu na sva dosadašnja obećanja koja smo imali da ćemo sa ovim novcem na ovaj način mi riješiti problem a da nećemo samo potrošiti pare. Kada govorimo o alternativnim sredstvima. Ukoliko ne dođe, novac od EBRD-a premijer je govorio da se kapitalne investicije nije ništa čudno da se zadužuju krediti, ja se slažem da nije ništa čudno da se dižu krediti EBRD-a ili Svjetske banke, ali komercijalni krediti smatram da su apsolutno neprihvatljivi za ovakve stvari i da bi mi morali da kažem upregnuti sve sile, i naći u budžetu što je moguće više novca pa makar i prištediti u nekim drugim stvarima koji u ovom momentu nisu prioritetne. Vratit ću se opet za kraj na ono što sam govorio na početku, prijedlog mjera koje ste nam dostavili, smatram da nije trebao ići na skupštinu na glasanje, zato što, kao što sam rekao već, zaključci Skupštine nisu obavezujući, jer da su zaključci Skupštine obavezujući mi danas ne bi imali dva stambena fonda, imali bi niže školarine i još mnogo zaključaka koje smo mi ovdje donijeli a koje vi niste htjeli ispoštovati. Ovo meni izgleda samo kao prelijevanje odgovornosti. Sa ovom sjednicom se kasni dvije godine, i sada kada je problem eskalirao od nas se očekuje da svi preuzmemo zajedno odgovornost da donesemo skupa neke mjere sa kojima mi ne

trebamo, jer ovo je apsolutno nadležnost Vlade i samog preduzeća, stoga smatram da je namjera ove sjednice nije da iskreno riješimo problem, nego da svi kolektivno podijelimo odgovornost ovdje u Skupštini i da na taj način se malo amnestira i samo preduzeće i Vlada Kantona Sarajevo pred izbore iduće godine. Zahvaljujem.

Predsjedateljica:

Hvala lijepo uvaženi zastupniče Vukasović. A sada uvaženi zastupnik Mirsad Pindžo. Izvolite. Hoćete li govoriti u ime kluba?

Poslanik/zastupnik Mirsad Pindžo.

Nema potrebe kolege su govorile, ja govorim u svoje ime. Pa bit će dovoljno deset minuta, ima i druga diskusija ako ne bude dovoljno. Nisam mislio ali krenut ću od ovog zadnjeg što kolega Vukasović govori o namjerama. Prvo nisam znao da sam toliko moćan da mogu zakazati skupštinu i te insinuacije i hajde da ih nazovem drugačije, stvarno neću komentarisati jer nema smisla. Skupština, zaključci Skupštine su obavezujući za sve organe vlasti u Kantonu Sarajevo, i one koji vrše vlast u Kantonu Sarajevo, i na skupštinu. Tako da to namjere da prebacujemo odgovornost i da preuzimam odgovornost. Evo ja sam inicijator sazivanja ove sjednice i ako mislite da sam kamikaza da podijelim odgovornost sa SDA; SBB, BOSS i BPS-om koji čine vlast onda stvarno ne vidim da imate baš zdravu logiku. Ne pada mi na pamet da i sa kim dijelim odgovornost, ali isto tako licemjerno bi bilo i dalje gledati prepucavanja i u ovoj Skupštini i u medijima, a ne poduzeti ništa a narod nas birao i plaća nas da radimo za narod. Kada smo 31. razgovarali o izvještaju o stanju u VIK i njihovom finansijskom izvještaju i izvještaju o radu, i rekli šta smo rekli glasanjem, ali punu podršku premijeru na hitnoj sjednici da imenuje novu skupštinu preduzeća, v.d. znači da započnu neki drugi procesi, jer ih je Vlada detektovala kao problem. Da bi riješili problem vodosnabdijevanja u Kantonu Sarajevo. Poslije dva mjeseca poslije godišnjih odmora i svega fino smo se odmorili, poslije dva mjeseca stanje u vodosnabdijevanju ne da se nije ni malo popravilo, nego se pogoršalo. Moje je logično pitanje bilo šta se dešava. Pa radite li išta? Evo dali smo vam podršku, pa valjda je red da nas sada informišete šta ste uradili i šta imate namjeru uraditi a ne da sjedimo i čekamo pa ćemo opet na kraju godine pričati o izvještaju, odnosno naredne godine u junu, julu, i onda konstatovati da nismo ništa uradili. Namjera je bila da razgovaramo ni jedna sjednica niti ona 31. niti ova danas može se koristiti problem. Ali ozbiljnim radom, i vrlo preciznim jasnim zaključcima, nosiocima i izvršiocima možemo početi rješavati probleme. To je bila namjera i o tome toliko neću sa kolegama polemizirati jer niko se iz ovoga pogotovo oni koji vrše vlast ne može izvući jer su oni odgovorni. Što je logično. Opozicija je tu da predlaže, ja kada iz opozicije predložim, onda kaže hoću da podijelim teret sa vlašću ne pada mi na pamet. Ali isto tako mi ne pada napamet ni da sjedim ni da šutim što vlast ne radi kako treba. A to što se vi u vlasti između sebe izvlačite i prebacujete jedni na druge odgovornosti i izvlačite se to je već drugi problem. Ali hajmo na temu. Prijedlog

na Kolegiju je bio da se održi hitna sjednica i pitanje premijer koliko treba vremena Vladi da pripremi materijal, ali doslovno kratku analizu, koju su novi organi za dva mjeseca uvidjeli i prijedlog konkretnih mjera za rješenje problema. I onda su rekli treba im do ponedjeljka, utorka. Pitali su nas, koliko nama treba, vremena da pripremimo se. Mi smo kazali nama će biti dovoljna dva dana da razgovaramo o tome jer smo očekivali konkretne mjere, konkretni rezultati, da nema potrebe da odugovlačimo, a nazvali smo je hitnom samo zato što je nismo mogli drugačije nazvati po našem Poslovniku. I zaključak Kolegija jednoglasan. Sjednica vlade u ponedjeljak, materijal u utorak, sjednica Skupštine u četvrtak. Svi članovi Kolegija su ovdje, ako ne govorim istinu neka javno kažu. I tu je završena priča i tu je tačka. E šta imamo danas? Ono što nam je vlada ponudila. Osim ovih koje ja isto tako razumijem, svako sa svog aspekta, neko ličnog, nekada političkog, pokušava ovako ili onako populistički ili izvlačenje odgovornosti, nije bitno, šta smo mi dobili danas, nove informacije i nove prijedloge šta bi se to trebalo promijeniti. Redukcije režim redukcija ne zna niko u ovom gradu pa čini mi se ne znaju ni u VIK-u. Koji je režim redukcija, da li znaju koliko redukuju gdje, kada isključuju vodu i kome? To je očito od dnevnog nekog pritiska i od dnevne količine vode to rade, što je nedopustivo. Znači bar bi morali znati kada će se to raditi. Koji su dosadašnji efekti redukcija, jer ako to nešto radite onda bi morao biti efekat toga što radite? Kakvi su trendovi? Hoće li se redukcija nastaviti smanjiti, povećati ili idemo ka ukidanju redukcija. E to bi trebale da daju ove mjere koje je Vlada predložila. One su vladine mjere. E sada jesu li one dovoljne ili nisu, evo sada ću konkretno o tim mjerama. Ali je mene zaprepastila jedna činjenica i informacija koju sam danas dobio. Mi smo u 2016 u budžetu koji je i opozicija podržala koji je premijer na sva usta se hvalio kao jednoglasno usvojen budžet i tačno, predviđeno 2 miliona KM za studiju otklanjanja kvarova na vodovodnom sistemu u Kantonu Sarajevo. I sada je kraj septembra 2017 mi danas dobijemo informaciju da od te studije nema ništa, da je taj ugovor raskinut i da se ta studija neće ni raditi. A danas imamo zahtjeve dajte samo pare. Isto kao što smo imali 2014 dajte vi nama pare, dajte vi nama kredit, mi ćemo njih potrošiti. I onda je Vlada predložila da se otkaže kredit sa zaključkom da se odmah ide u realizaciju novog kredita i četiri godine smo građane Kantona Sarajevo zaslugom VIK-a i tadašnje vlasti maltretirali i imaju redukcije. I implementacija ni ovog kredita nije realna da bude prije naredne godine. A efekti, i procedure i procesi, naravno da neće biti preko noći i da svi problemi neće biti riješeni ni kada se utroši taj kredit. Ali kratkoročnim mjerama, i ono što mene posebno dvije stvari, jedna je na osnovu čega će sada Vlada trošiti pare kredita? Nema te studije. Znači ponovo smo u istoj situaciji kao i 2014. tada su rekli imamo projekte, da bi neki tamo drugi stručnjaci rekli pa ne treba to raditi, ovo o čemu je i premijer govorio, samo ćete baciti pare. Na osnovu čega ćemo sada utrošiti te pare? Evo vrlo brzo bi trebale biti operativne. Federalni parlament da završi, pa to je procedura dva tri mjeseca, neće u ovoj godini, to je sigurno, ali u narednoj godini bi trebalo da u proljeće se zakopa sa ovim parama, obzirom da procedure traju malo duže jer su međunarodni tenderi, znači realno bi bilo u najboljoj varijanti u martu mjesecu,

aprilu da se očekuju implementacija na terenu prvih tendera i prvih povučenih sredstava. Tada je bilo rečeno da će se potrošiti milion maraka, milion i nešto za penale što nisu pare povučene na vrijeme i jedan od razloga zašto se odbija kredit je bio taj. Naravno, da to nije bio razlog. Evo danas se pokazuje koliko je to bilo pogubno takva odluka jer evo pogledajte prvu mjeru Vlade 800.000 maraka, samo za zakup mašina koje koriste druga javna preduzeća. 800.000 KM i one neće dati nikakvog efekta, bar ne dugoročno. Kratkoročno možda i hoće i treba ih koristiti ali se postavlja onda drugo pitanje zašto nije nabavljena mehanizacija za VIK a ne za preduzeća kojima sad ne trebaju pa ćemo od njih povlačiti i plaćati im 250 KM sat korištenja te mašine. Ali to je već druga priča. Prva mjera Vlade ja ću sada komentarisati ovo što je predloženo ovdje što je napisano. Kaže radovi će se otklanjati u noćnim satima, kažu neki stručnjaci da to jednostavno nije moguće jer ne možete po noći ni vidjeti jeste li popravili ističe li ili ne ističe ali hajde to je struka i neću da ulazim u te. Da bi se radile ove hitne intervencije trebalo bi uraditi po prioritetima, rok 60 dana, rok bi trebao biti odmah pa onda u narednih 60 dana. Druga mjera, da se primi novih 34 uposlenika, formira 20 timova. Jel da se prime jer ovdje ne kaže, iil će se postojećim kadrom preraspoređenim u VIK to pokriti. Nije bitno sada treba li il ne treba, ja mislim da treba ali pitanje e da li se kroz ovo provlači novih 100 uposlenih da ih ubacimo tamo pa ćemo nešto raditi a ide izborna godina pa ćemo vidjeti koliko će efekata biti-

Zaključak broj tri bi trebao biti da je u fazi realizacije za tri pumpna agregata jer ovdje ima, šta je sa ostalih 14 jer 2016 u decembru raspisan tender za tri potpisana ugovora, ali ako ta tri agregata donose 50 litara u sekundi pa zašto onda ne kupimo i ovih 14 koji koštaju dodatnih 720.000 KM. Zar se i oni ne mogu kupiti ako je to takav efekat? Bar tako stoji u ovom materijalu koji je nama dostavljen. Zaključak broj četiri i sada ovdje dolazimo do nečega što ja smatram da bi bilo potrebno razdvojiti. Ja mislim da bi trebalo napraviti tri seta mjera. Jedne su hitne koje moraju da daju efekat danas i naredna dva mjeseca, tri mjeseca, šta je potrebno poduzeti, ko će to uraditi, s kojim sredstvima, koliko je to para. Drugi dio priče i zaključaka bi trebao ići na ovaj dio kada je u pitanju organizacija preduzeća VIK jer sistematizacija radnih mjesta se ne može uraditi za sedam dana i nije u istom nivou kao što je ovaj zaključak da se obezbjedi mehanizacija i oprema da se otklanjaju kvarovi ili ne znam da se formira novi centar za potrošače a postojeći ima. Jel to znači novouposleni ili samo reorganizacija da ljudi bolje poslože sa više telefona, više informacija, i korektniji prema građanima. Ja mislim da bi to trebalo razdvojiti na dva dijela, i treći dio su prijedlog dugoročnih mjera, šta to Vlada predlaže? Govoreno je danas od strane kolega i o strategiji upravljanja vodama, i o zaštiti izvorišta, i o onome o čemu stalno upozoravaju u VIK. Morat ću nastaviti u drugoj diskusiji. Zahvaljujem.

Predsjedateljica:

Nastavite, nastavite.

Poslanik/zastupnik Mirsad Pindžo:

Za tri četiri minute ću završiti, možete računati kao drugu diskusiju odmah.

Predsjedateljica:

Hajte drugu diskusiju onda.

Poslanik/zastupnik Mirsad Pindžo:

Nije problem. Da odmah nastavim kao drugu diskusiju. Aha, dobro.

Predsjedateljica;

Repliku ima uvaženi zastupnik Semir Halilović.

Poslanik/zastupnik Semir Halilović:

Hvala predsjedavajuća. Ja sam se poslije javio za diskusiju nadam se da neće iz sistema otići. Replika gđinu nezavisnom zastupnike. Gospodine nezavisni zastupniče vi ne morate dijeliti vlast sa BPS-om jer ne možete iz prostog razloga što BPS nije u ovoj Vladi Kantona, ni u ovom kantonu u vlasti kao što je to u kapacitetu SDA, SBB i BOSS. Od 1200 mjesta koja se dijele u Kantonu Sarajevo, i to je dobro da javnost čuje, BPS ima samo jedno ministarsko mjesto. Nemamo ni jednog člana UO nigdje. Molim? Nemamo ni jednog člana NO, nemamo ni jednog direktora, nemamo ni jednog direktora JP ni JU. Prema tome, kada fakturu upućujete, uputite je na pravu adresu. To je jedna stvar. A druga stvar, sve to što ste ispričali sada, koje mjere je trebalo, koliko agregata, to ste trebali napisati lijepo u prijedlogu zahtjeva za sjednicu koju ste tražili. Ali tu se zapravo otkriva vaša prava uloga da ste vi dio jednog dijela vlasti. Hvala lijepo.

Predsjedateljica:

Odgovor na repliku uvaženi zastupnik Mirsad Pindžo. Izvolite.

Poslanik/zastupnik Mirasad Pindžo:

Uvaženom kolegi Haliloviću samo da odgovorim da ne bih bio sa mnom vlast, da ga podsjetim samo da je bio u prethodnoj u prvoj godini mandata, ja sam bio član DF-a koja je sačinjavala vlast sa SDA i BPS-om. A to koliko je vlasti i ko je koliko uzeo vlasti, direktorskih i sve daljih pozicija nije uopšte bitno. Muharem Fišo je ministar iz BPS-a. Dalja raspodjela plijena apsolutno ne bi o tome i u prethodnom mandatu, dva ministra iz BPS-a. Prema tome, BPS je uvijek vlast a uvijek pokušava biti opozicija, toj posebnoj vlasti. Mene apsolutno ne zanima, budite im opozicija i žestoka i ja to volim, ali nemojte to.

Predsjedateljica:

Hajmo molim vas da prestanemo sa ovom vrstom komuniciranja, da se držimo teme naše današnje sjednice. Neću to dozvoliti. Imate pravo ali vas molim da se stvarno dostojanstveno ponašate u skladu sa onim šta predstavljamo. Izvolite gospodine Pindžo. Jeste li završili vaš odgovor na repliku? Dobro, oprostite na mom prekidanju. Gospodin Semir Haliović, druga replika i zadnja.

Poslanik/zastupnik Semir Halilović:

Hvala vam. Tačno ja sam sa vama bio jednu godinu dana vlast, dok vi niste ponovo promijenili stranku. Tako je to prestalo vjerovatno negdje po drugi put. A što se tiče vlasti, vi ste dobro rekli, Muharem Fišo je ministar, jedini ministar, jedini čovjek na funkciji iz BPS-a u cijeloj Vladi u cijeloj strukturi Kantona Sarajevo i najbolji ministar u ovom kantonu Sarajevo. Hvala lijepo.

Predsjedateljica:

Hvala lijepo. Odgovor na repliku gđinu Haliloviću.

Poslanik/zastupnik Mirsad Pindžo:

Tačno je gospodine Haliloviću ja promijenio stranku i vlast napustio. A vi ipak vlast niste napustili draga vam je. Hvala.

Predsjedateljica:

Hvala lijepo. Imamo repliku. Uvaženi zastupnik Vukasović.

Poslanik/zastupnik Mario Vukasović:

Zahvaljujem predsjedavajuća. Malo smo se sada razvodnili ali ja bih sada htio da kažem kolega Pindžo je spomenuo, ja sam imao pogrešno izrazio njegova namjera je razumijem bila apsolutno iskrena, ali način na koji je pripremljena sama sjednica i materijali koji su nam dostavljeni je ono na šta se odnosila ova rasprava. Zahvaljujem.

Predsjedateljica:

Hvala lijepo. Za raspravu se javio uvaženi zastupnik Edin Forto. Izvolite.

Poslanik/zastupnik Edin Forto:

Zahvaljujem. Volio bih da stojim ali nova tehnologija nam to ne dozvoljava. Htio bih reći nekoliko stvari, nemojte me pogrešno shvatiti, neću skrenuti s teme. Postoji jedan trend u obnašanju vlasti ove Vlade, koja se uporno fokusira na gašenje požara umjesto da se fokusira na uzorke požara. Pa tako kada govorimo o visokom obrazovanju, govorimo samo i rasprava se sva vodi o upravljanju UNSA, kao da je to jedina visokoškolska institucija. Pa tako kada govorimo o javnom prijevozu mi u suštini sve svodimo na raspravu o Grasu. Isto tako ova Vlada kada govori o vodosnabdijevanju svu vatru i sav svoj gnijev zbog svojih neuspjeha svaljuje na VIK koja je jedna od firmi. Dakle, kada je gospodin kolega Marić pokušao objasniti i ovdje se potpuno s njim slažem da već par godina on je tražio a i ja sam tražio da se ispuni želja Opštinskog vijeća Ilidža da se napravi tematska sjednica ili vanredna, kako god da je nazovete o vodosnabdijevanju. Vodosnabdijevanje nije samo pet ljudi koji upravljaju VIK-om, vodosnabdijevanja su izvorišta, zaštita tih izvorišta, ogromna sredstva koja su potrebna da se ta izvorišta zaštite, veliki problem lokalne zajednice na Ilidži, gdje se 90% naše

vodozaštitne zone nalazi veliki problem sa urbanizmom, sa nelegalnom gradnjom iz svega toga, također jedan samo dio je upravljanje jednom firmom koja je VIK. Znači to je trebala biti naša sjednica i trebali smo ovdje imati eksperte, ljude iz struke ko ji će dati nezavisno mišljenje. Umjesto toga mi ovdje imamo iste ljude, isti premijer, isti ministar, i svi mi zajedno koji ovdje iz mjeseca u mjesec govorimo svoje stavove koji se očigledno nisu mnogo promijenili. Šta ćemo mi novo naučiti danas? Ništa. Evo slušamo sami sebe. Što se tiče rješenja problema koji je ova Vlada nazvala, zove se VIK kao firma, to je jedna firma koju možemo lako popraviti i jedini način da se ona popravi isti odgovor kao i da se popravi cijela naša država i sve ovo što smo do sada pomenuli. Znači struka. Odsustvo struke. Ova Vlada je imenovala ljude koji nisu dovoljno stručni. Onda su se pokajali i sada imamo ovo što imamo. Želim vas podsjetiti na prošlu sjednicu Skupštine redovnu na kojoj smo govorili o 45 mjera koje prinudni upravnik kojeg je imenovala Vlada i ministar saobraćaja imao za Gras. Od tih 45 mjera, to sam rekao tada, a sada isto to ću ponoviti, znači potpuno prikladna analogija. Od tih 45 mjera nakon 2,5 godine mandata, preko 30 je ministar morao uraditi prvi dan svog mandata. Prvi dan. A oni dolaze nama nakon 2,5 godine i kažu ovo je 45 mjera za Gras. Pa nam tako objašnjava nakon 2,5 godine upravljanja tim sektorom da neka firma iz Banja Luke ne bi više trebala raditi marketing za Gras. To je jedna kao od mjera. To je priznajte, to je malo nelogično. Isto tako danas, mi među ovim mjerama, imate recimo u mjeri broj 4, gdje se spominje citiram, novonastala situacija, kakva novonastala situacija? Mi imamo 13 godina redukcije. O kakvoj novonastaloj situaciji mi pričamo? Jedna od mjera kaže, hajde da kupimo, Vlada i ministar zakonodavnom tijelu predlažu hajde da kupimo pumpne agregate. Znači pumpe i agregate i za to ćemo izdvojiti 280.000 KM. Pa zašto mi da donosimo odluku da se kupuju nekakvi agregati pa to je stvar struke i upravljanja. Kakve to veze ima s nama. Dovedeni smo u apsurdnu situaciju da radimo mikro-menadžment u firmama gdje imamo imenovanog i nadležnog ministra, imamo cijelu ovu Vladu sve ove godine. Potpuno smo danas promašili temu. Neki od zastupnika Mehmedagić, Šućur i još neki, moja kolegica Ćudić govorili smo o malo široj stvari koja se ovdje dešava a ne sada da mi dižemo ruke da li treba kupiti agregat ko ji je 30 godina star. Pa kupite agregat, šta ja imam s tim? Ja kao građanin želim da imam vodu 24 sata. Ova Vlada, ovaj premijer, i ovaj nadležni ministar su nama obećali na prvoj sjednici kada su imenovani obećali ukidanje redukcija. Redukcije se nisu ukinule nego su se proširile. Ispunite obećanje, dajte nam vodu i prestanite nas zamarati sa ovakvim stvarima. Umorni smo u raspravi o tome treba li zamijeniti neki dio koji je 30 godina star. Ništa mi nemamo s tim. Danas smo ovdje imali dva priznanja, jedno priznanje je da nemamo strategiju za upravljanje vodama, što je korak broj 1. drugo priznanje je da nemamo studiju koja će pokazati tačno, to vam je kao dijagnoza pacijenta. Mi ćemo sada otvarati, zamislite dođe vam pacijent i kaže boli me glava, a vi dajte da otvorimo srce, da otvorimo glavu. Znači prvo se dijagnoza mora uspostaviti prije nego što počnete kopati. Ova Vlada želi da kopa a nema ni dijagnozu i to smo danas saznali da studija koja je sve vrijeme budžeti na milion i po maraka, sve vrijeme se govori o

tih milion i po maraka da je to budžetska sredstva za VIK koja nisu realizirana. I mi danas to saznajemo, da će ona biti možda nekad realizirana. Nemamo studiju, nemamo strategiju, ali eto, dajte da raspravljamo treba li zamijeniti agregat star 30 godina. Ovo je stvarno cirkus. Nemojte nas ovim više zamarati. Dajte nam vodu i onda ćemo imati puno bolju situaciju. Hvala.

Predsjedateljica:

Hvala lijepo uvaženi zastupniče Forto. Za diskusiju se javila uvažene zastupnica Neira Dizdarević, izvolite.

Poslanik/zastupnik Neira Dizdarević:

Hvala uvažena predsjedavajuća. Pa s obzirom da su moji prethodnici naveli veliki broj problema, ja ću se truditi zaista da se ne ponavljam, odnosno ja ću se recimo kratko samo osvrnuti na mjeru broj 8, dio koji se odnosi na kupovinu dodatne vode sa Peračkog vrela. S obzirom da je ova mjera usko povezana sa zastupničkim inicijativama koje sam pokretala već treću godinu, od samog početka mandata za rješavanje statusa preduzeća Bags energetika u Vogošći, koje je 66% u vlasništvu Vlade Kantona a ostalih oko 33% dakle su u pitanju sitni dioničari. S obzirom da se koristi, već se kupuje nekih 60 do 80 litara u sekundi izvora vode sa ovog vrela, kako vidimo planom ovih aktivnosti Vlada planira da poveća i kupuje dodatnih 40 litara, međutim tu imamo zaista jednu situaciju gdje dakle, vladino preduzeće kupuje vodu od preduzeća koje je opet 66% vlasništvo Vlade Kantona. S obzirom da sam zadnji odgovor od resornog ministra dobila u decembru prošle godine, kada sam po drugi put inicirala pitanje, tu je stajalo dakle, evo ja mogu i citirati, Ministarstvo pokrenulo aktivnosti koje se odnose na rješavanje pitanja kapitala društva, odnosno planira se izvršiti kupovina manjinskog dijela kapitala, onih 33%, odnosno da se preduzeće pripoji jednim dijelom Toplanama Sarajevo, jednim dijelom VIK-u. Ja sada zaista ne mogu da shvatim činjenicu da nam se više isplati ulagati kupovati vodu, pored onih dodatnih injekcija, otprilike oko 400.000 koje prebacujemo svake zime za grejnu sezonu Bags energotehnici, umjesto da već jednom izvršimo analizu, da stručni ljudi kažu koja je to realna cijena dionice i da se ponude te dionice na otkup manjinskim dioničarima i da jednom riješimo pitanje ovog preduzeća, a ne da tamo imamo jednu onako lijepo ušuškano upravu i još jedan NO, koji tako eto rade kao posebno tijelo iako su 66% u našem vlasništvu. Toliko hvala.

Predsjedateljica;;

Hvala lijepo uvažena zastupnice Dizdarević. Sljedeća se za raspravu javila uvažena zastupnica Bibija Kerla.

Poslanik/zastupnik Bibija Kerla:

Hvala lijepa. Pa ja želim da samo prije svega kažem da ova sjednica ipak ne vjerujem da će donijeti današnje zaključke jer fali jedna glavna mjera koja je trebala da bude uvedena u ove mjere. Od mogućih deset da bude 11, odnosno da

bude prva mjera, a to je odgovornost svih onih koji su doveli do ove situacije da građani Sarajeva nemaju vode. Znači odgovornost resornog ministra, Vlade, pa i samog premijera, i kompletnog rukovodstva VIK-a. Ja sam unazad ja mislim četiri, pet sjednica predlagala jedan vrlo dobar zaključak ko ji se možda učinio smiješan nekim ljudima, ja ga sada ponavljam, znači indirektni i direktni porezi u opštinama mogu riješiti kompletno stanje vodosnabdijevanja u Kantonu Sarajevo. Imamo Ilijaš, imamo Ilidžu, imamo Hadžiće gdje imaju posebni vodovodi i mi tamo nemamo ljudi koji, ustvari ima ali nema ih toliko da kažu koliko je od toga meni. Ovdje u Kantonu Sarajevo, postoje ljudi koji kažu koliko je od toga moje. Znači dajte da riješimo problem tih ljudi koji traže koliko meni pripada od svega toga. I mislim da će vrlo brzo biti riješen problem. Opština Centar je prošle godine prebacila od prošle godine za ovu godinu prebacila 20 miliona KM neutrošenih sredstava. A toliko problema sa vodosnabdijevanjem u opštini Centar. Opština Novo Sarajevo ne zna kud će s parama, oni sad predlažu da udaraju neke mermerne ploče ispred svoje opštine, da bi potrošili neke pare, a mi hoćemo neki kredit s vana. Pa zašto ljudi, pa pare imamo u Bosni samo ih treba rasporediti onako kako treba i ja ne vidim da se zaključci Skupštine uopšte realizuju. Mi smo koliko ja znam, DF je ukinuo savjetnike za kompletnu skupštinu, i za Vladu Skupštine. Međutim, ja koliko čujem, mi imamo sada 30 savjetnika u Skupštini Kantona. I upravo zato ne vjerujem da će i ovi zaključci ukoliko se b udu donosili biti sprovedeni. Hvala lijepo.

Predsjedateljica:

Hvala lijepo uvažena zastupnice Kerla. Za raspravu se javio uvaženi zastupnik Rasim Lakota.

Poslanik/zastupnik Rasim Lakota:

Zahvaljujem predsjedavajuća. Pozdravljam sve prisutne u Sali, kao i gledaoce pored malih tv ekrana. Ja bih se na početku osvrnuo na uvodno izlaganje resornog ministra gđina Hasanspahića i njegovom izvještaju bih pročitao jedan pasus, on nama nije ovdje pročitao kroz današnje diskusije o ovome su uglavnom rekli sve zastupnici u ovoj Skupštini. Gospodin Hasanspahić kaže: zatečeno stanje u KJKP VIK d.o.o Sarajevo je najblaže rečeno teško i složeno. Vodosnabdijevanje Kantona Sarajevo je dugogodišnji problem. A ugroženo je iz više razloga, potreba za novim izvorištima, veliki gubici vode u sistemu zbog starosti i dotrajalosti mreže, nagomilani dugovi od strane građana prema preduzeću. Loša naplata usluga, pumpni agregati koji su stari i koji su na izdisaju, veliki broj bespravnih priključaka, loša tarifna politika, sistematizacija neprilagođena stvarnim potrebama preduzeća, značajan broj nelegalnih priključaka, prazna skladišta repromaterijala i vrlo malo ispravne mehanizacije kao i druge opreme koja je neophodna za obavljanje redovnih aktivnosti i niz drugih problema koji su doveli da ovo preduzeće posluje dugi niz godina negativno. Ja samo postavljam pitanje resornom ministru da je ovo odlično posloženo stanje koje svi građani u Kantonu Sarajevo odlično poznaju, a moje pitanje je šta se uradilo i koji su to koraci i

mjere poduzeti da se ovo stanje u ovom preduzeću da ne bude ovako. Imam osjećaj da se nije uradilo ništa. Zato postoji odgovornost. Ta odgovornost treba ovdje i pred građanima Kantona Sarajevo da se poduzme. Da se prizna i da se kaže, nismo ništa uradili. Građani su postali taoci neodgovornog upravljanja ovim preduzećem. I to naprosto mora da prestane. Zatim, broj stanovnika se povećava kroz doseljavanje iz dana u dan. S druge strane doseljavanje stanovništva ne prati izgradnja adekvatne prateće infrastrukture, koja bi trebala biti u skladu sa povećanjem broja stanovnika. Postavljam pitanje, da li preduzeće. Odnosno menadžment, da li resorno ministarstvo, da li Vlada, ima rješenje za taj problem i strategiju razloga. Očito nema. Veliki gubici nestaju ilegalnim priključcima u kojima po informacijama građana sa terena aktivno učestvuju u zaposlenici VIK-a na način da oni sami ilegalno priključuju potrošače na vodovodnu mrežu, pri tom naplaćuju tu uslugu u kešu bez ikakvog fiskalnog računa. Gospodo, ovo je 21. vijek, pa zar je to moguće. Na kraju mjeseca taj potrošač uredno dobije račun uz vodu uz minimalnu kaznu da je ilegalno priključen. Dakle sami uposlenici u VIK-u učestvuju u takvim kriminalnim radnjama. To je nedopustivo. Treba o svemu tome obavijestiti nadležno Kantonalno Tužilaštvo. Postavljam pitanje gdje je novac od takvog ilegalnog priključka i šta je s menadžment i resorno ministarstvo uradilo na rješavanju i sankcionisanju ovog problema? Nemoguće je da se nije znalo za ovu pojavu kada je to masovna pojava, pogotovo u ruralnim dijelovima grada. Broj prijavljenih kvarova se mijenja iz dana u dan. Npr. 09.11.2016.godine u 12,00 sati bilo je prijavljeno 873 nepopravljena kvara. Ovako veliki broj prijavljenih a ne popravljenih kvarova posljedica je činjenice da preduzeće pravda da nema dovoljno ispravne mehanizacije. To jest radnika na otklanjanju kvarova. Na 31.12.2016 godine u preduzeću je bio uposlen 881 radnik. Na isti dan prethodne godine taj se broj povećao otprilike na 898 zaposlenih. Kako je moguće da se broj povećava a da nema ko da otklanja kvarove? Prosječna neto plaća u 2016 iznosila je 1150 KM i veća za 3% nego što je bila u 2015 godini a gubici se gomilaju. Na osnovu ovoga se može zaključiti da su radnici i te kako motivirani, stimulisani ali da nešto drugo ne funkcioniše. Zbog neodgovornosti, nedostatka sistemskog rješavanja vodosnabdijevanja te velikih gubitaka vode u mreži, dovelo je do velikih problema vodosnabdijevanja svih potrošača u Kantonu Sarajevo. Zbog toga sadašnji menadžment ne bi smio imati našu dalju podršku i povjerenje. Ovaj problem se usložnio godinama a sada je dostigao svoj vrhunac jer su potrošena značajna sredstva i vrijeme za njegovo rješavanje. Zato podhitno treba izvršiti smjenu aktuelne uprave preduzeća i dati šansu nekom novom rukovodstvu koje je bilo sastavljeno od iskusnih dokazanih stručnjaka koji bi u što kraćem vremenu ovaj problem riješio, jer to građani od nas traže. Jasno je da se rješenje ne može naći preko noći ali stanje se ubrzo može poboljšati ako se u VIK počne ulagati redovno i namjenski. Upravo Vlada i Skupština imaju sve instrumente; finansijske, pravne i institucionalne da usmjere sarajevski vodovod ka oporavku i da nam svima osiguraju redovno snabdijevanje kvalitetnom pitkom vodom, po pristupačnoj cijeni. Na to svi građani Kantona Sarajevo imaju pravo jer voda je naše društveno dobro. I na kraju. Želio bih da pozdravim ono o čemu je premijer

Konaković govorio i sve njegove aktivnosti i hrabrost koju je pokazao jer se uhvatio u koštac sa jednom opasnom ekipom ljudi koji su očito zarobili ovaj VIK a možda i dio našeg Sarajevskog Kantona. I imam jedno pitanje, da li novi menadžment ako, a vidim po najava da će biti promjene, da li će ista politička linija, struja, ili općinska organizacija predložiti novog direktora, ili će to premijer kako je sam ovdje svima nama rekao, tu ulogu preuzeti on i postaviti eksperta ili nekog ko može ovo stanje dovesti u normalu i tako bi građani Kantona Sarajevo osjetili boljitak nakon ovog o čemu smo danas pričali. Ja razmišljajući o ovim predloženim mjerama namjerno nisam htio govoriti o njima, dobro sam ih iščitao i vidio sam da su to mjere koje spadaju u redovne poslove i zadatke i aktuelnog menadžmenta i preduzeća i ministarstva, tako da ne vidim ništa spektakularno što ćemo mi danas raspravljati o ovim mjerama jer one predstavljaju redovne rade obaveze, a saosjećajući se sa svim građanima Kantona Sarajevo mi ćemo podržati ove mjere kako bi građani dobili priliku da imaju šansu da u skorije vrijeme stanje u VIK-u bude na boljem nivou. Hvala.

Predsjedateljica:

Hvala lijepo uvaženi zastupniče Lakota. Za raspravu se javio uvaženi zastupnik Rasim Smajić.

Dobro ja bih vas samo molila da se malo uozbiljite da se ne igrate sa ovim spravicama. Uvaženi zastupnik Fikret Prevljak. Izvolite.

Poslanik/zastupnik Fikret Prevljak:

Zahvaljujem predsjedavajuća. Želim sve da vas poselimim i da vas pozdravim. Što se tiče VIK-a i oko ove redukcije, ja koliko se dobro sjećam redukcija je boga mi i prije rata bila. A znamo šta je se desilo tokom rata i poslije rata, šta je sve uništeno i urađeno. No međutim, i Ilidža je također pogođena redukcijom. I danas je stanje kod nas na Ilidži imamo redukciju. Ali bih vas želio da vas upoznam da znate da sa područja Ilidže, jer danas sam čuo dosta spominjanja Sarajevsko polje, voda se snabdijeva, no međutim sa Ilidže dolazi 95% vode za grad Sarajevo. A ono dolazi sa područja Hrasničkog polja, Lasičkog polja i onaj dio Centra Ilidže. Građani naši oskudijevaju i oni nisu zaslužili da budu bez vode. Ovo što naš premijer iznosi, normalno je, mi niti želimo ostaviti niti premijera a niti građane na cjedilu jer sam se naslušao danas toliko tih stvari i priča, znate kada nešto dobro ide svi smo tu, a kada ide loše boga mi oni svi sa strane opet pobjegnu i izvuku se, kažu mi nismo krivi, samo da znate, mi nećemo ostaviti nikoga na cjedilu, i mi ćemo građanima sigurno obezbijediti vodu. Obezbijediti. A imamo tu mogućnost. Ja sam danas očekivao da ćemo više dati neke prijedloge konkretne stvari da možemo ovim ljudima stručnim koji su od nauke da mogu možemo im neke smjernice možda. Sjećajući se recimo ratnog perioda kada su nam Srbi zatvorili svu vodu i nismo imali vode, niti s ove strane aerodroma, niti s one aerodroma, ali pokušali smo da se snalazimo. Našli smo pumpe, ručno pumpali, vadili vodu i koristili. Sada je druga situacija. Zato bih zamolio da vidimo konkretne neke prijedloge. Nama

nije daleko, izvorišta koja bi našli van grada Sarajeva, možda udaljeni i neki do 20 km ili 30 km ako imamo neka izvorišta sigurna koja bi mogli da crpimo vodu. Zašto? Zato što na Ilidži kapacitet vode iako bi imali pumpe, pumpe normalno troše veliku struju, kapaciteti i sve, tokom ljetnog perioda voda ljudi, na površini vode nekad se voda crpi sa 10 metara a nekad se crpi sa 100, 200 i više metara u dubinu. Nema vode. Kada bi mi sanirali kompletne cijevi i sanaciji izvršili po gradu Sarajevu šta bi dobili? Pa nema vode. Nismo ništa dobili. Znači mi moramo tražiti izvorišta, kapacitet vode odakle, nekad je postojala znam sigurno Crna rijeka u Trnovu gdje je planirana brana, na Ilidži je planirano jezerce, kaskade da se prave koje bi stvarale rezervni kapacitet vode za ta polja koja bi se snabdijevala ta polja vodom, no međutim sigurno nam nije daleko Trnovo, Crna rijeka ima strašno lijepo izvorište, Bijela Željeznica, ili ljudi koji znaju još neka izvorišta. 20 km koje bi imali slobodan pad Sarajevu. Vjerujte sigurno 90% građana Sarajeva imalo bi vodu sa slobodnim padom. I ono ostatak ako treba nešto da se pumpa ne bi bio problem. Ilidža bi nam ostala kao rezerva sa vodom. Koliko opština imamo u gradu Sarajevo? Svakoj opštini da damo po 2 km da prokopa kanal ja životom garantujem da ćemo za mjesec dana sve to prokopati. Za mjesec dana da se prokopaju cijevi i da se postave da imamo vodu. Hajmo drugu fazu da rješavamo ove bespravne, gubljenje vode, ali se može dovesti voda da riješimo Sarajevo ne za godinu, za dvije, već ljudi da imamo ne za godinu, za dvije, nego da ostane iza nas, da nam bude dika nama poslanicima da smo bili poslanicima i da smo tu vodu sproveli, doveli, odlučili pronašli i obezbjedili grad Sarajevo za sljedeći sto godina a ne da se mi sada nešto ovdje koškamo, prepiremo i pričamo boga mi nismo djeca. Odrasli smo. Znači svi želimo dobro građanima, i hajde da učinimo pa da to sprovedemo. Što se tiče finansijskog, ja ne mogu da vjerujem, ovo nimalo ne može skupo doći. Kada se na opštine podijeli, da opštine nam sprovedu po dva kilometra iskopaju, imamo koliko devet opština u kantonu Sarajevo, to je 18 km, 20 km nam nema dalje do Trnova 20 km. I mogli bi riješiti. Ovo bi moj bio doprinos, i želja bi mi bila da razgovaramo u ovom kontekstu u rješavanju. Nama treba voda, gdje izvire, gdje nam izvire voda, džaba nam je ovo sve sanirati grad Sarajevo, kada dođete na Ilidžu, izgubila se voda dole, nema ljeti, nema vode, traže dublje kopaju, traže rove, ne mogu da nađu vodu. Mislim, ja bih toliko, ali eto volio bih da struka ljudi nam to malo kaže izvorišta gdje imamo, gdje možemo dovesti vodu i da građanima obezbjedimo vodu za sljedećih 100 godina.

Predsjedavajući:

Hvala lijepo uvaženi zastupniče Prevljak. Za sljedeću diskusiju i raspravu javio se uvaženi zastupnik Dževad Rađo. Izvolite.

Poslanik/zastupnik Dževad Rađo:

Hvala lijepo. Mi smo radi podsjećanja, svima nama posebno kolegi Kojoviću, da sjednicu nije zakazo gospodin Pindžo, moj uvaženi kolega, niti to može po Poslovniku uraditi. To može uraditi samo Kolegij što je i učinio, bilo bi mi drago

da je bio na toj sjednici, ali eto, po ko zna koji put je izostao sa sjednice Kolegija. Današnja sjednica je očigledno poprimila tok tematske sjednice, što nije bio cilj. Zato je i naznačeno da je hitna, i ona je zakazana u skladu s Poslovnikom i materijali su došli u skladu s Poslovnikom. Materijali su bili izvještaj i prijedlog mjera. Jer je ova Skupština zadužila Vladu na čelu s premijerom da u što kraćem roku. A to je ovaj rok od 50 dana, da izađe sa prijedlogom mjera kako riješiti problem vodosnabdijevanja u Kantonu Sarajevo. A ovo što su kolege rekle i kako se danas vodila rasprava više mi liči na jednu tematsku sjednicu sa primjesama početka kampanja za iduću godinu, pa u tom kontekstu pa i ja moram poslije nešto toga reći. Mi smo u ovoj Skupštini imali prilike da se bavimo bolnim problemima u komunalnoj privredi, sa JKP gdje su imali tematske sjednice, Grasa, ZOI i drugih, na žalost svjedoci smo u kojoj mjeri i na koji način su smo došli da imamo stanje u tim preduzećima. Imali smo tematske sjednice koje su bile ponekad i maratonske i detektovale probleme, odobraval i sanacione planove, davali zadatke Vladi, komunalnim preduzećima i kakvo sada stanje imamo? Imamo isto ili još gore na taj period. Po istom principu danas imamo pred sobom novi paket nekih mjera za prevazilaženje izuzetnog teškog, da ne kažem katastrofalnog stanja po pitanju vodosnabdijevanja u našem kantonu. I mi smo vrlo malo govorili o kanalizaciji. I ni taj problem nije ništa manje značajan od ovog prvog problema koje svi danas forsiramo. Ovaj prijedlog mjera u 90% predloženih mjera utvari je već sadržano u opisu radnog mjesta, odnosno nadležnosti JKP VIK. SBB nikada nije bio u situaciji da kreira niti na bilo koji način upravlja u JKP VIK. Što nije slučaj u našeg koalicionog partnera gdje je godinama bio u punom kapacitetu od resornog ministra dole do te neke konkursne komisije. Priča da je ovo sada depolitizirano. Evo pogledajte to v.d. NO: pa će ti članovi v.d. NO, izabrati predsjednika tog istog odbora. Nije tačno da to nije politička. Pa mi imamo ljude koji su na prošlim izborima bili na federalnim listama, konkretno Naše stranke. Prema tome nemojmo pričati da nije politički, sve je politički. Na kraju krajeva mi smo svi politička lica ovdje. I nemojmo dezavuisati javnost. Zbog svega rečenog, ja lično i moje kolege smo skeptični po pitanju ovih mjera u kom će one pravcu ići, imajući dosadašnje iskustvo pa ćemo najvjerovatnije prije izjašnjavanja, samog čina glasanja se povući da donesemo konačnu odluku. Mjere su pred nama, ja nisam čuo puno prijedloga izmjena i dopuna prijedloga koje je uputio premijer ispred Vlade, volio bih da čujem ako bude nešto očigledno će nam trebati neki novi argumenti da zbog samih građana dođemo u situaciju da imamo bolje stanje po pitanju vodosnabdijevanja. Hvala vam lijepo.

Predsjedateljica:

Hvala vam lijepo uvaženi zastupniče Dževad Rađo. A za drugu diskusiju javila se uvažena zastupnica Mersiha Mehmedagić. Izvolite.

Poslanik/zastupnik Mersiha Mehmedagić.

Zahvaljujem uvažena predsjedavajuća. Pa evo, nekako sam bila prekinuta, odnosno vrijeme je iscurilo za prvu diskusiju kada sam rekla da se voda u

vangradskim općinama krčmi kako ko hoće. Zašto sam to rekla. Zato što sam dobila zvaničan odgovor od KUIP a vezano za moj upit na koji način se kontroliše da li su općine koje su bile predmetom analiza, čija voda je bila predmetom analiza i koje su podigle svu onu halabuku jer je bilo fekalnih bakterija u njihovim izvorima, na koji način su riješili te stvari i sproveli korektivne mjere i da li su ih uopšte sproveli. I sada ću pročitati šta mi je rekla KUIP. Zahvatanje vode za vodosnabdijevanje aktivnost za koju su potrebni vodni akti prema članu 109 Zakona o vodama. Na području općine Trnovo postoji desetina izvorišta vode za javno vodosnabdijevanje nad kojima upravljanje vrši JKP Trnovo. Tokom inspekcijskog nadzora inspektor su predloženi elaborati izrađeni od strane ovlaštenog pravnog lica za osam izvorišta i provedena je javna rasprava. Prema izjavi odgovornog lica općina planira za preostala glavna izvorišta napraviti projekte zadatke i elaborate u narednom periodu, a sve prema raspoloživim sredstvima. Nisu pribavljeni vodni akti za izvorišta. Vodni inspektori su donijeli 40 rješenja kojima se nalaže općini Trnovo i KP Trnovo da sprovedu zakonsku proceduru u vezi zaštite pojedinačno svakog izvorišta vode za javno vodosnabdijevanje. I ti postupci su u toku. Na području općine Ilijaš postoji 13 izvorišta za javno vodosnabdijevanje. Za 11 izvorišta su donesene odluke o zaštiti u skladu sa zakonskim propisima, a za dva izvorišta je postupak izrade elaborata u toku. Nisu pribavljeni vodni akti za izvorišta. Vodni inspektori su donijeli ukupno 15 rješenja po kojima su postupci u toku. Na području Općine Vogošća za 6 najvećih izvorišta vode za javno vodosnabdijevanje trebaju biti urađeni elaborati i donesene odluke o zaštiti u skladu sa zakonskim propisima. Nisu pribavljeni vodni akti za izvorišta. Vodni inspektori su donijeli ukupno 12 rješenja po kojima su postupci u toku. Znači naša kantonalna inspekcija je konstatovala na koji način se upravlja vodama tamo gdje mi dugoročno možemo naći oazu i jednu sigurnost za vodosnabdijevanje Kantona Sarajevo. Poseban akcent ovdje stavljam na svoju matičnu općinu, općinu Trnovo. I vidite na koji se način to radi. Znači moramo imati jedan dugoročni. Rekla sam sve što sam imala. Hvala.

Predsjedateljica:

Za drugu diskusiju javio se uvaženi zastupnik Zvonko Marić.

Poslanik/zastupnik Zvonko Marić:

Zahvaljujem predsjedavajuća. Nisam imao namjeru da se javljam po drugi put ali su me ponukale neke diskusije i morao bih da kažem nekoliko stvari koje su se pominjale u prethodnim diskusijama ali i da se osvrnem na ove mjere koje je predložila Vlada. Moram kazati i to da sam evo posljednji put kada sam tražio tematsku sjednicu, isprintao sam da pokažem, kažem opet vrlo je bitno vrijeme kada da smo to uradili i da li se od tada popravilo ili nije stanje u VIK-u a na to je dao odgovor premijer Konaković i gospodin Pindžo. Ono što me je ponukalo je i činjenica da kolega Forto je pomenuo stručnjake i u tom segmentu paradoksalno bi bilo da sada kao neki stručnjaci kako zatrpiti cijev, potkopati, da li treba glavne cijevi mijenjati, paradoksalno bi bilo pored struke. Ako su imenovali

stručni ljudi u novi menadžment odnosno upravljačke strukture, a sjede tu, volio bih da čujem njihovo mišljenje o ovim predloženim mjerama, da li to njih zadovoljava kao stručnjake ove mjere jer oni će to provoditi. Ja ne znam da li su oni svjesni da samim preuzimanjem tih funkcija da ne bježe od odgovornosti da moraju biti odgovorni i ako nisu svjesni to ih ne amnestira od odgovornosti jer ja ću samo postaviti još nekoliko stvari i pitanja da pomognem eventualno dam doprinos da se što kvalitetnije uradi ovo što predstoji, svi ovi zahvati i mjere Vlade. Evo samo da pitam nekoliko stvari. Vrlo je zanimljivo to, da li kanalizacija iz Istočnog Sarajeva prolazi kroz naš sistem u FBiH? Ili je to besplatno? Da li mi to naplaćujemo? Ako prečišćavamo te kanalizacione vode u Butilama koliko to košta? Pa se u medijima u posljednje vrijeme govorilo o tome kako mi nećemo vodu iz Tilave, kupujemo je iz Jahorinskog potoka, ili zašto se ne napravi kakav aranžman da eventualno se na neki način postigne da u zamjenu za prečišćavanje da ne plaćaju da nam daju pitku vodu. Ako je to istina. Koliko košta ispumpavanje na 1000 m² i više vode tajkunima na Bjelašnici i Jahorini? Mi njima skupu vodu oni su nama poslali fekalije i zagadili nam sva izvorišta na Ilidži. 320. njihova je voda najskuplja. Dakle to su sve elementi o kojima bi se dalo razgovarati ali molim vas da mi se odgovori na ta pitanja i da li se u okviru.

Predsjedateljica:

Isteklo vrijeme. Za drugu raspravu uvaženi zastupnik Slaviša Šućur.

Poslanik/zastupnik Slaviša Šućur:

Hvala predsjedavajuća. Ma evo osjetio sam potrebu da se javim. Prošli put sam možda ostao nedorečen u nekim stvarima. Ono što smatram jako bitnim, dakle da pojasnim prirodu ovog dokumenta mnogi su o ovom govorili ali hoću da i ja kažem nešto. Vi premijeru nas dovodite u poziciju, sebe dovede u poziciju da se ponašate kao direktor preduzeća, to je vaš stil upravljanja, ja mislim da nije dugoročno dobar, nije jednog nego svih. Ja razumijem vašu želju, entuzijizam ali mislim da to nije način da riješimo probleme. Onda nas dovedete u poziciju da razmatramo materijale koji su posao NO. koji su posao struke i priroda ovih mjera koje su ovdje spomenute je nešto što spada apsolutno u nadležnost same kompanije. I mislim da ako mene pitate, ja mislim da mi poslovnički čak nemamo nadležnost da usvajamo ovaj papir. Ja mislim da je ovo informacija koju mi treba da primimo k znanju, možemo se izjasniti o tome, dakle rekli smo šta smo imali. Ovo su sve mjere dobre. I da vam kažem ja za ove sve mjere znam još od 90-tih godina. One su u opticaju od tada. Evo to je dakle moje viđenje što se toga tiče. Ono što bi mi mogli i trebali to je da iniciramo da tražimo od ove Vlade da priđe malo studioznijem razmatranju cijelog problema. Tvrdim da je bespravna gradnja, ali i ona gradnja sa dozvolama koje se izdaju a bez da se uzme u obzir kapacitet infrastrukture nešto što je pogubno dugoročno za Sarajevo. I mislim da se mora prvo u zakonskoj regulativi koja reguliše pitanje bespravne gradnje zaoštriti odgovornost, kako počinitelaca tog prekršaja, mislim da bi trebalo biti krivično djelo, tako i onih koji su zaduženi da vrše nadzor kantonalnih opštinskih organa.

Po meni, ugrožavanje javnog dobra je krivično djelo. Vrlo ozbiljno, a to je nešto što je kod nas postalo manir. Druga stvar što se tiče direktno cijelog pristupa, mislim da postoji jedan kaos koji niste ni pokušali da razjasnite u kompletnoj priči u finansiranju VIK-a kao kompanije izgradnja nove infrastrukture. Postoji jedan prihod kojeg vi niste ni spomenuli i taj prihod je možda i najveća žrtva bespravne gradnje. To je ona renta za položajnu pogodnost. Prvenstvena svrha tog prihoda je izgradnja nove infrastrukture. Dakle, neko ko dolazi na gotovu infrastrukturu plaća kada gradi objekat na izgrađenoj infrastrukturi, i iz tih sredstava se gradi nova infrastruktura. Šta smo mi uradili? Svi prihodi o ko jim vi govorite u suštini nije nezakonito i nije poenta ovdje je li nezakonito ili zakonito uzimati od vodnih naknada, ali nije namjena da se gradi vodovodna infrastruktura. A ovamo imamo izgubljeni prihod. 50.000 ako je tačno niko ne zna koji je.

Predsjedateljica:

Isteklo vam je vrijeme. Nisam ja kriva. Hvala lijepo uvaženi zastupniče Šućur. Za drugu raspravu se javio uvaženi zastupnik Mirsad Pindžo. Izvolite.

Poslanik/zastupnik Mirsad Pindžo:

Hvala. Prekinut sam na komentaru ovih zaključaka koje je predložila Vlada. Pa na zaključku 6 koji je sličan ili istovjetan zaključku 2 ponovo se odnosi isto jer na istu stvar se odnosi imamo cifru od 1.580.000 KM za tim za detekciju vode, a dobili informaciju da se ne radi da je raskinut ugovor. I da skratim da ne komentarišem svaki pojedinačno. Ovi zaključci koje je predložila Vlada ja sam ih kolokvijalno vako nazvao inšala zaključcima. Zašto? Zato što su neprecizni, zato što su s dugim rokovima, ili nikakvim, zato što nema mjerljivosti, nema koji se efekti postižu njima i oni bi se u tom dijelu morali doraditi. Kada se kaže da se uradi to i to efekat će biti taj i taj, u tom i tom roku i taj i taj će biti odgovoran. Samo to ima smisla, sve drugo je i zato ću predložiti nekoliko zaključaka i u kom smjeru da idemo. Jer pogledajte zaključak 8, 60 dana, 20, 30, 8 do 10 mjeseci. Suština je da fizički i tehnički dovedemo vodu građanima. To se može uraditi samo na dva način, otklanjanjem kvarova da voda ne curi i obezbjeđenjem novih količina vode. Kažite nam kako ćete to uraditi i u kojem roku. I to je jedan dio problema. Drugi dio problema je hvatanje lopova ko ji krađu vodu, oprihodavanje te vode i popravljjanje finansijske situacije u preduzeću da sistem bude samoodrživ da sam sebe može investirati da može popravljati kvarove i održavati taj sistem. Kada budemo naplaćivali tu vodu. Treći pravac je naravno u skladu s tim i ono što treba organizaciono u preduzeću od službe do pravilnika o sistematizaciji i drugih mjera koje se naravno dešavaju uporedu. I treći je dugoročan strategija upravljanja vodama. Obezbjediti novih količina vode za narednih 100 godina o čemu je kolega govorio pa ne znam ono šta bi još trebalo raditi, zaštita izvorišta i svega drugoga. Ako Vlada misli da je dobro da VIK daje stotine hiljada KM drugom preduzeću čiji je vlasnik bez obzira na inicijative na zaključke, mi mislimo da nije dobro, to mora biti jedan zaključak, to mora biti jedno poduzeće. Gubimo 500 ili 600.000 KM na godišnjem nivou koje možemo upotrijebiti za održavanje mreže. Zašto to

ne uradimo? Ne smeta nam niko. Smeta nam neki mali dioničar, pa isplatite ih. Ako je to neko već bio privatizovao. Drugi zaključak ja ne znam šta od opreme treba, sada kažemo dat ćemo 800.000 KM za iznajmljivanje, dajte ljudi iz VIK-a iz uprave nove, stare kakve god struke kažite šta je to od opreme potrebno bageri, rovokopači, za detekciju kvarova ili šta već tamo i koliko to košta i da kažemo Vladi izvolite obezbjedite ili preraspodjelom budžeta.

Predsjedateljica:

Tehnika radi. Režija samo da čujemo zaključak gdina Pindže.

Poslanik/zastupnik Mirsad Pindžo:

Evo malo je protekcijom. Zadnji zaključak ja smatram da ga treba doraditi, nikakvi zastupnici ne trebaju biti u kontroli. I u provođenju nadzora nad provođenjem ovih mjera, nego Skupština Kantona Sarajevo mora za svaku sjednicu biti informirana o stanju i realizaciji mjera i stanju vodosnabdijevanja građana Kantona Sarajevo na prvoj i na svakoj narednoj sjednici kao prva tačka dnevnog reda, jer mi nemamo većeg prioriteta. I ako to imamo, kada je u pitanju nadzor i vršenje eventualno nadziranja ili kontrole procesa koji se tamo dešavaju jer očito ima sumnje pa ovdje što je Vlada rekla, nevladin sektor i ostali može ali neka Skupština imenuje ali stručnjake iz reda građanstva a ne zastupnici. I ako hoćemo da Vlada, Vladi ne trebaju naši zaključci, Vlada će sama donijeti zaključke da nas na narednoj sjednici informišete ali sa ovim mjerama i da na svaku sljedeću sjednicu informiše dokle je stigla dodatne količine vode se mogu kupiti u Istočnom Sarajevu, mogu se uzeti od koncesionara koji je krađu koji ne plaćaju i da sa mjerama otklanjanja kvarova da vrlo brzo imamo uz naravno ovo božje daj nam kiše i ima malo više vode u sarajevskom polju, da vrlo brzo ukinemo redukcije. U narednom periodu od 6 do 8 mjeseci o kojima Vlada govori sa ovim drugim mjerama da ih nemamo više nikako. A naravno da je proces dovođenja u funkciju sistema to će trebati godine i neće biti dovoljan ni ovih 50 miliona ni ono što izdvajamo jer je to proces, jer je to prilično zapušteno i trebat će puno više i vremena ali kratkoročnim mjerama moramo ljudima obezbjediti vodu bez obzira koliko košta. Tačka. Nema većeg prioriteta ni izdvajanja iz budžeta osim ovih namjena. A ovakve zaključke bez ovih prijedloga da se oni dorade u kojima imaju jasni rokovi i da su mjerljivi u ova tri pravca mi nismo spremni podržati jer ovo je otprilike zaključci su dobri, ali ako ih ne možete mjeriti ako ih ne možete praviti realizaciju onda oni mogu sebi biti sami svrha i poslužiti će samo onima koji kažu mogu biti zlobnici ili dobronamjerni u obračunu između frakcija unutar SDA. A mi ne želimo u tome učestvovati. Hvala.

Predsjedateljica:

Hvala lijepo uvaženi zastupniče Pindžo. Za drugu diskusiju javila se uvažena zastupnica Bibija Kerla:

Poslanik/zastupnik Bibija Kerla:

Mislim da je vrlo brzo i kraj ove sjednice i želim da uputim jedan veliki apel što se tiče novih članova Skupštine VIK-a molim ih da podhitno prestanu sa dnevnom redukcijom ako je moguće ikako jer postoji mogućnost da dnevne redukcije izazovu i velike zaraze što se tiče škola. Jer u školama moramo imati vodu ljudi moji. Djeca su u školi. Dalje, najvjerovatnije nezaposlenost neće biti jedini razlog što odlaze male iz Kantona Sarajevo. To će vjerovatno biti i voda, jer dobro znamo da se poslije 11 sati prave djeca, a ne prije 11 sati. Hvala lijepo.

Predsjedateljica:

Hvala lijepo uvažena zastupnice Kerla. Za drugu diskusiju javio se uvaženi zastupnik Halilović. Izvolite.

Poslanik/zastupnik Semir Halilović:

Hvala predsjedavajuća. Dakle ja bih kratko samo premijera Kantona Sarajevo, zanima se pošto će sada uslijediti njegovi odgovori da nam precizno odgovorit ko preuzima odgovornost za provođenje ovih mjera? Postoji li plan po kojim će se one provoditi ono je spisak koraka, imaju li neki okviri u kojem će se to kretati? I da li je moguće, i zapravo smatram da je potrebno da se unutar tih mjera nađe i mjera koja je i simboličkog ali i ekonomskog karaktera a to je: da se odmah izvrši ili naplata ili obustava vodosnabdijevanja najvećih dužnika, privrednih dužnika u Kantonu Sarajevo. I pod broj dva: koncesioni ugovori koji su repotpisani, dakle imali smo jedne koncesione ugovore pa su ti ljudi navukli 14 miliona KM dugova, pa su ponovo potpisali koncesione ugovore, oni su dužni kantonu ali i dalje crpe vodu i zarađuju na njoj. Dakle četiri firme su tu najveći dužnici ima ih 19 ukupno sa ovim. Dakle da uđe u zaključak da će se ti koncesioni ugovori jednostavno raskinuti jer ti ljudi nas pljačkaju. E to ga molim da odgovori jer to je vrlo važno za čitavu grupu ljudi, smatram da su to vrlo pravdoljubivi i dobri zaključci. Hvala lijepo.

Predsjedateljica:

Hvala vam lijepo uvaženi zastupniče Halilović. Za diskusiju se javio uvaženi zastupnik Haris Pleho.

Poslanik/zastupnik Haris Pleho:

Hvala lijepo predsjedavajuća. Obzirom da se prvi put javljam želim da se sve srdačno pozdravim u ovoj Skupštini kao i gledaoce pored malih ekrana. Činjenica je da danas evo pet, šest, sedam sati raspravljamo i svaki zastupnik tj moj kolega koji je uzeo učešće u današnjoj raspravi, priča je bila na mjestu. Toliki su problemi da bilo šta da kažem a vezano još nešto dodatno za redukciju vode, nestašicu vode mislim da samo proširujemo istu priču a ustvari rješenja ovdje ne vidimo. Moramo diskusiju okrenuti prema svrsi današnje sjednice. Činjenica je da uvodu svom premijer rekao da je na današnjoj sjednici tu i Skupština predstavnici članovi i mislim da iz današnje rasprave a shvatam i razmišljam da su pažljivo slušali članove te skupštine, pored ovih 9 predloženih zaključaka koje bi mi kao trebali

danas da se izjasnimo, iako nisu obavezujući, mislim da su oni danas pored ovih šest sati rasprave imali bi obavezu da iznesu još koji zaključak prema kojima ćemo mi kako je rekao kolega Rađo prije nego što se izjasnimo uzeti pauzu i očitovati i vidjeti da li ti prijedlozi će imati svrhu današnje sjednice prije svega a i jednostavno otklanjanja ove redukcije vode. Ono što želim na kraju da kažem je činjenica sve zaključke koje mi danas ako budemo prihvatili oni se ne mogu realizovati ako nemamo novca. Šta će se desiti ako novac ne dođe. Dva mjeseca, i 90 dana, evo mjesec dana da mi damo roka da se pokuša nešto sanirati i ako dobijemo novac, utrošimo tih početnih deset miliona, a ne dobijemo ni jedan procenat pozitivnosti u redukciji vode, ko će snositi odgovornost? Trebamo danas jasno donijeti kao deseti zaključak upravo ovo što je kolega Halilović kazao šta ćemo poslije ta dva tri mjeseca ako se potroši novac od EBRD-a a ne dobijemo ništa. Smatram da trebamo ovu diskusiju privesti kraju, donijeti pored ovih devet zaključaka još neke određene zaključke a volio bih na kraju krajeva da neko od struke, tj obzirom da je premijer kazao da je struka uključena u skupštinu ovoga preduzeća izađe za ovu binu i kaže svoje utiske sa današnje sjednice ili eventualno neke nove prijedloge kako bi se mi mogli očitovati. Hvala lijepo.

Predsjedateljica:

Hvala lijepo uvaženi zastupniče Pleho. Replika, uvaženi zastupnik Čomor. Izvolite. Kome replicirate?

Poslanik/zastupnik Eldar Čomor:

Kolegi Plehi i čini mi se više puta smo danas čuli ovu formulaciju zaključci Skupštine nisu obavezujući. Ko to kaže? Zaključci Skupštine Kantona Sarajevo su obavezujući. Sada je samo pitanje pokretanja odgovornosti onih koji te zaključke ne sprovode. Znači zaključci ove Skupštine su obavezujući za one organe na koje se odnose. I zamolio bih da ne ponavljamo, onda šta mi radimo ovdje, što sjedimo? Pričamo onako, samo bezveze, jel. Hvala.

Predsjedateljica:

Za raspravu se. Replika, uvaženi zastupnik Vukasović. Replicirate kome? Kolegi Čomoru.

Poslanik/zastupnik Mario Vukasović:

Naravno da su po Poslovniku obavezujući, no u praksi su oni i te kako neobavezujući što se pokazalo u više navrata. Ja ću navesti konkretan primjer o sniženju školarina na Stomatologiji i Medicini. Vlada je jednostavno izignorirala taj zaključak i još niz drugih zaključaka koje smo imali ovdje i koji su jednostavno izignorirani i ukoliko Vlada sama ne poštuje te zaključke, onda automatski kao patronat svim tim javnim preduzećima, automatski ne vidim razlog da onda i ovi niži organi poštuju nešto ukoliko ne poštuje Vlada. Zahvaljujem.

Predsjedateljica:

Hvala. Samo da se držimo teme i da ne idemo. Pri kraju smo. Uvaženi zastupnik Safet Mešanović. Izvolite.

Poslanik/zastupnik Safet Mešanović:

Uvažena predsjedavajuća, dopredsjedavajući, kolegice i kolege, zastupnice i zastupnici, premijeru, ministri, gledaoci pored malih ekrana, ja vas selamim i pozdravljam. Dakle, ja ću pristupiti možda malo drugačije ovom problemu, a on je najveći problem u Kantonu Sarajevo u ovom momentu. Dakle, želim da upozorim našeg premijera i ministra, a naravno i sve ostale ministre i kompletnu Vladu da će se oni preuzimanjem ove odgovornosti na sebe susresti sa jednim još većim problemom, a to je kako promijeniti svijest i način razmišljanja u javnim preduzećima. Ovo će biti po prvi put. Hoću da kažem da ako se ovo JP ne bude iz korijena restruktuiralo i promijenilo, i ako se ne bude natjeralo svih 900 ili već 1000 uposlenika, koliko ih ima, ne budu li se natjerali da rade svoj posao onako kako treba od ove priče neće biti ništa. A mi možemo nabaviti bagere, možemo natjerati desetak timova da kopaju i danju i noću, međutim problem nećemo riješiti. Mentalni sklop i razmišljanje u JP je poseban problem i izgradnja sistema u našim JP, to je poseban problem s kojim se mi moramo susresti, ne samo u VIK-u, nego i u drugim JP. Dakle, upozoravam da će to biti jedan jako, jako težak posao, i ako ne budemo svi zajedno u ovom projektu rješavanja vodosnabdijevanja Kantona Sarajevo ja već sada vidim jedan neuspjeh. Naravno dat ćemo podršku premijeru u onome što je najavio, odnosno Vladi koja je najavila ove mjere, i naravno ako budu u međuvremenu imali još kakvih mjera, mi ćemo i to prihvatiti. Međutim, nemojte molim vas da zaboravite da je najveći problem natjerati naše uposlenike da upru prstom u one koji prave nedjela. Odnosno, reći lopovu da je lopov. Ne budemo li mi to pitanje riješili, ne budu li to ljudi radili na terenu, i otkrivali lopovluke mi ovaj puta nećemo imati uspjeha u ovom svom radu. Prema tome, sredstva će se naći, naći će se ljudi koji će raditi posao, ali mentalni sklop promijeniti u JP; to je poseban posao. Ja se zahvaljujem.

Predsjedateljica:

Hvala lijepo uvaženi zastupniče Mešanović. Imate repliku uvaženog zastupnika Marića Zvonke.

Poslanik/zastupnik Zvonko Marić:

Zahvaljujem predsjedavajuća. Naravno, ne poriče dobru namjeru kolege Mešanovića na ovo što je iznio. Ali pitanje mentalnog sklopa zaposlenika je posebna priča, dakle nije za ovu skupštinu. To je za upravljačke strukture toga poduzeća. Pazite, kada zapadate u propast, ne zapada se u propast, već vas dovede do toga jedna ideja, neki ljudi, neki ljudi koji provode u taj projekat i ne zapada se sam od sebe. Nije problem ovoga društva nisu zakoni, problem ovoga društva je neprimjenjivanje postojećih zakona. Postoje sankcije, postoje također interni akti, zakonski i podzakonski u okviru poduzeća, postoje i Zakon, prijavljivanje itd. Pazite, mentalitet ljudi koji kupuju mobitele, kao što je slučaj u ovom poduzeću,

u VIK-u, a pri tome se tvrdi da se nema para za lopate ili krampe je priča apsurdna. Prema tome, nemoj da se bavimo mentalnim sklopom i navikama koje je neko stekao. Pa neko ih je doveo do toga da se tako ponašaju. I kada sam već uzeo riječ, samo jedno kratko pitanje za premijera Konakovića, budući da se on priprema, koliko vidim da odgovori na naša neka pitanja, zanima me prije nego što je ove pauze koju je najavio kolega Rađo, da mi kaže, ponukala me je sama činjenica da sam se prisjetio tvorca liberalne ekonomije koji je svojevremeno rekao.

Predsjedateljica:

Ružite Poslovnik. Već ste imali vremena da pitate, ne možete sada pitati. Bila je replika i ne možete sada. Poslije, poslije. Izvolite gospodine Mariću, presedan samo ovaj put.

Poslanik/zastupnik Zvonko Marić:

Nije, bilo je prije presedana, nemojte baš na meni. Gospodine Konakoviću, on je rekao svojevremeno, u perspektivi svi smo mrtvi, ali to nije razlog da u međuvremenu nešto ne učinimo. Ja vas pitam, upravo taj koncept u međuvremenu, koliko vi istinski vjerujete u ove mjere koje ste predložili, u njihovu provodivost jer u suprotnom sve je drugo manipulacija? Hvala vam.

Predsjedateljica:

Hvala vam lijepo uvaženi zastupniče Marić i vjerujem da mi ne zamjerite što vas prekidam. Sada dajem riječ uvaženom premijeru. Zaključila sam raspravu naravno.

Premijer Elmedin Konaković:

Jel vam bila ovako ova bina koso, jeste ili se ovo ukosilo? Jest. Bila je. Prvo da ja odgovorim na dvije najkrupnije kritike koje sam slušao pa sam rekao provjerit ću, provjerio sam imam ih napismeno. Ministar Lukić je na putu u Beču, službeno je odsutan, ministar Šabić je zaista bolestan, slao mi je slike, leži čovjek. Strategija upravljanja vodama za koje smo slušali danas od zastupnica naših dragih, kritika na račun Vlade je dokument koji se na nivou FBiH donosi, a onda ga donose kantonalne Vlade. Trenutno je on u fazi javne rasprave na nivou FBiH, čim ga usvoji federalna vlast, on dolazi na nivou Kantona i mi ćemo u roku odmah obaviti svoju obavezu. Uredba ili ustvari privremena odluka o zaštiti izvorišta pismena informacija koju imam iz ministarstva privrede kaže: Vlada je na prijedlog Ministarstva privrede formirala komisiju u martu mjesecu 2017 godine, čija je predsjednica profesorica dr. Emina Hadžić s Građevinskog fakulteta u Sarajevu a članovi su predstavnici ministarstava, KJKP VIK doo i Zavod za planiranje razvoja čiji je zadatak pregled urađenog elaborata i kojem ste danas govorili, izrada prijedloga privremene odluke o zaštiti izvorišta Sarajevsko polje. Prije ove komisije podsjećam vas izmijenjen je Zakon o vodama Kantona Sarajevo kako bi se ova odluka mogla donijeti. Komisija je već izvršila analizu prethodno izrađenog elaborata iz 2013 koju je izradio Institut za hidrotehniku, pa onda dalje piše šta,

te imajući u vidu nemogućnost donošenja odluke o zaštiti izvorišta za područje svih zona sanitarne zaštite izvorišta zbog prelaska granice zona sanitarne zaštite u RS, pripremila privremenu odluku o zaštiti izvorišta za područje Kantona Sarajevo. S pravnom apsektu, odluka je završena, granice zona su povučene, potrebno je još geodetsko opisivanje granica zona zbog uvođenja novih lokaliteta koji su pod zabranama, a ti lokaliteti nisu bili obuhvaćeni starijim elaboratom. Opisivanje granica ne može vršiti komisija jer se radi o tehničkim podacima koje posjeduje Zavod za planiranje, te nakon tog opisivanja, odluka je spremna da prođe neophodne procedure oko pribavljanja mišljenja kako bi se predložila Skupštini na razmatranje i usvajanje. Znači sve prethodne radnje i trenutno nakon stava Zavoda za planiranje mislimo da će ovo vrlo brzo biti predmet donošenja skupštinske odluke, a da smo i na tom polju radili, pokazuju informacije koje sam vam upravo sada pročitao od marta 2017, a podsjećam nakon što ste vi, a ne mi izmijenili Zakon o vodama Kantona Sarajevo.

Još malo plastičnije da to objasnim. Čak smo i ovdje mogu reći na granici uzurpiranja nadležnosti jer smo bili dužni čekati Federaciju, tamo se ništa ne dešava, neki od vas gore sjede, dakle ne dešava i onda na granici ustavnih nadležnosti donosimo privremenu odluku a radi rješavanja ovog našeg problema. Dakle i te dvije strateške dugoročne stvari, Vlada kao svoju nadležnost radi ozbiljno. Ne znam da li da krenem od početka ili kraja, ja ću se suzdržati. Imao sam ovdje nekoliko pripremljenih političkih odgovora na politička seciranja, bez i jednog konkretnog prijedloga ili komentara na mjere. Komentarišat ću i zahvalit ću se velikog broju zastupnika koji su konkretno govorili o predloženim mjerama, a prije toga ću se složiti sa zastupnikom Šućurom, čija je diskusija i prva i druga bila zaista korektna i mislim da bi ovo bilo normalno da prihvatite kao informaciju, da je primite na znanje jer nema posljedica nema nikakve svrhe ustvari ima nešto što se može nazvati da ste onda ko biva preuzeli odgovornost za koju realno ste imali jako malo vremena, da je ovo neka duža procedura mogli eventualno uraditi i svoj dio posla ozbiljnije, jer za neke se druge stvari pripremite do te mjere, da često ovoj Vladi promijenite stavove, jer konsultujete struku, svoje organe, svoje savjete pa ovdje dođete s prijedlozima amandmanima, drugih akata u kojima mi često odemo na pauze i prihvatimo vaša mišljenja. Danas takva mišljenja nemamo. Prihvatam da je to iz razloga kratkoće ovog vremena u kojem bez obzira zbog zaista nužne potrebe, pa i ovog što rade građani, potpisuju se i vašeg zahtjeva na Kolegiju nije bilo dovoljno vremena da sa nama podijelite odgovornost, niti nama ni meni lično treba neko s kim ću podijeliti odgovornost, ne treba nam neko da kažem to je Skupština uhvatila pa ćemo se mi na to vaditi. Dakle odgovornost je premijera Vlade Kantona Sarajevo mene lično i mojih saradnika koji su sa mnom do grla u ovom problemu. Mislim da je potpuno logično da se izjasnite samo o prihvatanju ili primamo na znanje informaciju. To bi bilo proceduralno i dakle ne bi imalo nikakve posljedice kada je riječ o Skupštini a sve mjere kao što je govorio kolega Šućur su upravo baš ovakve: NO, novi menadžment, skupština preduzeća, resorni ministar, premijer Vlada imaju kao svoj dnevni zadatak. Vratit ću se na evo početak kako sam zapisivao vaše uz

ispravku krivog navoda: nisam govorio laganini, govorio sam laganije a vi ste govorili laganini. Imamo to u stenogramu. Vrlo kvalitetna diskusija kolegice Mersihe Mehmedagić, zato što ste vi u temi što se pripremate i što ste rekli nekoliko stvari a nadovezao se i zastupnik Halilović o onome što mi nismo predložili kao mjeru, a sigurno je bitno, eksploatiranje koncesija zahvatanje većeg broja litara nego što je dozvoljeno i propisano, prihvatao to, i evo zbog stenograma, ako već prihvatite da ćete se samo izjasniti da primate na znanje, Vlada će ubaciti mjeru koja, i po prijedlogu Halilovića i Mersihe Mehmedagić, govori o analizi broj detaljnoj koliko god je to brzo moguće onih koji koriste vodu iz sarajevskih izvorišta, a eventualno plaćaju koncesiju na 10 litara, konzumiraju 30 ili 40 ili nam ta voda otiče negdje u bunar, to je bila vrlo dobra diskusija i primjedba. Prihvatamo kritiku, ovdje dakle imamo tu interesantnu priču o poticajima da izanaliziramo koje su to firme eventualno dobile poticaj a dužne su Kantonu Sarajevo po tom osnovu, i prihvatam da u brzom izmjeni akata to bude eliminatoran uslov, da nikada ni jedna firma koja po bilo kom osnovu duguje državi, a ne kantonu marku, ne može dobiti poticaj. Dakle to je također bila jedna dobra mjera koju sam čuo i komentarišem ove zdrave diskusije pobjeći ću od ovih politički a bio sam pripremio par interesantnih komentara, neću. Dakle, hoću da objasnim za naš Baks. To je ovo, vi koji imate ambiciju biti premijeru da znate kako je to. A znam da vas nekoliko ima. Baks je naša firma, jedna sjednica kaže obezbjedite hitno grijanje stanovnicima Vogošće tamo ima 700 porodica. Kažemo dobro, šta ćemo, ima u Budžetu para, ta firma je naša 67%. Riješili smo onaj ključni momenat, znate da je neko prodao 66% dionica, pa da je ta zlatna dionica bila u rukama privatnika, mi smo to sada uzeli sebi. Pravno formalno smo to doveli do kraja, Baks je naše preduzeće. Tržimo ga u šahu, u leri, radi građana Vogošće dakle jer možemo ga formalno pravno uništiti, ugasiti zbog činjenice da sada idemo u sudski spor, naplaćujemo koncesiju, dug po tom osnovu, naša firma duguje našoj firmi u konačnici. To na kraju Skupština može otpisati. Možemo na nivou Skupštine raditi šta hoćemo ali još uvijek to ne radimo jer nemamo odgovor za Vogošću i 700 stanova u kojima nema alternative osim nabavke mazuta ovog prihvatljivog mazuta koji nije onaj strašni koji previše zagađuje. I ove godine ćemo morati posegnuti za tim rješenjem. U međuvremenu u toj firmi jesu desile promjene ona je uređenija. Ali kažete: kupite dionice. Probali smo, ljudi svjesni da to ima realnu, nama bitnu vrijednost dali su nam cijene koje su potpuno neprihvatljive za te cijene nemamo novca. Imamo, ali zamislite da vama donesemo i kažemo e sada nam za Baks treba 7 ili 8 miliona da kupimo. Baks ima ozbiljnu imovinu, Baks ima zemlju, Baks ima nešto što u konačnici ima neki ekvivalent ovoga što su dužni, držimo to dok se negdje ne smekša neka strana, ne možemo ih natjerati nikako da nam prodaju dionice. Najbolje rješenje neće. Hoće ljudi, ali ono što smo pregovarali, a više puta jesmo, nismo baš naišli na neko razumijevanje koje je prihvatljivo za budžet Kantona Sarajevo. Kada ste govorili o Hadžićima, da li je ovo bilo, jest, isto ste vi ja mislim Mehmedagić govorili. Mi smo naravno provjerili u Hadžićima da li imaju vode, koliko imaju vode, i ljudi hoće da nam daju, i kažu imamo sada 20 do 40 litara u našem planu razvoja

opštine to će biti viška, a možda će biti još. Tako da smo spremni, ne da je upumpamo sve u Sarajevo, nego mi smo razmišljali o tome da se Rakovica jedan dio dole Rakovice samo prebaci njima na vodosnabdijevanje, pa nek zarađuju od toga da ne kupujemo vodu. I druga lokalna firma, državno vlasništvo građanima Rakovice isporučuje normalno vodu, a te količine mi samo zadržimo u sistemu za ostatak Kantona. Razgovarao sam ja lično s načelnikom, lobisti Hadžića, Fišo Muharem i Fišo Mujo su također dali doprinos i to nije onako nabačena ideja. Sada idem dalje. Diskutovao je gđin Šućur. Potpuno se slažemo. Dakle vi ste vidjeli pristup ove Vlade kada je riječ o urbanizmu o legalizaciji, mi smo jednom silom prilika, nakon što je ovdje bilo normalno da se ovdje svake godine legalizuje, isključivo zbog naših objekata, a prije svega Akademije scenskih umjetnosti, donijeli Odluku o legalizaciji. Privremenu od jedan mjesec. I znali smo da u taj mjesec u januaru kada je zima, kada je ono steglo, neće biti previše zahtjeva i nije ih ni bilo. Ona je pokazala opravdanost i eno polako se zida i gradi ASU, koja će četiri godine propadala zbog činjenice da smo mi sami sebe zaključali pravno, a da smo novac imali na računu. Dakle legalizovanje objekata nelegalno izgrađenih. Urbanizam je problem. Znaite koliko smo vremena potrošili, da vam ne otvaram sada temu, i podsjećam vas na diskusiju o donošenju Zakona o prostornom uređenju, da smo taj segment uredili i bolje nego što je bio i da naravno odgovornost sada imaju lokalne zajednice. Naravno da je divlje gradnje previše. To ga ima jako puno, zašto su to načelnici dopuštali ne znam. Vodili smo računa u pripremi novog menadžmenta VIK-a da odmah po dolasku tamo ukinu termin bespravni priključak u VIK.-u. On ne može postojati. On u onom zakonu o prostornom uređenju, sjećate se da ima, da nismo uslovili tu saglasnost. I tada sam ja govorio, ne mora dati saglasnost VIK da bi neka građevinska dozvola bila ili ne bi bila pravosnažna ali može ne dati vodu jer u toku donošenja ove prostorno planske dokumentacije objekat koji nema saglasnost VIK-a ne može priključiti vodu, ili ako nam to Ustav bude naložio, može onako kako su to radili ljudi u Hadžićima, uz onaj reduktor, imat ćete vode da se napijete, ali se kupati ne možete dok ne uradite po planu kako struka kaže. Dakle, to je normalno i to bi bilo normalno da smo tu ideju dobili iz VIK-a a ne od zastupnika Šućura. Vidimo mi šumu, mi vidimo šumu naravno od problema ali smo mi trenutno kako nam je rekao Forto definiciju, nisam je shvatio. Pisao nam je jedan vatrogasac dok ste vi to govorili, vi ste rekli Vlada gasi požare a ne bavi se uzrokom požara. Tačno. Kako bi smo se mogli baviti uzorkom požara dok nam gori. Pitao sam ga bavite li se vi vatrogasci uzrokom požara kada vam plane vatra. On kaže ne bavimo, nego se bavimo uzrokom požara kada ugasimo vatru. Mi imamo požara svaki dan. Svaki dan smo ovdje imali požare. Neću ponovo ja na to političko polje u kom previše to govorim, a ima vas boga mi koji bi se trebali i svojim strankama pozabaviti, stalno pričate o toj mojoj stranci. Ja govorim o njoj, a boga mi vi i o svojoj. Ohrabren sam jer sa danas od kolegice Srne čuo prvi put da kaže i SDP je kriv za ono što smo bili. A imali ste i ministra, nemojte zaboraviti. Nemojte zaboraviti koliko je ministar iz SDP-a sjedio ovdje, dugo, predugo i ova tarifna politika je vaša. Dakle tarfina politika za porodice s dvoje djece, troje četiri pet,

ubi nas a ne smijemo je pipnuti dok ne riješimo vodu. Vaša odluka. I super je ovo što sam ovo danas čuo, kaže evo i mi smo krivi. Kada to tako počnemo pričati ja sam siguran da ćemo mnogo brže rješavati probleme. Nismo dakle, kolega Šućur također na fonu pokrivanja gubitaka iz budžeta, nego smo govorili o kapitalnim investicijama iz budžeta. Dakle iz budžeta kažete, vi ste odlično govorili na EBRD-ovom kreditu, od a do ž sve poredali kako ekonomija kaže i naravno da je potpuno drugi aspekt zadužena kod komercijalne banke, ali i to može imati računicu, može imati računicu jednostavnu. Kamata je 6%, 7% gubici na mreži 50% uzrokuju, pa se možda i tad, naravno u krajnjoj nuždi može posegnuti za tom investicijom. U ovom slučaju govorili smo alternativni, ako nije EBRD-ov kredit, onda kažemo jeste, ne za pokriće duga, jer oni imaju za platu, uglavnom ove naše firme imaju za plate a nemaju za ovo što je bitno, za kapitalna investiranja. Dakle o zaštiti vodozaštitnih zona sam evo rekao u kojim smo procedurama jer smo stvarno kao Vlada to shvatili ozbiljno. Za gđina Halilovića u prvoj diskusiji on je govorio starost cijevi, razlog zamjene, to je cirkus, oni koji tako govore su lični nemaju pojma. Nikada to ne može biti prvi parametar da je starost cijevi razlog za njenu zamjenu. Imate odlične stare cijevi koje niko nikada ne dotakne, imate novu cijev koja pukne. Ona kada pukne ona se mijenja i to je naravno potpuno tačno. Kredit EBRD-a. Više vas je o tome govorilo i gospodin Halilović pa ću se na to referirati. Dakle mi smo u pregovorima znali šta nas čeka. Prihvatamo najveću kritiku i najozbiljniju kritiku danas da detekcija koja se sprema nije završena cijela. I da ona, ali s druge strane vam garantujem da njen sektorski ili segmentalni pristup je sasvim dovoljno da možemo garantovati da se novac investira na pravo mjesto. Šta je još jedna olakšavajuća okolnost, a znate je, ugovorili smo tri tranše kredita u kojima nema povlačenja druge tranše dok za nju ne budemo spremni. I nema povlačenja treće tranše dok za nju ne budemo spremni. Prva tranša 10 miliona eura. Kaže 5 milona za elektroenergetski sistem koji ne može biti promašen. Dakle u tih 5 miliona ne može biti fule. To su te pumpe, koju god zamijenimo i lakše je detektovati koje po prioritetu mijenjamo jer tu ima onih 50 ili 60 godina starih. Ovih drugih 5 miliona eura ovim tempom koji treba da krene, da vas ne vraćam na to da je Vlada znajući za problem detekcije prije nekoliko mjeseci imenovala tim koji menadžment nije prihvatio. Tim ljudi, koji su, a Halilovića da ispravim, riješili problem Sarajevskog aerodroma. To je radio gospodin Koldžo, nisu radili stranci. Njega su oni zovnuli s aerodroma, čovjek došao. To je taj pristup i svakodnevno skoro imamo tu komunikaciju. Napisao mi je to dok ovdje sjedimo, nisu to oni, nešto sam ga pitao on kaže to su ljudi. Njih pokušavamo uvesti u VIK. Jer je to normalan stručan pristup da čovjek kaže, evo problema ovo na ovaj način riješite. I oni su bili tim za detekciju Vlade Kantona Sarajevo koji nam kažu u VIK ne, mi ćemo to, mi to znamo bolje iako to 20 godina nisu htjeli raditi. Neću o ovim strujama, neću to ništa. Akšamija je govorio o konkretnim mjerama. Također evo na dio onoga što je on govorio se ja referiram. Na ove klanske borbe, to sam rekao, to bi vi trebalo malo svi se pozanimati sa sobom i jednu sam danas čuo, isto za mene inovativnu stvar, kaže nam kolega Kojović: mi znamo da raste prihod od indirektnih poreza, to znači da

je ekonomija dobra, da rastu prihodi nekim slučajem je to indirektna pohvala vladajućoj koaliciji. Zahvaljujem. Rastu indirektni porezi, imamo prihoda to ste potpuno pogodili, ta je diskusija ispravna i ona će biti dio sredstava iz kojih ćemo moći još neke projekte riješiti siguran sam. Zastupnik Vukasović se pitao što mi ovo radimo, zašto ovo raspravljamo a vama hoću da kažem, za mene lično o tome sam ovih dana govorio o zakonu i moralu. Bez obzira što proceduralno možda i jesu neke obaveze zaključci Skupštine, neke za mene lično nisu obaveza. Povećanje ili smanjenja samo onako populizma radi neke školarine, bez da se uradi ekonomski pristup koliko tu ugrožava funkciju tog fakulteta, iz čega će ljudi primiti platu, da li će stati potpuno u koncept, hoće li imati novac za nabavku materijala, nije moglo biti obavezujući za ovu Vladu. I ta komparacija po mom mišljenju nije bila adekvatna. I naravno druga okolnost u kojoj se mi dogovorimo politički hajmo spojiti fondove. Dobar prijedlog, a onda nemamo političku klimu da se ona riješi. Nepromjenjiv prijedlog. Ne možemo implementirati. Dakle to su stvari, jedna je politički, drugi je ekonomski aspekt. Tako da proceduralno jesu to formalno pravno obavezujući zaključci koji se iz ovih razloga ponekad ne mogu implementirati. Socijalna karta nelegalnih potrošača je jedna dobra primjedba kolege Vukasovića. I evo odgovorio sam na studiju prije, otkud znamo da nam treba 50 hoćemo potrošiti i ta podjela odgovornosti. Nema zaista razloga da nikakvu odgovornost dijelimo niti nam treba da neko sa nama podijeli odgovornost i vidjet ćete kandidati za premijera kakva je odgovornost Vlade, ustvari izvršne vlasti. Donošenje odluka je jedna ozbiljna stvar. Nešto o mjerama. Nismo detaljno možda razradili. Kolega Pindžo je govorio recimo 800.000 KM angažman ovih drugih preduzeća plaćanje satnice. To se u izvještaju, ne znam da li se spominje, to se dešavalo. Ali to se neće dešavati. Znači odluka je da Vlada, svim preduzećima naloži da se plaćaju samo nužni troškovi. Nema satnice ovim drugima i da ova dva mjeseca ostave po strani sve poslove. Da svu mehanizaciju daju VIK-u, sipat će se benzin, imat će ljudi svoju dnevnu platu. To nisu troškovi. Ovih 800.000 odnosi se na ono što moramo kupiti da bi popravili ovih 978 kvarova. Dakle tu je procjena da 800 KM košta jedna rupa iskopana, njena sanacija, rekonstrukcija i tu je procjena da uz ono što će biti tekući troškovi održavanja iako eventualno pogrešno piše ja objašnjavam. To nije cifra niti nam je želja. Evo da znate. Tu nema ove satnice jer smo to jednom prošli. Mi kažemo, frka je, hajmo sva komunalna preduzeća. I znate što je sada dobra nam je situacija i klima, rekli su svi direktori može jer su njihovi izvještaji naredna sjednica pa sada može i to ćemo iskoristiti da sada to bude na ta način riješeno. I neće biti 250 KM satnice nego će svi ostaviti posao po strani prionuti na otklanjanje hiljadu kvarova koji nam prave 400 ili 500 litara troška. I vas ćemo moliti da to isto tako kažete, da podsjetite direktore, jer kad prođe izvještaj onda će. Pa neće, vidjet ćemo kako ko se bude ponašao. O režimu redukcija. Dakle nešto što je sasvim normalno da bi trebao postojati plan redukcija, obavještenje da dva dana prije, ja nisam imao podatak da ima dnevnih redukcija radi nestašice vode. Njih ima radi rekonstrukcije vodovodne mreže. To se radi neselektivno, mogu kao što su neki dan iz Rada polijepili svima nama po haustorima kaže odvozit će se smeće na

tom mjestu utoliko i toliko. Dan ranije dođemo i kažemo poštovani građani sutra će u vremenu tom i tom i dajte realan rok, ako je to od 8 do 4, stavite od 8 do 4, nemojte do 12, pa nema do 4. o tome smo govorili i kada smo govorili o centru za korisnike. A centar za korisnike naravno ne podrazumijeva nova upošljavanja, on nikako ne. I ovo otklanjanje ovih kvarova isto ne podrazumijeva ako ne mora, a ako mora na povremen poslove dva mjeseca ljude, nikako trajno. Pa onda vremenom kažemo, hvala ne treba ostat će vas pet ili neće niko. A unutra firme smo 900 ljudi rekonstruisali. To je ta mjera za koju mislim da je moguće donijeti u sedam dana. To nije kompletna izmjena sistematizacije. To je prilagođavanje sistematizacije potrebama trenutnih aktivnosti Vlade, Skupštine NO i Skupštine preduzeća. To je sada o prijemu ljudi o kojima ste govorili. Što manje moguće. Mi u komunalnoj privredi imamo 400 ljudi manje. Dominantno u Grasu i ostalim preduzećima. Vidjet ćete izvještaje. Broj ljudi se smanjuje. Na budžetu je 230 manje. Znači nama tendencija i intencija nije prijem nikakvih novih ljudi, za ovu akciju, kako se ona blic akciju može nazvati svakako planiramo povremene poslove angažovati ljude s biroa odakle je god moguće da vojska izađe i riješi 1000 kvarova. I mislimo da se to isplati jer je to tih nekoliko stotina litara vode. Nije gospodine Forto VIK jedna od firmi, VIK je jedina firma. Dakle evo govorimo o vodosnabdijevanju, on je jedina naša firma u Kantonu Sarajevo s kojom imamo problem. Ove druge firme s kojima gazduju lokalne zajednice, kantonalne ona je jedina. Nije jedna od koje vodosnabdijevaju nego je jedina. Nema 30 savjetnika u Skupštini, zastupnice Kerla, ne znam ko su savjetnici, šta su. To su priče koje su medijske i ovdje nema niko savjetnike po potrebama na projekte neke ljudi kod nas rade. A imamo mogućnost po sistematizaciji da ih primimo na neodređeno vrijeme. Imamo čak i novac za to i sutra bi mogli iza sebe nekog ostaviti. Ja u Kabinetu neću to uraditi. Nego ću to dok mi treba po projektu angažovati ljude koji provedu po nekoliko mjeseci i odu kući. Odgovornost svih onih koji su doveli do ovoga, o tome sam vam govorio i djelimično, evo tu je sa nama i dalje naša Skupština i predsjednik Antikorupcionog tima, sve one koje smo prepoznali kao suspektne počinioce bilo kakvog djela prosljedili tužilaštvima i ja ću sa zadovoljstvom na narednom izvještaju Kantonalne tužiteljice zajedno vjerovatno sa našim kolegama iz Antikorupcionog tima postavljati pitanja dokle su ovi procesi kada je riječ o mogućem kriminalu u VIK-u došli. Odlično je obzervacija kolege Šućura koji ćemo također uzeti u razmatranje o ovoj renti od 2000 KM koja bi mogla biti novi izvor prihoda, je li zašto nije i šta je nadležnost Kantona u odnosu na opštine. Vidjet ćemo da li i to može bit neki novi izvor u kom se može obezbjediti dodatna sredstva. Također je i kolega Halilović na kraju rekao sljedeće. Da se privrednim društvima naplati i obustavi isporuka. Ako se sjećate i ja sam to govorio u svom obraćanju. To je sasvim normalno čak i ako je protuzakonito. Evo ko god hoće nek prepisuje, medije nek kažu premijer izjavio onaj ko krade vodu i ko je dužan vodu i poziva se na to pravo za privredne subjekte govorim da eksploatiše i dalje vodu a stotine hiljada maraka dužan, ma ja bih ga isključio pa da se ganjamo po sudu pet godina. Platit ćete vodu, možete napraviti reprogame, stavit ćete nove data logere, mjerila, plaćajte godinu, dvije ,

tri pet, nećete biti dužni i od danas plaćate normalno. Ta mjera je predviđena. Mi smo rekli to su prve adrese na koje idete, to je taj analitički sektor VIK-a koji golim okom vidi da neko ko troši 15 kubika ima auto-praonicu, treba biti odmah i uslikan i objavljen pored toga što će biti eto na taj naćn sankcionisan. Dakle prihvatamo to kao dio ovih mjera Vlade, i evo vraćam se na te koncesione ugovore, raskid, dakle sve pravne segmente da li je moguće iskorisiti da se takvim ljudima napravi kontrola, da se raskine ugovor i naravno da nikad ne dobiju poticaje, pri tom još iz budžeta. Kolega Mešanović je rekao o svijesti u JP, odgovornosti. Ako se sjećate ja o tome također govorim više puta, o tom drugom ešalonu naših isturenih odjeljenja, Vlada i ministri su ovdje godinama bili glineni golubove koje su političke partije isturale na položaje i za njih u preduzećima zapošljavalo, tenderisalo i svašta se tamo radilo. Mi smo taj koncept mijenjali. On naravno još uvijek nije zdrav, mi još uvijek ne možemo reći uspjeli smo. U nekim firmama se on vidi. I oko ovih famoznih prića, zato nam je bila intencija da formiramo radno tijelo. Sekretar mi je objasnila proceduru, podsjetila me je da za formiranje povremenih radnih tijela inicijativa mora doći od zastupnika 1/3 ili Kolegija kako bi se ona pretvorila u zaključak, ne može biti danas realizovan. Ali vi možete zadužiti Vladu, mi to prihvatamo da Vlada imenuje to radno tijelo, a vi dajete imena. Imena treba da budu struka, vaša, pripadnici vaši, simpatizeri ko god hoćete da vide da ovdje nema nikakve želje da neko nešto proda, i da neko ovu situaciju iskoristi za cijev, za bager, za bilo šta što baca mrlju na ovaj cijeli proces. Sve ljude koje imate i eksperte iz oblasti javnih nabavki, građevine, mašinstva, struke, dajte mi ćemo napraviti tijelo, nemojte samo da traže nadoknadu, kod nas se komisije ne plaćaju već dugo, taj segment kontrole bi trebao biti društvena odgovornost sviju nas, dajte najbolje. Uopšte mi nije briga ko će imati većinu u tom organu. Ko god pokaže da je ova flaša vode od nekog mog ili vašeg, mi smo pali na ispitu. Dakle to je bila intencija ovog zadnjeg prijedloga. I pošto bi on administrativno mogao biti komplikovan, ili evo sada pokrenite pa na narednoj sjednici formirajte ako imate vremena, po mom mišljenju brže će biti da dostavite Vladi imena koja će Vlada imenovati na narednoj sjednici kao neku vrstu saradnika, ne mogu reći nadzora, ne mogu oni sada tamo upravljati firmom, niti će, ali će imati upliv informacija u svemu onome što može prekršiti ili narušiti povjerenje u ovom cijelom procesu. Ja istinski kolega Mariću vjerujem da sa svim ovim mjerama, sa našim pristupom na ovaj naćn, a prije svega sa ljudima koji će se ponašati kako bi se i dosada trebali ponašati oni koje izaberemo na funkcije u JKP da će to biti drastićna razlika i da će se efekti vidjeti od prvog dana u nekim segmentima funkcionisanja VIK-a. Da nam takva firma može garantovati da se u tih šest do devet mjeseci neće biti redukcija ili može biti jedna sjajna politićka prića da mene tu više nema. Dakle i to je isto tako moguće, ja tu potpuno svjestan ćinjenica da tu stavljam politićku karijeru na kocku nemam nikakav problem s tim. Niti se time igram niti populiziram. Nego bi to bila prilika da se dakle i na taj naćn neko riješi s ove politićke scene. Ja znam da to može biti ovako kako smo mi predložili. Znam zato što znam i ove ljude koji tamo rade. I naravno još jednom ponavljam, preuzimam punu odgovornost za sve procese koji u kantonu poćinju

danas, ne tražim ni od koga da sa mnom tu odgovornost dijeli. Predlažem samo još jednom da ovo prihvatite kao informaciju, primite na znanje i da nas kontrolišete kao što je kolega Pindžo dobro predložio. Svaka sjednica Skupštine treba počinjati himnom, pa onda izvještajem iz VIK-a pa onda pitanja i inicijative i sve otale teme, da vidimo da li se stvari tamo u VIK-u mijenjanju na način kako smo danas ovdje govorili. Ja vam se zahvaljujem na strpljenju, na korektnim diskusijama, na ovim predizbornim nemam ništa protiv, i ja sam se nekada tako ponašao, bit će to još sada januar, februar mart kada krene, toplije, a eto do tada mi ćemo svoj posao raditi ovako kako znamo. Ako neko zna bolje, može više, ima neke demokratske procese, bit ćemo od pomoći da se ovo stanje popravi. Hvala vam.

Predsjedateljica:

Hvala lijepo premijeru. Ima samo jedna replika upućena vama od uvažene zastupnice Segmedina Srne.

Poslanik/zastupnik Segmedina Srna Bajramović:

/početak diskusije nije bilo uključen mikrofoni/ bila u pravu kada mi je bilo teško povjerovati kada je premijer rekao da će se suzdržati od ovih političkih obračuna. Premijeru ja sam očekivala da ćete makar biti makar tačni, precizni i korektni u navođenju onoga što sam rekla. Dakle dobila sam djelimično ono što sam, odnosno citat djelimični citat onoga što sam izgovorila, ja sam rekla da i SDP preuzima svoj dio odgovornosti proporcionalno učešću u vlasti. Ali nemojte zaboraviti da od 27 godina SDA u vlasti nije bila svega dvije godine, a SDP sve zajedno sa Alijansom možda četiri, u Kantonu Sarajevo. Dakle, vi očigledno ne možete nikako pobjeći od te svoje potrebe da se svima koji se usude ukazati na vaše pogrešne poteze polemizirati s te govornice. I zaista mi je žao zbog toga jer smo čini mi se ove tenzije na današnjoj sjednici bili konačno spustili. A i zaboravljate kakvi ste bili kao zastupnik, upravo to. Eto samo sam to imala potrebu da kažem, jer sam se ja potrudila da tačno navedem sve ono što ste vi izjavljivali prethodne dvije godine uz vodosnabdijevanje. Priznajte.

Predsjedateljica:

Hvala lijepo uvažena zastupnice Srna Segmedina Bajramović. Još jedna replika od uvaženog zastupnika Mirsada Pindže. Izvolite.

Poslanik/zastupnik Mirsad Pindžo:

Zahvaljujem. Nisam imao vremena ni u dvije diskusije kada je u pitanju uskraćivanje vode nelegalnim potrošačima. Ja mislim, bio sam pripremio jedan zaključak i u tom smjeru da se proširi. Prvo ljudi treba da znaju da se ima pravo po Zakonu o komunalnim djelatnostima uskratiti usluga od strane onoga ko nelegalno koristi, ko krade, ima tamo nabrojano sve. Da su kazne za pravna lica od 10 do 30.000 KM ako se uhvate u tim nelegalnim radnjama. Za odgovorno lice u pravnom licu od 3 do 9.000 KM, za građane od 2000 do 6000 KM. I onda nisu mi jasne ove informacije koje dobivamo da je naplaćeno samo 300.000 KM a

uhvaćeno ih 400 u nelegalnim. Pa da su svi fizička lica trebalo je biti 800.000 KM. Po kojim se to tarifama naplaćuje? Ali prije svega, tu VIK mora i Ministarstvo informirati građane i pravne subjekte, korisnike vode da mogu doći u probleme plaćajući ogromne kazne i uskraćivanjem vode za one koji rade, pa će i to dati, vjerujem i to će dati neke efekte. Kada ste govorili o ovom prvom, naveli ste vi ovdje mašine, ali tu fali i da ćete 60 zaposlenika i oprema i rezervni dijelovi, ako smo već došli u tu fazu dajte iz budžeta, jer to su kratkoročne mjere koje mogu dati rezultat. I o tome sam govorio. A ja tražim, ne da raspravljamo o mjerama nego da budemo informirani o zaključcima koje donosi Vlada preko preko organa preduzeća i nije tačno da mi nemamo nadležnosti, mi imamo pravo naložiti i Vladi i Skupštini preduzeća koje imenujemo. Prema tome, imamo pravo. Pitanje je do kog nivoa jesmo li mi tehnički pismeni, iskusni, znamo li stručni da možemo nalogati takve mjere. Ali na prijedlog stručnih organa i iz VIK-a i iz ministarstva i Vlade znamo da imamo pravo i o tome raspravljati. Ali evo nije nikakav problem, pošto je očito. Hajde da ne komentarišem dalje. Primit ćemo k znanju.

Predsjedateljica:

Hvala lijepo uvaženi zastupniče Pindžo. Premijeru Izvolite.

Premijer Elmedin Konaković:

Da ne ostanem mislim nedorečen kada je moja draga kolegica Segmedina Srna u pitanju. Malo je moj entuzijazam kako bih rekao splahnuo, bio sam sretniji. Mislio sam da je ta doza samokritike ono baš na nivou. I ja sam tako nekada počinjao, pa i meni nemoj po našoj stranici. Ti ljudi tako što govore ne misle dobro našim strankama. Ja sam samo na to što ste vi rekli bio sretan, pa sam onda na to nadovezao da je resorni ministar došao iz vaših redova, a oni su vjerujte mi, ti ministri koji su bili neki od njih, da mi se ne povrijedi moj Kozadra, sve pazim kada govorim o tome, jer on je potpuno drugi tip, mijenjali dresove, strane, stranke, donosili tarife, jednom u vašoj, jednom u mojoj, jedno tamo. I ja vas pozivam da se to više ne radi nikad. Da mi budemo ta avangarda koja će to promijeniti i da taj koncept odgovornosti, samokritike bude primjer da mi kažemo osim VIK-a u još ćemo mi firmi bogami firmi razdrmat pa uvesti ljude koji su stručni i bez boje dresova. A izvinite, kolega Pindžo ja mislim da smo se mi shvatili. Ja sam vama objasnio zašto neke stvari nismo detaljno pojasnili, a radi stenograma i onoga što ste govorili, složio sam se sa diskusijom da je pristup koji vi zagovarate ispravan, i mi ćemo naravno na taj način uraditi. Hvala.

Predsjedateljica:

Hvala lijepo uvaženi premijeru. A sada bih nakon svih ovih diskusija konstatirala da primamo na znanju Izvještaj o vodosnabdijevanju Kantona Sarajevo sa predloženim mjerama za rješavanje problema vodosnabdijevanja. Eto.

Ja vas sve srdačno pozdravljam i zaključujem ovu našu Hitnu sjednicu.

